





A. U. B. LIBRARY











يوسف السباعي

892.78

S 563 A
C. 1



جمعيّة قتل الزوجات

مسرحية فكاهية. في ثلاثة فصول

ملتزم الطبع والنشر

مكتبة النهضة المصرية

للمؤلف

- | | | |
|---------------------------------------------------------------|----------------------------|------------------|
| الناشر: دار التوزيع والطباعة والنشر
طبع في شركة فن الطباعة | الطبعة الأولى
سنة ١٩٤٧ | أطياف |
| الناشر: مكتبة الخانجي
طبع في شركة فن الطباعة | الطبعة الثانية
سنة ١٩٥١ | |
| الناشر: دار التوزيع والطباعة والنشر
طبع في شركة فن الطباعة | الطبعة الأولى
سنة ١٩٤٧ | نائب عزرائيل |
| الناشر: مكتبة الخانجي
طبع في شركة فن الطباعة | الطبعة الثانية
سنة ١٩٥٢ | |
| الناشر: مكتبة الخانجي
طبع في شركة فن الطباعة | الطبعة الأولى
سنة ١٩٤٨ | اثنتا عشرة امرأة |
| الناشر: مكتبة الخانجي
طبع في شركة فن الطباعة | الطبعة الثانية
سنة ١٩٥٠ | |
| الناشر: مكتبة الخانجي
طبع في شركة فن الطباعة | الطبعة الثالثة
سنة ١٩٥٢ | |
| الناشر: دار النشر العربية
طبع في دار الاحد بيروت : لبنان | الطبعة الأولى
سنة ١٩٤٨ | خبايا الصدور |
| الناشر: مكتبة الخانجي
طبع في شركة فن الطباعة | الطبعة الثانية
سنة ١٩٥١ | |
| الناشر: مكتبة الخانجي
طبع في شركة فن الطباعة | الطبعة الأولى
سنة ١٩٤٨ | يا أمة ضحكك |
| الناشر: مكتبة الخانجي
طبع في شركة فن الطباعة | الطبعة الثانية
سنة ١٩٥٠ | |
| الناشر: مكتبة الخانجي
طبع في شركة فن الطباعة | الطبعة الأولى
سنة ١٩٤٩ | اثنا عشر رجلا |
| الناشر: مكتبة الخانجي
طبع في شركة فن الطباعة | الطبعة الثانية
سنة ١٩٥١ | |
| الناشر: مكتبة النهضة
طبع في مطبعة السعادة الكبرى | الطبعة الأولى
سنة ١٩٤٩ | أرض التفاق |
| الناشر: مكتبة النهضة
طبع في مطبعة معمر | الطبعة الثانية
سنة ١٩٥٢ | |

الناشر : دار الفكر العربي
طبع في شركة فن الطباعة
الطبعة الأولى }
سنة ١٩٤٩ }
الطبعة الثانية }
سنة ١٩٥١ }
في موكب الهوى

الناشر : مكتبة الخانجي
طبع في شركة فن الطباعة
الطبعة الأولى }
سنة ١٩٤٩ }
من العالم المجهول

الناشر : دار الفكر العربي
طبع في شركة فن الطباعة
الطبعة الأولى }
سنة ١٩٥٠ }
الطبعة الثانية }
سنة ١٩٥١ }
هذه النفوس

الناشر : مكتبة الخانجي
طبع في شركة فن الطباعة
الطبعة الأولى }
سنة ١٩٥٠ }
الطبعة الثانية }
سنة ١٩٥٢ }
إني راحلة

الناشر : دار الفكر العربي
طبع في مطبعة الاعتماد
الطبعة الأولى }
سنة ١٩٥٠ }
مبكي العشاق

الناشر : مكتبة الخانجي
طبع في شركة فن الطباعة
الطبعة الأولى }
سنة ١٩٥٠ }
بين أبو الريش
وجنينة ناميش

الناشر : مكتبة الخانجي
طبع في شركة فن الطباعة
الطبعة الأولى }
سنة ١٩٥١ }
أغنيات

الناشر : مكتبة الخانجي
طبع في شركة فن الطباعة
الطبعة الأولى }
سنة ١٩٥١ }
أم رتيبة

الناشر : دار الفكر العربي
طبع في شركة فن الطباعة
الطبعة الأولى }
سنة ١٩٥١ }
هذا هو الحب

الناشر : مكتبة الخانجي
طبع في شركة فن الطباعة
الطبعة الأولى }
سنة ١٩٥١ }
صور طبق الأصل

الناشر : مكتبة الخانجي طبع في شركة فن الطباعة	{ الطبعة الأولى سنة ١٩٥٢ }	بين الأطلال
الناشر : مكتبة الخانجي طبع في شركة فن الطباعة	{ الطبعة الأولى سنة ١٩٥٢ }	السقامات
الناشر : دار الفكر العربي طبع في مطبعة الاعتماد	{ الطبعة الأولى سنة ١٩٥٢ }	سَمَّار الليالي
الناشر : مكتبة الخانجي طبع في شركة فن الطباعة	{ الطبعة الأولى سنة ١٩٥٢ }	الشيخ زعرب
الناشر : دار الفكر العربي طبع في مطبعة الاعتماد	{ الطبعة الأولى سنة ١٩٥٢ }	نقحة من الإيمان
الناشر : نادي القصة طبع في مطبعة روز اليوسف	{ الطبعة الأولى سنة ١٩٥٢ }	وراء الستار
الناشر : مكتبة الخانجي طبع في شركة فن الطباعة	{ الطبعة الأولى سنة ١٩٥٢ }	ست نساء وستة رجال
الناشر : دار الفكر العربي طبع في شركة فن الطباعة	{ الطبعة الأولى سنة ١٩٥٢ }	هذه الحياة
الناشر : مكتبة الخانجي طبع في شركة فن الطباعة	{ الطبعة الأولى سنة ١٩٥٣ }	البحث عن جسد
الناشر : مكتبة النهضة المصرية طبع في شركة فن الطباعة	{ الطبعة الأولى سنة ١٩٥٣ }	جمعية قتل الزوجات

الإهداء

إلى نقاد الذين أثارتهم ، أم رتيبة ،

وإهموني بالإسفاف والتهريج

أهدى مزيداً من الإسفاف والتهريج .

يوسف السباعي

مقدمة

أحب قبل أن يقدم القارىء على قراءة هذه المسرحية . . أن أجعله على بيّنة من أمره وأمرى وأمر هذه المسرحية التي يوشك أن يضيع في قراءتها بضع ساعات ثمينة - أو غير ثمينة - من عمره .

أنا لست واعظاً ولا فيلسوفاً ولا حكيماً ولا مرشداً . . ولا ولا شيء أبداً من هذه الصفات الفاخرة . . التي قد يتوهمها القارىء في الكاتب . . أو يتوهمها الكاتب في نفسه .

أنا عند ما أكتب أحس بتمعة من الكتابة ، وعند ما أقدم ما كتبت للقارىء أحاول أن أدعوه لمشاركتي تلك المتعة ، وتزداد متعتي عند ما أحس أنني نجحت في أن أسبب له نوعاً من المتعة . . وأنى هيأت له خلال أيامه المرهقة المتعبة التي تزدهر بها حياته ساعات من المتعة الذهنية قضائها وإيأى في كتابي .

هذا هو كل ما أقصده وأحب أن أبلغه بكتابتي . . فإذا صادف

بها القارىء ما توهم فيه عظة أو حكمة أو أى شيء آخر من هذه
المسميات المحترمة فأؤكد له أنى لم أقصدها . . . وأنها زجت بنفسها
بين الكتابة عفواً بلا قصد منى أو تديير .

فإذا كنت يا أخى القارىء ، غلباً ، مثلى ومثل بقية الناس الذين أرهقتهم
أيامهم من أمرهم نصباً وعسراً ووددت أن تخفف عنك بعض هذا النصب
والعسر فاقراً هذه المسرحية . . . فقد تغلح فى منحك بعض الراحة والتسلية .
وإذا كنت قارئاً ، قسزوحاً ، تضن بوقتك أن يصرف إلا بين
آيات بينات من الحكم والعظات فلا تضع وقتك معى عبثاً . . . أمامك
كتب الأخلاق والتهديب والتربية والفلسفة . . . أو . . . لم أذهب بعيداً . . .
أمامك الكتب السماوية . . . خذ منها ما شئت من النصيح والعظة . . . ولا أظن
كاتباً مهما بلغ من الحكمة والعقل والبلاغة والقدرة بقادر على أن يأت
لك بخير منها .

أما أنا فرسالتى كما قلت لك أن أخفف عنك بعض ضيقك ونصبك
فإذا نجحت . . . فيها ونعمت . . . وإذا لم . . . فاعذرنى . . . إنما
الأعمال بالنيات .

والسلام عليكم ورحمة الله

يوسف السباعي

أشخاص المسرحية

قرقر

خادم



ميمر الفنط

فنان فقير يهودي
الموسيقى والأدب
والشعر



عمريد

خادمه



محمود حباب الله

ابن اخته
طالب حقوق
خائب



زكية والده

جارية

راقصة ومنلوجست



أم عميرة

صاحبة البيت
امرأة قاسية
سليطة اللسان



الشيخ عجباب

شيخ

من صانعي الأحجية



بركة

ابنتها

فتاة حلوة طيبة



عم زيون

فلاح غني



نوح افندي

زوجها
موظف كبير
يهوي الموسيقى



الصور بريشة الفنان الاستاذ عمير السميع



المنظر : سطح منزل في شارع سلامه في حي السيدة زينب . في اليمين قطاع حجرة يقطنها سيد الفنط ومحمود جاب الله . في مواجهتها باب يؤدي الى الخسام والمطبخ . وسرير حديد بأربعة أعمدة برقد تحته محمود وسيد وقد أسدت عليهما ملاءة السرير فأخفتها . . . وعلى اليسار أريكة بالية تعلوها نافذة وضع بدل زجاجها المكسور ورق جرائد . . . وفي الوسط منضدة صاج عليها أية زجاج وبقايا طعام وأوراق ومنبه وعود . وعلى اليسار الباب المؤدى الى السطح ، وقد كومت وراءه صناديق وسلال وشالات وأثاث قديم حتى لا يمكن فتحه من الخارج ومعلق على الحائط مشجب ومرآة مشروخة . وفي يسار السطح يبدو الباب الخارجى لحجرة خشبية صغيرة منخفضة وبجوارها تقفية فراخ . . . وفي المواجهة مدخل السطح وحبال شميل ممتدة بطول السطح . الوقت قبل الفجر في أواخر الشتاء .



المشهد الأول



[محمود — سيد]

[تمر فترة صمت . . تسمع خلالها دقات المنبه وصياح الديكة دون أن يبدو علي المسرح أحد . . وجماعة يدق جرس المنبه فيندفع سيد من أسفل السرير ويسكت المنبه . . ثم يتسلل على أطراف أصابعه فيرتدى البنطلون والجاكيت فوق الجلباب ويدس قدميه في الخذاء . ثم يقف أمام المرآة لمبشط شعره ويترين ويدندن . محمود يمد رأسه من أسفل السرير وينظر اليه في دهشة]

محمود — ديهده . . ديهده . . إيه الحكاية يا خال ؟

سيد — [مأخوذاً بيقظة محمود] .. حكاية إيه ؟! ما فيش

حاجه أبدأ .

محمود — أبدأ ؟! أبدأ ؟!

سيد — أيوه .. أبدأ .. أبدأ .. شايف في حاجه غريبه ؟

محمود — لا أبدأ .. ولا غريبه ولا حاجه .. بس يعني

مش زى عوايدك تتسحب كده لوحدهك من تحت السرير ..

وتسييني أروح ضحية النوم وأقابل لوحدي القضا المستعجل .

إنت ناوى تخلي بيته ؟!

سيد - أخلى بيك إزاي؟ أنا ما أنا واقف أهو
قدامك... مين قال لك إن أنا حاسيبك رايح في النوم
وانزل.. نام نام.. لسه بدرى.. أنا مش حانزل دلوقت..
ولما آجى أنزل حاصحيك [مستراً في الدندنة والتزين أمام المرأة]
يا الله ارخي الستاره ونام.

محمود - أنام؟ أنام إزاي [يخرج من تحت السرير]
ما يمكنش... لازم أعرف إيه سر الخنتفه والسبب اللي
بتعملها في روحك دى... أنا أعرف إن بينك وبين المراه
تتافرشديد.. وخصومه مستحكه.. كل واحد منكم ما يطقش
التانى.. إزاي قادر تقف قدامها الوقفه الطويله دى؟

سيد - مكره خالك لا بطل.
محمود - وإيه اللي يكرهك على العذاب ده؟ إيه اللي
يرغمك على الاضطباع والبلطه فيما تكره؟

سيد - محتاج لها يا محمود بابنى.. مزنوق فيها.. لازم
أهندمها وأسببها لأنى حاستعملها.. حاعرضها للأبصار.
محمود - هي إيه دى؟

سيد - خلقتى... اللخبطه اللي أنا شايفها في مرآة
النحس... لازم أساويها شويه.. لازم أحتنفها..
وأسببها.. وأساويها.. وأهندمها عاشان تبقى مقبوله

شويه ... إن كان عليّ أنا مايميش .. أنا خلاص خدت
عليها ، ما بقتش أخاف منها قوى .. لسكرن هم ...

محمود - هم مين ؟!

سيد - اللي حايشفوها .. لازم أوضها لهم ، لازم
أهياها لهم شويه .

محمود - إيه أصله ده يا خال ؟ إيه اللي توضها
لهم وتهاها لهم .. هي لمة راس ؟ بس مين دول اللي خايف
عليهم قوى من خلقتك ؟ انت ما انت طول النهار ماشي
بها كده عريانه .. وسايبها على خلق الله .. اشمعني دول
يعني اللي لازم توضها لهم .. وتهاها لهم .. يبقوا إيه دول ؟
يطلعوا ايه ؟

سيد - يطلعوا ؟ .. ما يطلعوش ابدأ .. بيرموا سهامهم
كده وهم قاعدين .. بيصوبوا سحرهم كده وهما نعبانين .
محمود - ولا انا فاهم حاجه .. هم ايه دول اللي بيرموا
السهام ويوزعوا السحر .. يكونوش هنود حمر ؟!

سيد - حمر ؟ . يا غبي . دول سود . سوادهم عجيب .

محمود - هنود ، سود . إيه الكلام ده ؟

سيد - هنود ؟ . هنود إيه يا جدع . مين قال هنود

سود ؟ .

محمود - آمال يبقوا إليه دول اللي قاعدين يسبحروا
ويضربوا بالسهام ، واللى انت عمال توضب لهم لحمه الراس
بتاعتك ؟

سيد - عيون . . عيون سود . . مش هنود سود
بامغفل ، عيون المها ، عيون ، فى طرفها حور ، عيون من
الى قال فيها الشاعر : « يصر عن ذا اللب حتى لا حراك به » .
محمود - وانت بقى ذا اللب الذى لا حراك به ؟
سيد - لا حراك ، ولا روح ، ولا نفس ،
ولا حتى .. لب .

محمود - يعنى بالاختصار . انت بتحب ؟

سيد - أيوه .

محمود - قديمه .

سيد - إيه هى اللى قديمه دى ؟

محمود - مسألة الحب بتاعتك ، طول عمرك وانت
بتحب . من يوم ما وعيت عليك وانت عاشق مستهام .
أنا فاكر وأنا صغير يوم ما جيت لنا البيت وهدومك
تحت باطك ، لما أبوك طردك وحرّم عليك تخش البيت
من تحت راس قسايد الحب اللى كنت بتعملها فى مرات

الشيخ علوان ، يعنى من يومك وانت حبيب ومستندات
الحب بتاعتك ، لا تعد ولا تحصى .
سيد - مستندات الحب ؟ . إيه هي دي ؟
محمود - الحياه ، والفقير . وتلتميت قصيده ، وخمسين
قصه . وأربعين غنوه . محبوسه بين أربع جدران فوق
سطوح أم عبده ، ما سمعهاش غيرك ، وغيرى . والغلبان
شندى عبد الجليل الجرجاوى . هو الحب دا حاجه جدت
عليك .. طول عمرى وأنا أوعى عليك ، تبص لنجوم السما
وتنهى ، وتبص لغروب الشمس وتتحسر . وتبص لطلعة
القمر وتأوه . ما فيش حاجه من الحاجات دي تعدى عليك
من سكات أبدأ ، لكن كل ده ما كانش له صلته بخلقك
أبدأ . كل الحب اللي انت غرقان فيه ده ما خلا كس مره
واحده تبص فى المرايه . ولا تسبب شعرك ولا تهندم
ففسك . إيه اللي جد عليك ؟

سيد - ما كانش حب يا محمود .
محمود - أمال كان إيه يا خال ؟
سيد - كان هيامان . كان إفراط فى الحساسيه . كان
انتظار حب . كان حب من طرف واحد ، كان حب ،
والحبيب مجهول .

محمود - يعني كده ، زى الجنايه . لما تنقيد ضد مجهول .
 سيد - كان عندى فيض من الحب ، لكن ما كانش
 مركز فى حاجه مخصوصه . كنت أبص للنجوم وأحس
 أنى بخلق بينها وأدور على حاجه ناقصانى . كنت أسمع
 صوت الكروان سارى مع نسيم الفجر ، وأحس انه
 يحمل لى رساله من حبيب ناأى . كنت أبص للقمر ويتبأ
 لى إن فى وشه ابتسامه حلوه بتجيني . كنت أمسك العود
 بتاعى وأحس بصوابعى بتجرى عليه ، مش بنغم ولا لحن ،
 لكن بمناجاة . للحبيب الهائم الغايب . كنت بحب ، لكن
 ما كنتش عارف باحب مين . لغاية ما ليله من الليالى ،
 سمعت صوت لذيذ يدندن ، بغنوة : « فى الليل لما خلى ،
 إلا من البساكى ، » « النوح على الدوح حلى ، للصارخ
 الشاكي ، » « ما تعرف المبتلى فى الليل من الحاكي ، » وكنت
 قاعد مره على سور السطح ، وسمعت الدندنه وسط سكون
 الليل الخالى . حسيت جسمى بيرتعش . ولقيت دموعى
 نازله بتجرى زى السيل .

محمود - وعرفت مين صاحبة الصوت ؟ !
 سيد - عرفتها . . ليله . . ورا ليله . . بقيت أقعد
 لوحدى أسمع الدندنه . . ولقيت الإحساس الفياض

والشعور الهائم والقلب التايه .. ابتدوا يتركزوا في الصوت
وفي صاحبة الصوت .. واتجمع كل الحب الخيران بين
النجوم والسماء والقمر والغروب والبلابل .. واتحط كاه في
صاحبنا دى .

محمود - بس مين هي ؟!

سيد - وبقيت أحسن إن الأمانى بتاعتى في الدنيا كلها
انحصرت .. في حاجه واحده .. مش إني أبتى فنان شهير ،
ولا صاحب ثروه ولا سلطان .. بل في إني أقعد كل ليله
واستنى لغاية ماتخرج في البلكونه .. وألمح خيالها في الليل ،
وأسمع الدندنه .. كل سعادتي كانت متركزه في اللحظات
القصيره دى .

محمود - هي مين بس يا خال ما تقوللى وتريح قلبي ..

شفتها بالنهار والالآ ؟!

سيد - شفتها .. وحسيت زى اما أكون بقالى تلاتين
سنه ماشى في صحرا في عز الشمس .. ولقيت شجره خضرا
تحتها ميه وأكل .. حسيت زى اما أكون لقيت حاجه
بتاعتى .. مش غريبه على .. انت بجزيتش الحب يا محمود ؟!

ما تعرفش حاجه عن الحب ؟!

محمود - والله يا خال .. الحب بتاع الصحرا والشجره

الخضرا .. وهات لى معاك بقره .. دا مجربتوش .. أنا
أصلى ماكلش كثير من حكاية سكون الليل .. والنسيم
والحاجات دى .. أنا بقالى سنتين ماشى مع البنت ، زكبه
ولعه ، .. ومريحانى خالص .. كل ليله ألاقها محضرا لى
الكاسين والعشا .. أشرب الكاسين وآكل اللقميتين .. وأنام لى
شويه .. وتانى نازل .. حاجه ألسطه خالص .. لاتعب ..
ولا صرف .. ولو انها اليومين دول موغوشانى شويه ..
من حكاية كده .. ربنا يستر .

سيد - إنت ماتعرفش الحب ، الحب اللى أنا بقول لك
عليه ، بينك وبينه ما بين السما والأرض ، الفرق بين اللى
بتعمله وبين الحب ، زى الفرق بين الكلب اللى بينهش حته
لحمه ، والبني آدم السابح فى روضة بين الزهر والبلابل .
محمود - والله ياخال ، أنا باحب اللحمه

سيد - كل إنسان وله طبيعته ، وكل طبيعه ولها الحاجه
اللى ترضيها ، إنت تحس إنه يرضيك كاسين وحضنين ،
أى كاسين وأى حضنين ، وأنا با احس إنه يرضينى مجرد
صوت أو كلبه أو لمسه ، بس من مخلوق معين وإنسان
مخصوص ، يمكن يمر على العمر بطوله وأنا مش لاقيه ،
ويمكن يخلص العمر واخرج من الدنيا وأنا بقول مع اللى قال

عبثاً خلقت ، ، ولكن دلوقت حسيت إن أنا ماتخلقتش
عبث ، وإن فيه حاجه تستاهل الحياه والوجود ، وإن العمر
ماراحش ، ومش حايروح أونظه ، حاسس إن أنا لاقيت
الحاجه اللي اتخلقت علشانها ، ولو خلصت الحياه بعد كده ،
مش حاندم . . لأنى شاعر إني خدت اللي أنا عايزه منها .
محمود ... ديهده ، ديهده ، إيه دا كله ؟! الظاهر إنك
واقع قوى ۱۱ .

سيد - قوى ، قوى ، قوى ، إذا كان الحب إسمه فى
لغتك وقوع .

محمود - ومين هى اللي عملت فيك كده ؟! قوللى مين
هى دى بنت الأروبه علشان أشوف تستاهل كل اللي
بتقوله عليها والا لا ، مين هى دى صاحبة العيون السود
اللى بصرعن ذا اللب ، ، أعرفها أنا ؟! .

سيد - أيوه .
محمود - وشفقتها ؟! .

سيد - أيوه .

محمود - طيب يا أخى قوللى مين هى وريخنى ؟!
سيد - بهيه .

محمود - بهيه ؟ بنت أم عبده ؟ .

سيد - أيوه .
محمود - كده مره واحده ؟ ، يا نهارك اسود ياخال ،
ودى تقدر عليها إزاي ؟ ! البنز من ناحية الحلاوه حلوه ،
بت زى اللوز ، بس جد قوى ، وأنا ما احبش الجد ،
وما احبش الهوى العذرى ، وما تنساش إنها بنت أم عبده
كان ، يعنى ما يمكنش تقدر تقرب لها ، دى ساكنه فى منطقه
الخطر ، فى المنطقه الحرام ، ودى وصلت معاها لغايه إيه ،
حب من جانب واحد زى عوايدك ، من بعيد لبعيد ،
والا حصل حاجه ؟ !

سيد - فضلت مده طويله ، والحب من جانب واحد
وأنا سعيد بيه جداً .. كل اللى أتمناه إني ألمحها بالليل واسمع
صوتها وما كانش عندى فكره أبدأ إنها يمكن تحس بي ،
لغايه ما ليله من ذات الليالى قعدت ادندن أنا بالناى ،
فدندنت هى معايا ، وبعدين فى الآخر رفعت راسها لفوق
وضمكت وشاورت بالسلام .

محمود - وعملت إيه انت ؟
سيد - حسيت إن أنا مش ماشى على الأرض ،
حسيت إن أنا بطير فى السما ، حسيت إن الدنيا
مش سايعانى . ماتصورش أد إيه تكون سعادة المحب

لما يحس إن اللى بيحبه ميزه من دون الناس ، وأنه خصه
من دون الخلق دول بابتسامه أو بإشاره أو بكلمه ، سعادته
عجيبه ، عجيبه جداً ، وبقيت بالاحس وأنا بستناها بالليل ، إنها
حاسه بيه ، وانها بتغنى لى أنا .

محمود - وبعدين فضلت كده تغنى لك بالليل وانت
تصفر لها ؟ أمال إيه اللى خلاك صايج تسبب أوى كده ؟
سيد - امبارح حسيت بحنين عجيب لها ، وكان نفسى
أدفع نص عمرى وأمسها أو أمسك إيدها ، فبعد ما خلصت
الذندنه رحت متجراً ومكلمها ، قولتها بالشويش ، إن
نفسى أشوفها .. فضلت واقفه ساكته شويه وأنا كأنى منتظر
حكيم بالإعدام لغاية فى الآخر ما قالت لى إنها ما تقدرش تطلع
دلوقت ، ولكن بكره الصبح بدرى حاتطلع لى الساعة ٦ ،
[يرفف السمع] سامع حاجه ؟ ، فيه صوت رجلين ؟

محمود [بتصت] - لأ مش سامع .
سيد [ينظر الى المنبه] - على العموم لسه فاضل عشر
دقايق ، ياسلام ، تصور إن أنا ما نمتش نص ساعه على
بعضها طول الليله اللى فاتت .

محمود - ليه ؟ ! بخيخة الفليت ما هى محطوطه جنبك .
سيد - فليت إيه يا أخى ، أنا ما نمتش من الفرحة ،

مش من التاموس ، أنا مش مصدق إن أنا حا كلها وحاسلم
عليها ، أقول لها إيه مش عارف ، حضرت كلام كتير قوى
عشان أقوله ، شعر وثر و مواويل ، لكن أنا عارف كل حاجه
حاطير من مخي ساعة ما أقف قدامها ، أنا باتلخبط قوام لما
عينها تيجي في عيني .. أظن يدوبك بقي لما أستعد للخروج .
[يبدأ في رفع الأشياء المكومة وراء الباب] .

محمود [منزعجاً] - إيه ده ؟ إيه اللي بتعمله ده ؟ !

سيد - بشيل الحاجات دي علشان افتح الباب .

محمود [يصرع باعادة الأشياء مكانها] - انت مجنون ..
عايز تشيل المتاريس والحصون اللي بندافع بيها عن كياننا ..
عايز تزيل الخطوط الدفاعية وتسينا كسده مكشوفين
قدام الأعداء ؟

سيد - الأعداء زمانهم نايمين في سابع نومه .. ما فيش
في السطوح دلوقت إلا الأجه .

محمود - والله أنا خايف من الأجه بتوعك دول
ليجيوا لنا الكافيه .. خايف ليكونوا حلفاء مع العدو .
مابلش يا خال خروج من الباب دلوقت .. خطينا
مستورين .. أنا طول الليل احلم بالوليه أم عبده . وإنها
كبست علينا زي عزرائيل الموت .

سید - طب بس ما تفسر ش .. قال الله ولا فالك .
محمود - مافسر ش ازای .. وانت بتفتح علينا باب
جهنم .. قال الباب اللي يجيالك منه الريح سده واستريح ..
واحنا مش بيجيلنا منه ريح وبس .. بيجيلنا سموم ..
هبوب .. عواصف .

سید - يا ستار .. طب بس اخفيها سيره ... ندرن
عليه يوم ما انم على قرشين أسدد بها الأجره المتأخره ..
لاحظهم لها على أقدم برطوشه .. وأخزأ جبابي عينها .
محمود - قرشين ؟ متين دول ؟! من القصائد ..
والا من الأغاني ؟!

سید - يا سيدى ربك كريم .. يعنى هوا احنا
حانفضل على طول كده على الحديده . مسير الجواهر اللي
فى الوحل ، يعرفوا الناس قيمتها .

محمود - طب وحياة أبوك . تسيننا من الجواهر اللي فى
الوحل ، إذا كنا حانفضل معتمدن عليهم ، حانتننا مدفونين
معاهم فى الوحل . لا احنا طالعين ولا هم طالعين ، احنا كل
أملنا داوقت فى أولاد الصرم اللي فى البلد بيعتولنا حاجه .

سید - لا .. أنا ينست منهم خالص . ثلاث تشهر
ما بيعتوش نكله . وهى الوليه أمك دى مش عارفه إن لها ابن

بيتعلم ، ويهيص ، ويفرفش ، وأخ يشقى ليل ونهار في الفن
الى ما حدش بيقدره . [يأخذ في شيل الأشياء من وراء الباب]
خلينا نخرج لحسن يدوبك فاضل خمس دقائق .

محمود — [في استماتة ويمسك بالأشياء] ما يمكنش ، أنا قتيل
الباب ده .

سيد — أمال أخرج لها منين ؟

محمود — زى ما بتخرج كل مره .. من الباب الخلفي
[يشير الى النافذة الزجاجية] احنا مش بقالنا شهر بنزل ونطلع
على مواشير الميه ، زى النسانيس ، والوليه مش حاسه بينا .
عايز تخرج من الباب وتضيعنا في شربة ميه . بقلنا شهر متمتعين
بالأوده ، والوليه مش قادره تقفشنا ، تصور لو اتلّت على
واحد منا ، حاجيب خبره . أنا سامعها امبارح من وراء
الباب وهي بتقول لقرقر ، آه يا نارى لو أتلّم على واحد
منهم الضلاليه النصابين ، أربع تشهر ما يدفعوش الأجره
والنبي لاطلعها على جتتهم .

سيد — يا ساتر !! سمعتها بتقول كده ؟ !

محمود — بودنى دى ، والواد قرقر الله يستره ، قال لها
والله ياست ما حد بيعتر لهم على أثر ، أنا عارف دول اختفوا

فين ، زى اما تكون الأرض انشقت وبلغتهم ، يمكن سافرم
يحببوا فلوس .

سيد - طب ودوقت أخرج ازاي ١٤ دى الحكايه
كلها فاضل ثلاث أربع دقائق وتطب .

محمود - يعنى كان لازم تدليك مواعيد فى السطوح ؟
لازم تحديد مواعيد الغرام ، فى مناطق الخطر ؟

سيد - أهو اللى حصل ، ما خطرش بيالى أبدأ حكاية
أم عبده دى ، أنا ساعتها كنت بحلق بأجنحة الحب فى سماء
السعادة .

محمود - طيب وحياة أبوك تخلى أجنحة الحب
تنزلك لغاية تحت ، يا الله وربنا ، الشباك أهو ، مادام خايف
من المواسير .

سيد - أنا مش خايف من المواسير ، هو انا بعد
الشهر اللى فات دا اللى خدت فيه السكه قياسه على المواسير ،
بقيت أخاف من المواسير . لكن الفكره إن أنا لما انزل
تحت حاضطر اطلع تانى على السلم علشان أوصل للسطوح ،
ولازم حافوت عليها ، يبقى ما عملناش حاجه ، نبقى عملنا زى
جحا لما قالوا له ودنك منين . اسمع أنا حاخرج من الباب
واللى يحصل يحصل . اوعى [يقذف بالأشياء بعيداً عن الباب]

هي موته والاكثر ، أنا لو جت على شنتي لازم أخرج ،
 بقى معتول هي تطلع لى وتآيس وانا اقف زى الجبان
 ورا الباب ، خايف من امها ؟ اوعى يا شيخ بلا مسخره ،
 [تبدو بيه من مدخل السطح ويسمع وقع أقدامها] سامع ، الظاهر
 انها جت . ياسلام ، أنا حاسس إن قلبي ييطب ، أنا مش
 قادر أقف على رجلى ، مين يصدق إن أنا حاكلها وحط
 إيدي فى إيدها ؟ !

محمود — [بدفه] طب بس اخرج .. اخرج ...
 إن شاء الله حاجيب لك الكافيه .. أنا ياعم حاخش فى الخبأ
 أكمل نومي .. ولما تخلص من التحليق بأجنحة الحب فى
 سماء السعاده .. ابقى طب على صحينى .. انفضل .
 [يدخل محمود أسفل السرير ويخرج سيد متسللاً فيلمح بيه فيقترب
 منها متردداً]

المشهد الثانى



[سيد — بيه]

سيد — [لنفسه] ياسلام . أنا متبياً لى إن أنا فى حلم . مش
 يصدق انها حقيقة بتجنبنى وانها تخاطر بنفسها وسمعتها ...

عشاقى أنا .. دى نعمه ما استحقهاش .. دى سعادة أنا مش
أدّها ، دا كرم من ربنا ما استهلوش . فيه فى الدنيا سعادة
أكثر من سعادة المحب لما يلاقى نفسه محبوب .

[يصل الى بهيه فنبدو عليها الدهشة عندما تبتزم]

بهيه — مين ؟! سيد افندى ؟

سيد — أيوه أنا سيد .. أنا .. أنا .. أنا مش عارف
أقول لك إيه .. فيه حاجات كتير قوى عايز أقول لها لك ..
لكن مختار ابتدى ازاي .

بهيه — [مازالك فى دهشتها] .. أنت ؟! أنت !!

سيد — أيوه أنا .. أنا عارف إنك خايفه قوى ..
عارف انك أول مره تقفى موقف زى دا !! لكن أنا
متأسف .. متأسف جداً .

بهيه — لكن .. لكن ...

سيد — ليكن إيه ؟! انت خايفه من إيه ؟

بهيه — أنا مش خايفه .. لكن .. أمال ...

سيد — أمال إيه ؟

بهيه — أمال فين محمود ؟!

سيد — محمود ؟!

بهيه — أيوه محمود .. كان لازم يقابلنى دلوقت ..

امبارح بالليل بعد ما صفر بالناي قال لي اطلعي فقلت له اني
ماقدرش اطلع بالليل ابدأ وادبت له ميعاد دلوقت .

سید - [مردداً و ذھول] محمود ؟ محمود !!

بہیہ - مالہ ؟! ہو جرا لہ حاجہ ؟!

سید - [فی یأس شدید] ابدأ .. ابدأ ماجرا لوش حاجہ
[لنفسہ] انا اللی جرای .. انا اللی اتعلقت بأمل واهی ..
انا اللی اتحطم قلبی ، وضاع أملی .. انا اللی طمعت نفسی
بسعادہ ماتخلقتلہاش .

بہیہ - مالک یا سید افندی سکت لیہ .. قوللی !!

طمنی ! ہو محمود جرا لہ حاجہ ؟

سید - اُد کدہ بتخافی علیہ ؟!

بہیہ - طبعاً .. طمنی .. قوللی فیہ إیہ ؟!

سید - بتحبیہ قوی ؟!

بہیہ - قوی .. قوی .

سید - بتحبی فیہ إیہ ؟

بہیہ - کل حاجہ فیہ .. أحب الهوا اللی یتنفسہ .
والارض اللی یمشی علیہا .. من أول ما شففته حسبت إن
فیہ حاجہ شدتني لہ .

سید - [لنفسہ] انا کمان بالحبک کدہ ، وأکتر من کدہ

لكن اتى مش حاسه بي ، وهو كان مش حاسس بيكى ..
دنيا عجيبه .. تحب اللخبطه ؟

بهيه — ماتقوللى يا أخى .. طمنى .. فيه إيه ؟

سيد — ولا حاجه ، ولا حاجه أبدا .

بهيه — أمال ماجاش ليه ؟

سيد — ماجاش ليه ؟ [نفسه] أقول لها إيه ؟ أقول
لها إنه مش حاسس بيها ، أقول لها إنه ماشى مع ذكيه
ولعه ، وانه مايجبش الهوى العذرى ؟ ! أقول لها إن
أنا اللي بااعبدها وانا اللي كنت با اضرب لها الناي ؟ لكن
إيه الفايده ؟ هي بتجبه هوّه .. مش بتحب الناي .. هي جت
الناي علشان هوه .. مش جتته علشان الناي .. إيه الفايده
لما احطم قلبها زى ما حطمت قلبي .. ما يمكنش اخذها ..
لأنى باحبها .. مقدرش اشوفها زعلانه .

بهيه — ماتقوللى يا أخى .. ماجاش ليه ؟

سيد — أيوه .. ماجاش .. علشان .. علشان ...

بهيه — علشان إيه ؟ قول .. جننتى ؟

سيد — علشان .. أصله .. تعبان شويه .

بهيه — ماله ؟ فيه إيه .. تعبان ازاي ؟

سيد — لا .. ولا حاجه .. بس عنده شوية ...

بہیہ - شویۃ ایہ؟ انطق!

سید - [نفسہ] شویۃ ایہ .. ابن الصرمہ ، داأنا سایہ
زی الحصان [بہیہ] عنده شویۃ مغص .

بہیہ - مغص؟ مسکین .. لحسن يكون عنده المصران
الاعور .. لازم تجیب له دكتور ، ازای تسيبه كده؟
سید - لا .. لا .. مافيش أعور ولا حاجه ، مافيش
لزوم للدكتور .. دا مغص بسيط .

بہیہ - بسيط ازای؟ ازای تسيبه كده ، مش حرام
عليك .. لازم اشوفه .

سید - تشوفيه؟ لا .. لا .. مافيش لزوم .. مافيش
داعي .

بہیہ - لازم اطمئن عليه [تتقدم نحو الباب] .

سید - [نفسہ] یا نهار اسود .. دلوقت تعرف كل
حاجه [ساداً الطريق الى الباب] باستی اطمئن .. دا زمانه
بقی کویس خالص .

بہیہ - لازم أشوفه بعيني .

سید - طب بس استنى شويه .. أما ادی له خبر ..
استنى ثانيه واحده [بندفع الى داخل الحجره ويفلق الباب وراءه ،
ويمد يده تحت السرير ليخرج محمود] محمود .. محمود ، قوم قوام .

محمود — [في ذعر من أسفل السرير] إيه .. إيه .. فيه إيه؟
هي جت؟ هي جت؟

سيد — هي مين دي .

محمود — أم عبده؟

سيد — لا ماجتش ولا حاجه .. بس اطلع بسرعه ،
بسرعه .. [يخرج محمود] نام فوق السرير .. يا الله يا أخى
انظى بسرعه ، وقول آه .

محمود — أقول آه ازاي؟

سيد — قول آه . الله يخرب بيتك . انت عندك مغص .

محمود — هو إيه أصله ده؟! أنا ما عنديش مغص!

سيد — عندك مغص .. قول آه .. قول يا جدع ..

قول وبس .

محمود — آه .. آه .

[تدخل بهيه]

بهيه — ماله .. مالك يا محمود؟

سيد — ماتكلمهش كثير لحسن المغص اتحرك عليه ..

لكن إن شاء الله حايروح حالا .. دا برد بسيط .. مافيش

خوف منه .

[محمود ينظر بطرف عينيه الي بهيه في دهشة وانجاب فيقرمه سيد

فيصيح آه]

بيهه — مسكينين .. سلامتك .. ألف سلامه .

سيد — يا الله بينا بقى .. لحسن حد يطب .

بيهه — لازم تحط له حاجه سخنه على معدته .

سيد — أيوه .. أيوه .. أنا حاعم له اللازم .

[بجرها من بدھا نحو الباب]

بيهه — لازم تجيب له دكتور .. أنا حاطلع اطل عليه

بالليل .. لما تيجوا تناموا .

سيد — طيب .. طيب .. بس يا الله بينا بقى .

بيهه — خد بالك منه قوی ، علشان خاطرى .

سيد — علشان خاطرک؟! علشان خاطرک حاعم کل

حاجه .. کل حاجه فى الدنيا .. مستعد اعملها علشانک .

[نخرج بيهه ، ويهود سيد مطراً حزيناً ويرغمى على مقعد ويطرق

برأسه على كفه ويتنهد]

المشهد الثالث



[سيد — محمود]

محمود — [مستعراً في تأوّه وقد أخفى رأسه تحت الملاءة]
 آه .. آه .

سيد — بس خلاص . كفايه . [يتأوّه في أسر] آه .
 محمود — [يرفع رأسه من تحت الملاءة] هيه خلاص
 مشيت . [يقفز واقفاً] إيه الحكاياه ؟ فهمنى ؟ إيه اللي جرى ؟
 سيد — [وهو مستمر في اطراقه واخفاسه] وجهه بكفه [
 ولا حاجه .

محمود — ولا حاجه إزاي !! كل ده وولا حاجه !
 تصحيتني من عز النوم ، وتجر جرتني من تحت السرير وترميني
 فوقه ، وتقوللي قول آه ، آه ، وأسألك دلوقتي تقولي
 ولا حاجه ، فهمنى إيه اللي حصل ؟ إيه اللي دخلها هنا وإيه
 اللي خلاك تقول لها إن انا عندي مخصص ، وأنا صاغ سليم ،
 فهمنى يا خال ، إيه اللي جرى ؟

سید - [فضیق وبأس] قولتلك يا أخى ولا حاجة ،
سینى دلوقت .

محمود - ما یمکنش أسیبك إلا لما أعرف إیه اللى
جرى ، ورینى وشك كده [بزغ کف سید عن وجهه ، فیری
عبرات صامته تنساب على خديه ، یبدو علیه التأثر والدمعة] الله ،
إیه ده ، إنت بتعیط . مالك يا خال ؟ قوللى جرى إیه ؟
قوللى الخقیقه ، إیه اللى زعلك كده . أنا عمرى ما شفتك
بتعیطأً أبداً . کلبنى يا خال ، أنا ما طیقش أشوفك كده ؟
قوللى إیه اللى حصل . أنا مستعد أعمل لك كل حاجة علشان
أضع زعلك . . بس فهمنى .

سید (بتنهذ تنهیده طویلة) - ولا حاجة . ما فیش
حاجة .

محمود - مش ممکن ، لازم فیہ حاجة حصلت .
سید - حصل حاجة ما لهاش علاج ، لا أنت ،
ولا أنا . ولا أى واحد یقدر یصلحها . سخریه بسیطه من
سخریات الدنیا . عبث هایف من عبث الأقدار ، [رأفأً
کتفیه ماداً شفته السفلى] حانعمل فیها إیه ، ما فیش غیر إننا
نستحملها ونسکت .

محمود - إیه هو؟ ده ؟! أنا مش فاهم حاجة أبداً . إنت

صاح مبسوط وعمّال تسبب في شعرك وتهياً في نفسك
وبتقول إنك بتحلّق بأجنحة الحب في سماء السعادة .
وبتقول ما فيش على وش الأرض مخلوق أسعد منك .
لأنك محب محبوب . وعندك موعد حب ، وخرجت
علشان تقابل اللي بتحبها وتحبك .

سيد - كنت فاكر كده .

محمود - وبعدين ؟!

سيد - وبعدين طلعت إنها بتحب واحد تاني .

محمود - واحد تاني ؟! أمال كانت بتشاورك
وتضحك لك ، وادتك الميعاد ليه ؟

سيد - ما كانش ليه دا كله .. كان لواحد تاني .

محمود - واحد تاني ؟! إزاي ؟!

سيد - كانت بتحب واحد تاني ، واقتكرت إن اللي
واقف في الضله ويصفر لها بالنأي هو الشخص اللي بتجه ،
فشاورت له وسلت عليه ، وادت له ميعاد .

محمود - وعرفته يبقى مين ؟!

سيد - يبقى اللي يبقاه ؟

محمود - إزاي الكلام ده ، مين ابن الأروبه دا ، وأنا
أجيب لك خبره ، أمحبوك من على وش الأرض ؟

سید — مافیش لزوم .

محمود — مافیش لزوم إزای ! لازم أعرفه ؟

سید — ضروری یعنی ؟

محمود — طبعاً .

سید — إنت ؟

محمود — أنا ؟ أنا ؟ أنا ؟ [مستغرة في نوبة من الضحك] ،

أنا ؟ . مش ممكن ، إنت بتضحك علىّ يا خال ؟

سید — با كلك جد يا محمود .

محمود — قول كلام غير ده يا خال ! !

سید — دى الحقيقه ، انت عارف أنا بجمها إزای ؟ !

محمود — ميت صبا به .

سید — أهى هى كمان كده .

محمود — بتجنى أنا ؟ ليه ، وبتاع إيه ؟ وعلشان إيه ؟ !

سید — اللى حصل .

محمود — لكن أنا ماعنديش أى شعور ناحيتها ، دى

مش النوع اللى يدخل مزاجى أبدأ ، دى واحده شريفه

وعذراء ، وأنا لا احب الشرفا ، ولا العذارى .

سید — ماهى دى المصيه . . ماهى دى السخرية . .

لو كنا احنا الاتنين بنحبها وانت اللى فزت بيها كانت بقت

حاجه معقوله .. لكن أنا أحبها ، وهي مش حاسه بيه ،
وهي تعبدك ، وانت مش حاسس بيها ، دى سخرية القدر
اللى على أصولها .. دى مهارة الأقدار فى تعذيب الإنسان
وإيلامه .. لكن على العموم أنا مش عايزها تحس باللى
أنا حاسس بيه .. مش عايزها تصدم الصدمه اللى أنا تصدمتها .
مش عايزها تتألم زى ما أنا بتألم .. أنا مجرب الشعور ده
وعارفه ، وأنا لغاية دلوقت بالحبها ، وحافظ لآجها طول
عمرى ، وما اقدرش افكر إنها تتألم .. ما طيقش .

محمود — [مندهتاً] إيه ياخويه ده ، والعمل ؟

سيد — العمل ماتكسفهناش .. زى ما كسفتنى ؟

محمود — يعنى إيه ؟!

سيد — يعنى عايزك تحبها ، وكان تخلص فى حبك لها .

محمود — إيه ؟! أحبها ؟! وأخلص فى حبي لها ؟!

إيه أصل ده يا خال ؟! انت جراك حاجه ؟!

سيد — اسمع يا محمود .. أنا باتكلم جد .. البنت دى

مش بنى آدمه عاديه ، دى ملاك ، وهي بتحبك حب ،

ماتستهلوش أبداً .. لو كانت بتحبني ربع الحب اللى

بتجهولك ده .. كنت حاسيت إن أنا أسعد مخلوق على ظهر

الأرض ، ولو كنت أعرف إن الحب دانسكن الإنسان

ينقله بسهولة كنت نقلته ، لكن أنا عارف إن مافيش فايده
أنا يائس من حبا . . لكن حاسس إن أنا عايز أسعدها ،
ولو كنت أنا أقدر أسعدها بنفسى كنت سعدتها لكن المصيبة
اللى يقدر يسعدها انت ، وعشان كده لازم تسعدها . .
لازم تحبها ، لازم تكون كويس معاها علشان تستاهل
حبا . . لازم تبقى إنسان جد ، وتستقيم فى الدراسه علشان
تبقى شخص محترم ولك مركز .

محمود - يفتح الله . . أنا لأنا عايز أحبها ولا استاهل
حبا . . أنا مبسوط كده خالص ، كفايه على زكيه ولعه ،
على اد إيدى ، وبسطانى ومهياى ، والأشياء رضا . . إبعد
عنى ياخال وحياة أبوك أنا لاتباع حب ، ولا بتاع جد . .
انت عارف من زمان ان أنا ماليش فى الكلام ده . .
وما تنساش إن البت زكيه نفعانا برضه لولاها كنا متنا
من الجوع ، أهى برضه بتنفعنا بقرشين بأكتين ، وحقاية
الاستقامه فى المدرسه دى عارف معنتها إيه ؟ إنى أنجح
وأخرج ، وتنقطع الفلوس اللى بيعتوها لنا م البلد ،
ولا يبقى عندنا مصاريف مدرسه نضيعها ، ولا رسوم
امتحان نتشربق بيها ، ولا تمن كتب نسدد بيها ديوننا ،
واقعد معاك كده على باب الله . لا شغله ولا مشغله ، انت

عارف إن أنا بتاع شغل؟ وحياة أبوك يا خال سيننا من
السيره دى ، خيلنا كافين خيرنا شرنا . . كفايه أم عبده
واللى عاملاه فينا ، انت راجل بتاع حب . . حب زاي
ماانت عايز ، ماחדش قال لك حاجه . . لكن تجر جرنى
معاك ، وتقول عايزك تحب ، وعايزك تبقي أهل للحب ،
وعايزك تبقي جد ، وتستقيم . . كفايه كده . يفتح الله .
حد الله بينى وبينك .

[يسمع فجأة صوت صباح فراخ وضجة في حجرة الفراخ . .
ثم يفتح باب حجرة الفراخ ويخرج قرقر من الحجرة وهو يسب ويلعن
محاولا جلس الفراخ في الغرفة وفي يده قلة ، وفي الوقت نفسه يصيب الذعر
محمود وسيد فيقفان ويجمعان الأشياء وراء الباب]

محمود — أنا مش قلت لك أنا طول الليل أحلم بيها . .
هات . . هات . . حظ التراييزه كان .
سيد — بس يا أخينا . . كفايه كده . . هي كانت دبابه . .
كفايه خالص .

محمود — وألعن من الدبابه . . دى صاروخ . . دى
ديناميت ، يا باى ، أنا يا عم حاخش المطيخ . . كان فيه حتة
جبنه رومى قديمه . إياك يكون الفار ساب لنا منها حاجه .
سيد — وانا اماخش أتوضا .

[يخرج الاتان من الباب المؤدى للمطيخ ويقف قرقر في السطوح]

المشهد الرابع



[قرقر — عبده]

قرقر — [بعد أن ينتهي من غلق الباب على الفراخ] يا ناس يا هوه ، يا عالم ، حد في الدنيا يرضى بكده ، طول الليل ما اشوفش النوم . أنا قرقر المسيط ، يحكم على الزمان ، وأنام في عشة فراخ !! لكن معلمش ، علشان يرضى الست أم عبده ، وعلشان ينبسط شيخ السو ، الشيخ عجائب ، اللي طول النهار يزلط في حمام وفراخ وكباب ، ويعزم له تعزيمتين ويتهزله هزتين ، وآل ايه يطلع العمل ، ياخي عمك اسود ومهيب على دماغك ، أنا قرقر ، أنظرده من أودتي ، وأترمي في أودة الفراخ ، وطول الليل ديك الكلب ده ، ينقر لي في بطن رجلى . . وأنا بغير من رجلى موت . خلاني بايت مستخسح م الضحك ، حد في الدنيا يقول كده ، واحد ما ينامش من كتر الضحك ، طول الليل سهران اضحك ، وانا حالي يستاهل البسكا ، وكل ما عيني تغفل شويه ، والا افكر شويه بزعل ، يروح نقرني في بطن رجلى أروح

مفرهد م الضحك ، إلهي تنقصف رقبتك يا ديك السفاله ،
يا ديك التلامه . لكن تنقصف رقبتك ليه ، ذنبك إيه ؟
إذا كانت رجلى اتغرزت في أنجر الرده وفتحت نفسك ،
اللى تنقصف رقبتك الشيخ زفت ، اللى نايم يشخر في الأوده
وسايبني أناقر طول الليل مع الفراخ . وياريت بلاقي ثانيه
استريح فيها بالنهار ، إلا طول النهار ما تفرغلوش طلبات ،
اطلع يا قرقر ، انزل يا قرقر ، روح يا قرقر ، تعالى يا قرقر ،
وياريت طلبات زى طلبات البني آدمين ، الا طلبات لها
العجب ، وآخر تقليعه طالع لي فيها حكاية القله ، علشان
أدوخ ، علشان اموت ، أنا عارف هو مش حايرتريح
إلا لما يجيب أجلى . [بضع القله علي كف يده ويتحرك في السطوح
وهو يوازنها . تدخل عديله الخادمه وقد حلت سبت الفسيل وكيس المشابك]
عديله — إلهي يعد لها لك ، إيه اللى انت عامله دا يا واد
يا قرقر ، انت حاشتغل مع بتوع النقرزان ؟
قرقر — [يقف وبمسك القله من عنقها] اصطبجني وقولي
ياصبح ، أنا مش ناقصك ، إيه طلعت كده من النجمه ؟
عديله — أنشر الهدمتين اللى غسلتهم امبارح العشا
وييتهم طول الليل منقوعين ، إذا كنتش اعمل كده ،
حايرضيع مني النهار .

قرقر — ما يضيع ، يعني وراكي إيه ، مؤتمر سان
فرنسسكو .

عديله — سان ايه ؟ ! والله اتعدلت ولسانك مشي ،
الله يرحم زمان ، أيام التريترو ، وجنيته الحوانات ، بقى أنا
ورايا ايه ؟ الشغل اللي مطربق على دماغى ده كله وورايا ايه ؟ !
الكنس والمسح والغسيل والطبخ والمناكفه والمناقره
والمهابره ، كل ده وماورايش حاجه ؟ ياخى خلى حد يقول
كده غيرك ، ليه .. هوّا انا زيك ؟ طول النهار قاعد لى فوق
السطوح زى تنابله السلطان لا شغله ولا مشغله .

قرقر — اللي هوّا انا ؟ طيب معلش ، أنشرى الهدمتين
وانزلى ، خليه نهار يفوت .. أنا اللي قاعد فوق السطوح ،
لا شغله ولا مشغله .. حاقول إيه ؟

[يضع القلة على كفه ثم يأخذ في السير بها كما كان يفعل]

عديله — [ي دهشة] : هو إيه أصله ده .. ما تفهمنى
بس إيه اللي بتعمله .. انت جراك إيه ؟

قرقر — مالسكيش دعوه .. إنتى مش بتقولى لا شغله
ولا مشغله .. سيبنى بقى فى حالى .. كفايه القرف اللي انا
شايقه .

عديله — طب ما تزعلش .. حقتك عليه .. بس قوللى
ايه اللي بتعمله ده ؟

قرقر — زى ماتى شايفه كده .. باتمرن .

عديله — تمرن على إيه ؟

قرقر — ع الشغل .

عديله — شغل ؟ سلامات يا شغل ! شغل إيه اللي

بتمرن عليه ده ياسى قرقر . يا ابن ام قرقر .. تكونشى

بشغل فى سيرك ولا حناش عارفين ؟

قرقر — ومش عارفين ليه ؟ ماهو قدامكوا اهو .. على

عينك يا تاجر .. فيه سيرك أكثر من السيرك اللي بشغل

فيه ده .

عديله — سيرك إيه ؟

قرقر — سيرك أم عبده .. أم عبده والشيخ عجائب .

عديله — انت بهزر ؟

قرقر — بتكلم جد .. شوفى شغلك بقى خلىنا نشوف

شغلنا .. [بماود سبره بالقلة]

عديله — [متناظه] بقى اسمع بقى يا قرقر ، والنبي واللى

نبي النبي نبي .. والولى اللي ولى الولى ولى . وال ..

قرقر — [يقف فى ضيق] إيه بس عايز إيه بلا نبي بلا ولى ؟

عديله — إذا ما كنتش تقول لى إيه اللي بتعمله ده .

قرقر — حاتعملى إيه ؟

عديله — حارقع بالصوت .
 قرقر — مفيش لزوم ، حاقول لك .
 عديله — قول .
 قرقر — بقى انت عارفه إن الشيخ عجائب مفهم ستك
 أم عبده إن معمول لها عمل . . وإن العمل ده هو اللي
 مطفش نوح افندى منها . . واللى مخليه مش طايقها .
 عديله — معقول . . له حق .
 قرقر — حق . . يا اخى انشا الله ينكسر حقتك .
 عديله — إن شا الله انت .
 قرقر — هي ستك ام عبده ناقصه عمل . . دى هي نفسها
 عمل . . دى مش تطفش نوح افندى وبس . . دى تطفش بلد
 أنا مش فاعم الحكومه تايه عنها فين . . دى لو سابوها في
 القتال . . حاتطفش الانجليز في ليله . . دى كانت تجيب لنا
 الجلاء في ثانيه .
 عديله — المهم ، خلينا في اللي احنا فيه هنا ، بتقوللى
 إن الشيخ عجائب مفهم ستى إن معمول لها عمل ؟
 قرقر — أيوه .
 عديله — وبعدين ؟
 قرقر — ولا قبلين ، عايز يطلع .

عديله — له حق لازم يَطَّلعه .
 قرقر — بس دا حايَطَّلعه على عَيْنِه .
 عديله — وانت مالك .. إيش حشرك ؟
 قرقر — مالي إزاي ؟ ماهو كله على دماغى ، هو آ
 بيخلينى أون ثانيه ، أنا المسئول عن كل الطلبات البايخه اللى
 بيطلبها ، ماهو لو كان العمل دا حايطلع كده زى كل حاجه
 مابتطلع ، كانت هانت ، إلا العمل بتاع ستك أم عبده مش
 عايز يطلع ، إلا بحاجات ماوردتش ، ماهاش نظير ،
 ماسمعتش عنها عمرى .
 عديله — زى إيه كده ؟
 قرقر — خدى عندك ، أول حاجه طلبها ، جدى أحول .
 عديله — وماله .
 قرقر — وماله إزاي ؟
 عديله — هات له جدى أحول .
 قرقر — وهو آفيه جدى أحول يامغفله ؟
 عديله — يوه ، مافيش ليه ، هو مش فيه بنى آدم أحول ؟
 قرقر — فيه .
 عديله — بيتقى لازم فيه جدى أحول ، زى مافيه
 بنى آدم أعمى وجدى أعمى ، وبنى آدم أعور وجدى أعور .

قرقر — أصل الأعمى والأعور دى فى إيدنا ، أقدر
أجيب له جدى سليم واخزق له عنيه يبقى أعمى ، والا عين
واحدہ بيقى أعور ، لكن الأحوال ده أحولہ إزای ؟
عديله — زى الناس .

قرقر — يعنى إيه زى الناس ؟
عديله — يعنى جيب له معزه على يمينه ومعزه على شماله
تبص تلاقية يحوّل ، هو البنى آدم بيحوّل من إيه ، من
كتر البصبصه يمين وشمال ، من فروغية عنيه .

قرقر — طب افرضى طلع جدى ، تقى ، جدى مظلم ؟
عديله — حايحول أكثر .

قرقر — طب اتتهينام الجدى ، والفرخه الزعلانة ،
دى أجيبها له منين ؟
عديله — فرخه إيه ؟

قرقر — زعلانة ، ابن الرضى ، لازم يعقدّها ، يعنى
إذا كانت مبسوطة ما تنفّس ، ما يطلعش العمل ، أجيب له
الزعلانة دى منين بدمتك ؟

عديله — بسيطه خالص .
قرقر — برضك أجيب لها ديكين ؟
عديله — لا ديك واحد .

- قرقر — تقوم تزعل؟
 عديله — حاتنبسط في الأول .
 قرقر — تبق مش نافعہ .
 عديله — اصبر عليه شويه .
 قرقر — صبرنا .
 عديله — تجيب لها ديك وتسيه معاها .
 قرقر — سبناه معاها .
 عديله — حا تفرفش .
 قرقر — فرفت .
 عديله — تكبس عليها بتلات فرخات ، مره واحده .
 وتسيهم مع الديك .
 قرقر — حا تزعل؟
 عديله — تزعل وبس ، دى يمكن تنزل عليها نقطه .
 قرقر — يا سلام عليكى يا بت يا عديله ، ياللى مفيش
 منك ، يسلم بقلك ، (يضع القلة على كفه ويماد السير) عن إذ نك
 بقى أما أكمل الشغل .
 عديله (فى غيظ) — ينيك ، بقى بعد دا كله ،
 وما تقوليش بتعمل إيه؟ !
 قرقر — أبوه والله كنت حانسى ، حا أقول لك أهه .

عديله — قول .

قرقر — بقی یا سستی . . الرجل الضلالي طول النهار
ما كفاهوش الطلبات المَعْقَدَه اللى يطلبها ، واللى مدوخنى
بيها ، لا ، آخر المتمة ، قال إن العمل ده مش حانعرف
هو موجود فين اللى بطريقة القله .

عديله — طريقة القله ؟

قرقر — أيوه يا ستى طريقة القله .

عديله — ودى تبقى إيه دى كان ؟

قرقر — قال نملا قله للآخر .

عديله — وبعدين ؟

قرقر — واحد يحطها على كفه ، كده .

عديله — بسيطه .

قرقر — لا مش بسيطه ، بفضل فارد دراعه بيها .

عديله — حاجه سهله ، انا أقدر أعملها .

قرقر — يا ستى اصبرى على لما اكملك .

عديله — طيب كمل ، أنا اصلى عارفك قليل الحيله .

قرقر — بفضل فارد دراعه كده ، وماشى بيها ، ماشى ،

ماشى . ماشى . (يأخذ في السير)

عديله — وبعدين .

قرقر — بفضل ماشى ، [وياخذ في السير] .

عديله — خلاص ، فهمنا ، وآخرة المشى ؟

قرقر — لحد ما تتدغدغ رجليه ، ويتقطم وسطه .
ويتخذل دراعه ، وتقع القله تتكسر .

عديله — طب وبدال ما يفضل ماشى لغاية ما يجراه
كل اللى حاجراه ده ما يدشدشها من الاول ويريح نفسه .

قرقر — ما ينفعشى ، لازم يسديها لحد ما تقع من نفسها .

عديله — طيب وقعت من نفسها .

قرقر — يطب وراها فى الأرض ، والختة اللى تقع

فيها ، يفضل يحفر فيها لغاية ما يطَّلَع العمل .

عديله — يا سلام ، أما طريقه مدهشه ، وجربتوها

دى يا قرقر ؟

قرقر — جربناها .

عديله — ازاي .. احكى لى احكى ، حصل إيه ؟

قرقر — خرجت اول امبارح العصر . بعد ما مليت

القلة لثمت عينها ، وفردت ايدى بها كده ، ونزلت السلم .

وخرجت من الباب ، أقول لك الحق ، انا كنت مكسوف

وعارف إن الناس حاتضحك عليه ، وقلت اخرج بيها

كده قدام الست أم عبده ، أهو برو عتب ، وبعدين أدشها
في أقرب حته بدل ما مشى بيها في الشارع وافرج الناس عليه ،
لكن لما نزلت الشارع الفار لعب في عبي ، وقلت يمكن
تكون الحكايه صحيح ، ولو وقعتها بالعينه يمكن ما يطلعشني
العمل ، قولي الشهامه مسكتني وضميري أنبني وقلت يا واد
امشى واستحمل .

عديله — لك حق ، طول عمرك شهيم .

قرقر — مشيت ، من شارع السد على ميدان السيده ،
والعيال حواليه والنقوره دايره ، شقع بقع يارب تقع .
وكل من هب ودب يرقعني بكلمه ، لحد ما وصلت شارع
خيرت على عابدين ، حسيت ان دراعي خلاص ابتدا
يتصلب وكتني حايخلع ، ضغطت على نفسي . وفضلت
ماشى ، ماشى ، ماشى ، لغايه ، ما حسيت زى اما يكون
دراعى انشل ، ما بقيتش حاسس بيه خالص ، ومره
واحد ، القله طبت انكسرت .

عديله — وبعدين ، عملت إيه ؟

قرقر — رحمت طابب وراها على الأرض ، ورافع
الفاس اللي شايله في ايدى التانيه ، وهات يا حفر . فضلت
احفر ، احفر ، احفر .

عديله - لغاية ما طلعت العمل ؟
قرقر - لا ، لغاية ما جرم العساكر وودوني القسم ،
وبيتوني ليله على الاسفلت .

عديله - ليه ١٩ ؟
قرقر - لأنى كنت بحفر فى وسط ميدان العتبه ومعطل
حركة المرور كلها .

عديله - يا خساره ، والعمل ١٩ ؟
قرقر - عمل اسود ، لازم سفلتو فوقوا تانى .
عديله - والشيخ عجائب قال لك ايه ١٩ ؟

قرقر - ولا حاجه .. هو خامس عليه ايه ، قاللى
اطلع تانى مره ، وامشى حسب القله ما تودينى يعنى مش زى
ما أنا عايز .. أميل مطرح ماتمبل .. مالت فى عطفه ادخل
فى عطفه ، مالت فى زقاق ادخل فى زقاق ، دخلت فى بيت
ادخل فى بيت .. عشان المره دى .. مش يودونى قسم
الموسكى وبس .. يودونى قره ميدان على طول ، إياك
ينبسط شيخ السو .. إياك يرضيه ، أنا عارف هو مش
حايس تريخ إلا لما يجيب داغى . لكن أنا مش حاسكت له ،
مش كل الطير اللى يتاكل لحمه ، لازم أجيب داغه قبل
ما يجيب داغى .. لازم أطربقها عليه .

[يندفع في ثورة من الغضب ويرفع يده بالقلعة ويهوي بها على سقف
الحجرة التي ينام فيها الشيخ عجائب فتتكسر القلعة وينزل ما بها من مياه
على الشيخ عجائب من خلال فتحات السقف الخشبي ، ويسمع استنقانات
الشيخ عجائب وتأفقه من المياه النازلة فوقه]

عديله — يامنيل على عينك ، انت اتجننت والا جرى
لعقلك حاجه .. الراجل يقول إيه دلوقت ؟

قرقر — ولا حاجه .. نظره .

عديله — نظره ؟

قرقر — أيوه نظره .. حاجه عجيبه ، السما ماتنطرش
أبدأ ..

عديله — والسما اللي نظرت دي مش بتنظر في كل حته ؟
قرقر — لأ .. بعض ساعات تنظر في حته وماتنطرش
في الحته التانيه .

عديله — يعني النظره ما عجبتهاش حته تنزل عليها في كل
الدنيا الواسعه دي غير أودة الشيخ عجائب ؟

قرقر — أيوه .. لأن ده السطح البارد الوحيد اللي
قابلته .. دي نظريات عليه ماتفهمهاش .. حاجات عرفتها
زمان لما كنت في كتاب الشيخ زكي ، وعلى العموم علشان
نسبها عليه نعمل لها شوية تحايش .

[يخرج من جيبه بطارية ثم يضيئها عدة مرات سريرة متوالية]
دا برق [يدق ضربات فوق سطح الحجره أشبه بالعد] ودأ رعد
[بغير صغراً أشبه بالريح] ودى العاصفه .. أظن بعد كده
يبقى مالناش ذنب ، وإذا ماصدقش انها نظره .. عنه
ماصدق ، أنا عملت اللي عليته .. يعنى هي السما بتعمل إيه
أكثر من كده .

[بسمع صوت أم عبده من بير السلم]

أم عبده — بت يا عديله .. بت يا عديله ، انت نمي
فوق والا إيه ؟!

قرقر — يا حفيظ .. زمارة الخطر .

عديله — أيوه ياست ، أصل الجبال كانوا وسخين
قوى وكنت بامسحهم .

[بسمع صوت أقدام صاعدة بالقباب]

قرقر — يانهار اسود ، دى طالعه .. القضا المستعجل
طالع .. اخلصي يا عديله ، دلوقت تخش للشيخ عجائب عشان
يرقيها .. فتعرف اللي حصل ، وتشوف القله المكسوره
إسمعي أنا لازم استخبي .

عديله — خش في أودة الفراخ .

قرقر — ما فيش فايده .. حاندور عليه وتقفشني ،

أقول لك .. أحسن . حاجه أخش عند الجماعه دول

[بشر الى حجرة سيد ومحمود] ؟

عديله - لكن دول ساكين الأوده وبقالمه مده

مايجوش .

قرقر - لا أنا عارف انهم موجودين بس بيطلعوا

على مواسير الميه وبيدخلوا من الشباك علشان أم عبده

ماتقفشهمش وتطالهم بالأجره المتأخره .

عديله - طب وحارضوا يفتحوا لك ؟

قرقر - طبعاً .. إحتنا فيه بيننا وبين بعض عمار ،

فيه موده .. أنا وهم على أم عبده . [تنهك عديله في النشر

ويستمر صوت القيقاب في الاقتراب]

[بطرق قرقر الباب وفي هذا الوقت يكون سيد خارجاً من دورة

المياه يجفف وجهه استعداداً للصلاة]

[سيد يقف متمسكاً في حالة فرح .. قرقر يعاود الطرق دون

أن يجيب عليه أحد]

قرقر - افتح ياسى سيد افندى .. افتح أنا قرقر ،

افتح بسرعه .. أنا فى عرضك .

[سيد يزعج ماوراء الباب ثم يفتحه ، ويدخل قرقر وينطق

الباب وراءه]

سيد - إيه ؟ فيه إيه ؟

قرقر - القضا المستعجل طالع .
 سيد - القضا المستعجل ؟
 قرقر - أيوه أم عبده .
 سيد - يانهار اسود ؟ طالعه هنا ؟
 قرقر - أيوه ، في السطوح . . طالعه للشيخ عجائب
 عشان يبخرها ويرقيها ويلبسها الحجاب .
 سيد - طيب وانت خايف ليه ؟
 قرقر - أصل عملت في الراجل خازوق ، وخايف
 لا تطلعه من عنيه ؟
 سيد - طيب اقعد لما أصلي ركعتين .
 [سيد يبدأ الصلاة ، ويجلس قرقر وراء الباب ينظر من خلال
 الثقب]

[تظهر أم عبده صاعدة من السلم في السطوح]

المشهد الخامس



[عبده - - أم عبده - الشيخ عجائب]
 أم عبده - مش خلاص والا حاتفضلي تنشري

في الهدمتين دول طول النهار .. أمال فين قرقر ، لسه

ماصحيش ١٩

عديله — ما اعرفش والنبي ياستى ، أنا من ساعة

ماطلعت ماشفتلوش أثر .

أم عبده — لازم لسه يشخر .. هوّا دا عنده دم ،

عايز الخدامين بتوع أبوه يصحوه ، لازم ينام لى لغاية

الضحى . [تقترب من عشة الفراح] واد ياقرقر ، انت ياواد

ياقرقر ، قوم فز اصحى .. هى نومة أهل الكهف ، قوم يا الله

[لايجيب عليها أحد .. تفتح التقيصة وتمد رأسها الى الداخل فلا ترى

غير الفراح] ماهواش نايم جوه .. هوّا راح فين يابت ١٩

عديله — أنا عارفه ياستى .. هوّا حد عارف له قرار ،

أهو داير ينطزى فرقع لوز .

أم عبده — يمكن نايم مع الشيخ عجائب ، مع إن انا

قلت له يسب له الأوده ولا يعتبش جواها علشان ما يضايقش

الراجل ويعطله .. الراجل وراه شغله .. طول الليل

ما يبطلش قرايه وكتابه وتعزيم .. ربنا ينججه ، ويطلع لى

العمل الى ملبش لى الراجل ، ومهيججه .

[تنقر بسابتها على باب حجرة الشيخ عجائب]

الشيخ عجائب — [من الداخل] ها .. مين ؟

أم عبده — [بصوت رقيق] أنا .
الشيخ عجائب — [لا يسمع] مين اللي بيخبط ع الصبح
مش كفايه التعب والسهر والدوشه اللي شايقينها طول الليل؟
عديله — افتح ياسيدنا الشيخ دى الست ام عبده .
الشيخ عجائب — طيب ياست ام عبده .. لا مؤاخذه ،
حالا .. [يفتح الباب ويبدو مبتل الوجه والنياب]
الشيخ عجائب — عدم المؤاخذه .. أنا افكرت ..
الواد قرقر .
أم عبده — أنا صحيتك م النوم ؟
الشيخ عجائب — هو انا باشوف النوم .. وآخر الليل
جيت اغفل شويه .. لقيت النظره نازله ترخ .
أم عبده — نظره ؟! نظرة إيه ؟! هى الدنيا نظرت
يابت يا عديله ؟
عديله — [مرتبك] والله ياستى مانا عارفه .. يمكن قبل
ما اطلع .
الشيخ عجائب — لا .. لا .. دى نظرت حالا دلوقت
السقف خر على غرقنى .
أم عبده — يمكن ندا ياسيدنا الشيخ ؟

الشيخ عجائب — ازای .. دی نظره .. برعد ، و برق ،
وعواصف .

أم عبده — كان ؟

عديله — يمكن ياستى من عمائل الجن والعفاريت ..
ماهو سيدنا الشيخ طول الليل يحضر فيهم .. اللهم احفظنا .

الشيخ عجائب — على العموم ياست هانم أحسن حاجة
تشوفى لنا أوده تانيه يكون سققها كويس ، علشان لما النظره
ترخ علينا تانى ماتبقاش تنزل تفرقنا وتلف شغلنا .

أم عبده — أنا برضه بفكر فى كده .. بقول إني
أديك أودة الجماعه النصايين دول اللى بقى لهم ثلاث شهر
مايدفعوش الأجره .. أحسن حاجة إن أنا أعز لهم
وافضها لك .

الشيخ عجائب — كتر خيرك ياست هانم .. علشان
نعرف نشوف شغلنا كويس .. الحاجات دى عايزه تعب ،
وعايزه سهر .. اتفضل جوه .. أما أوريكى أنا عملت إيه
طول الليل .. اتفضلى .

[تدخل ام عبده فى الحجرة ، وتحمل عديله السبت وتهبط به]

المشهد السادس



[سيد — محمود — فرقر]

[سيد ينتهي من الصلاة ... محمود يدخل من المطبخ ... فرقر
يرقب من ثقب الباب] .

محمود — الله !! إيه ده ؟ إيه اللي جابك هنا يا فرقر ؟

سيد — لاجيء سياسى .. هارب من العدو المشترك .

محمود — يعنى إيه مش فاهم ؟ !

فرقر — طب بس مانعلش صوتك ، الوليه قاعده بره .

محمود — وليه مين ؟

فرقر — أم عبده .

محمود — يانهار اسود !! برّه .. برّه ! يعنى فى

السطوح ؟

فرقر — أيوه .

محمود — يا لطيف ، وقاعدين كده ساكتين ؟

سيد — يعنى حانعمل إيه ؟

قرقر - على العموم هي دخلت دلوقت في الأوده بتاعتي عند الشيخ عجائب ، ودلوقت زمانها ملخومه في الأحبجه والبخور ، وزمان الراجل عمال يرقى فيها .

محمود - يعني ما فيش خوف ؟ فيه حال أمان ؟

قرقر - أمان مؤقت .. وبعده .. الخراب المستعجل ..

فيه أبناء سيئه جداً عرفتها دلوقت .

سيد - ايه هي ؟

قرقر - بعد عشر دقائق بالكثير . حاتصبجوا

بلا مأوى .. حاتبقوا كده زى حالاتي .

محمود - يعني إيه ؟

قرقر - يعني حاتنظردوا ، الشيخ عجائب ، حاتنقل

في الأوده بتاعتكم لأن الأوده بتاعتي اللي هو فيها دلوقتي

سقفها بيخر .

سيد - بيخر إيه ؟ هوا ؟

قرقر - لا .. ميه .

سيد - ومنين جات له الميه ؟

قرقر - نظره .

محمود - نظره ؟ مش ممكن ، الدنيا ما نظرتش أبداً .

قرقر - مطر صناعي .. مطر قناوى .

سيد — ايه ياسيدنا الكلام اللي بتقوله ده .. مطر
في الصيف ؟!

قرر — لا .. أصل أنا اتغظت منه وكسرت القله
على نفوخه .. قصدى على نفوخ الأوده .. على العموم
مش مهم دلوقت .. المهم إن القضا المستعجل قال إنه حايقله
في الأوده بتاعتكم دلوقت .. فإيه العمل ؟!

سيد — ايه العمل ؟. دى تبقى كارته .. دى تبقى نكبته
حازوح فين وننام فين ، ونودى العفش دا فين .. دا حنا
ما معناش اللضا .

قرر — على العموم بسيطه ، نقعد سوا في الأوده
بتاعتى . والاتماموا فيها وانا انام في أودة الفراخ ، وعوضى
على الله . بس المهم انكم تزوغوا دلوقت قبل ما تقفشم .
محمود — لكن ازاي تاخذ الأوده بتاعتنا .. دى
ما لهاش حق قانونى .. احنا ماجرين منها أجره بالسنة ..
ولنا الحق ان احنا نقعد لغاية آخر السنة .

سيد — أيوه يا أستاذ .. لك الحق لو كنت بتدفع
الأجره .. أو لو كان معاك فلوس دلوقت تدفعها .. لكن
عايز تقعد ولا تدف عش .. حاجه مش معقوله . إذا كنا
عايزين نقاوح وتببت في الأوده لازم أقل ما فيها نكون

دافعين الأجره المتأخره .. بس لو تسيينا يوم والا يومين ،
كان الواحد قدر يدبر المبلغ .

قرقر - مافيش فايده ، بعد نص ساعه حاتكون
مستوليه على الأوده ، أنا عارفها كويس .. دماغها ناشفه .

سيد - ولا حد بس يشوف لنا سلفيه !

محمود - سلفيه منين يا خال ، دا حنا مديونين للشارع
كله ، المكوجى ، والبقال ، والخضري ، والجزار ، وبتاع
البسبوسه ، وبتاع لحمه الراس ، وبتاع الفول والبليهه السخنه ،
يعنى مفيش حد يآمنّا أبداً .

قرقر - بس يا جماعه أنا سامع صوت رجلين .

[بيدوق السطوح عم علي باثم الفول ويتجه الى باب الحجره ويطرقها]
[الجميع يصفون .. بزاد الطرق ..]

عم علي - هو إيه أصله ده ، ده اسمه نصب ، انتوا
عايزين تاكلوا بلاش ، بقالى خمس تيام وانا آجى
علشان الشلن اللي انتوا واخدين بيه .. دا حتى حرام
ما يرضيش ربنا .

[يقف برهة .. ولمسكن دون يجيب .. يئأس الرجل وينصرف]

قرقر - [ينظر من ثقب الباب .. هامساً] دا عم علي بتاع

الفول ، مشى خلاص .

[الاثنان يتنفسان الصعداء]

سيد — ها .. وبعدين .. العمل ايه ؟
محمود — ولا قبلين .. مافيش قدامنا غير الطريق
الوحيد ده [يشير الى النافذة] .

سيد — أبوه بس حانبات فين بعد كده ١٩ والعفش
والحاجه بتاعتنا حانعمل فيها ايه ؟

محمود — يا أخى يبق يحلها ربنا .
قرقر — هس .. فيه صوت رجل تانيه .

[يدخل عم ابراهيم بائع لمة الراس .. ويطرق الباب]

عم ابراهيم — لا .. ماهو ما يتفحش ده .. أنا مافياش نفس
أطلع كل يوم السلام علشان الريال من غير فايده .. دانتوا
افنديه محترمين أمال خلتوا ايه للهلافت .. لما انتوا مش
أد الجواهر .. تاكلوا جواهر ليه ؟! كلوا أبواه .. كلوا
كرشه .. معلش مسيركو تقعوا فى ايديه ، وانا
أوضبكوا كويس .

[ينتظر برهة ولسكنه يأس فينصرف]

قرقر — [ينظر من تقب الباب هامساً] دا عم ابراهيم ..
يا جابر .

محمود — ياسا .. هو لسه واقف ؟!

قرقر - لا . . مشى والحمد لله .
سيد [متهدأ] - الذى لا يحمد على مكروه سواه .
محمود - ودلوقت ياالله بنا ياخال نزوغ بسرعه من
الشباك قبل ما الوليه تطب علينا ونروح فى شربة ميه .
سيد - مش بس يا أخى تفكر فى الحكايه كويس ،
حانات فين ، ونودى الحاجه بتاعتنا دى فين ؟ !
محمود - بعدين نفكر فى الحاجات دى كلها ، المهم
إننا نزوغ دلوقت .

[ياأخذان فى ارتداء ملابهما]
[بسمع صوت أقدام أخرى تقترب ويبدو فى السطوح الشيخ زين
يرتدى جلباباً بلدياً . . يطرق باب الحجره] .

سيد - ودا مين دا كان ؟
قرقر [من تقب الباب] - مش باين ، ماعرفش يبقى مين
شحط كبير قوى سادد الباب .

محمود - يعنى حايطلع مين ؟ مندوب البنك الأهلئ ؟
أهو لازم واحد من الديانه ، تلاقه عم حلاوه بتاع
البسبوسه ، والا الحاج عضمه الجزار .
سيد - لكن دا ما يتكلمش .

[زين يستمر فى الطرق على الباب]

محمود — لازم ناوی علی الشر ، لازم بیخمن لنا
علی حاجه .

[ذین یمل من الطرق فیجلس أمام الباب]
قرقر — یا نهار اسود ، ده قعد ، ده مباط خالص ،
یعنی مش ناوی یعتقکم أبداً .
محمود — قلت لك یا خال ، النهارده باين من أوله ،
یا الله وحیاء أبوك بنا نزوغ من الشباك ، أنا حطت اللیله
الی فاتت حلم وحش قوی .

[يتجه الى الشباك ويهم باخراج ساقه ولكنه يتراجع]
محمود — یا وعدی ، الظاهر إنها طبلت من كل ناحیه .
سید — إيه ؟ فيه إيه ؟ .

محمود — الطريق مقفول .
سید — یعنی إيه مقفول ؟

محمود — یعنی الست بهیه ، بسلامتها واقفه فی البلكونه
الی تبص علی المواسير ، یعنی حاتكشفتنا ، علی كده مش
حانقدر تنزل .

سید — وبعدين ؟ !

محمود — [يتقدم مرة أخرى الى الشباك] — علی العموم
أنا حانزل ، میت بهیه ولا واحد أم عبده ، یعنی حاتعملی إيه ؟

سيد [بمسك به] — مش ممكن .. ما يصحش تفضح
قدامها .. ما يمكنش أخليك تنزل أبدأ .
محمود — ياسيدي إنت مالك ، أنا يهمنيش .. أنا حانزل
وحدى ، خليك إنت ، مادام مكسوف من الست بيه
[بتقدم الى الشباك ثم بتراجع ثانية في بأس] خلاص ، اتقفلت
من كل ناحيه .

سيد — في إيه تاني ؟ !

محمود — نوح أفندي واقف في الشباك اللي قصادها ،
وعم على واقف في الشارع بعربية الفول والبليه السخنه ،
يعني عاملين علينا حركة ككاشه ، حصار من جميع الجهات .
خلاص . رحى بلاش [يجلس في بأس] .

سيد — [لقرقر] وأخينا دا لسه برضه قاعد بره ؟ !
قرقر — [ينظر من الباب] دا مصمم ، ما فيش فايده .
[يسمع صوت أقدام .. تظهر عديله في السطوح] .

سيد — ودا مين تاني ؟ !

قرقر — عديله ، لو اعرف انده لها يمكن تسرب لنا
اللوح اللي مبلط على الباب ده ، بس حانده لها ازاي ؟ اهي
دى اللي تقدر تنقذنا ، يانهار اسود دى راحة الأوده
التانيه ، استنوا شويه اما نشوف إيه اللي حايجصل .

[توجه عديله الى باب حجرة الشيخ عجائب وتطرق الباب] .

الشيخ عجائب -- [من الداخل] مين ؟

عديله -- أنا عديله .

أم عبده -- عايزه إيه يا عديله ؟

عديله -- الباميه حانعملها بالسلق والابالقوطه .

الشيخ عجائب -- انا احبها بالسلق .

أم عبده -- اسدنى أنا جايه لك .

[تخرج أم عبده وقد علفت على صدرها حجاباً ووراءها الشيخ عجائب]

الشيخ عجائب -- الحجاب ده ، ما تقلعش أبداً ، أنا

بقالى ثلاث تيام باعمل فيه ، وان شاء الله للنهارده حانشوف

حكاية العمل ، لازم أطلععه ياذن الله . بس أنا عايز آخذ

حته من أترك . انفضلى جوّه شويه .

[يمود الاثنان الى الحجرة]

قرقر -- [يصف ما يراه] أم عبده على الباب . . الشيخ

عجائب وراها . الشيخ عجائب دخل الأوده . أم عبده دخلت

وراه . عديله واقفه بتقصع . . اللوح قاعد زى ما هو ،

ما يتعتفش ، أم عبده خرجت ، الشيخ هباب خرج .

المشهد السابع



عجائب - أم عبده - عديله - قرقر



سيد - محمود - زين

[أم عبده تخرج ووراءها الشيخ عجائب .]

الشيخ عجائب — ودلوقت وحياة ابو كي يامت ام عبده
ابعتى لى الفطار .

ام عبده — عنيه يا سيدنا الشيخ ، عنيه .
الشيخ عجائب — بس امبارح كان شويه وانت عارفه
إن انا طول الليل سهران وتعبان .

قرقر — [من الداخلى] قوى ، الله يكون فى عونك .
الشيخ عجائب — وعازك تبعى لى أدست بيضات مقليين
وإذا كانت عندك حتمه قشطه على شويه عسل نحل ، يبقى

كويس ، بلاش الفول لأنه يعمللى عسر هضم ، إذا كان
تقدرى تبعى لى رطل بسبوسه علشان احلى بيه ما فيش
مانع ، اصلى ما حبش اتقل كده . . طلبات خفيفه .

أم عبده — من عنيه ياسيدنا الشيخ .

الشيخ عجائب — وحكاية الأوده اللى قلت عليها ؟

أم عبده — دلوقت حالا . . هات الحاجه بتاعتك كلها

وانتقل فيها دلوقت ، دول جماعه نصابين . . حراميه . .
أنا حاعرف أوربهم ازاي .

[يدخل الشيخ عجائب لاحضار ملايه وصندوقه ومعداته وتجه
أم عبده الى باب الشرفة] .

قرقر — يا نهار اسود . . اسندونى . . خلاص .

محمود — حاتعمل إيه دلوقت ؟ قول قوام .

سيد — أنا عارف .

[يجلس الثلاثة فى بأس . . أم عبده تري الشيخ زين]

أم عبده — وانت مين ؟

الشيخ زين — أنا الشيخ زين .

أم عبده — وعازب إيه ؟

الشيخ زين — عازب الجماعه اللى هنا .

أم عبده — ماييجوش .

الشيخ زين — حاستناعم .

أم عبده — مش حاييجوا أبدأ .

الشيخ زين - برضه حاستناهم .

أم عبده - خليك مستنى [الي عديله] بت يا عديله ..

انزلى قولى للاسطى أحمد النجار يبجى يكسر لنا الباب ده .

عديله - حاضر يا ست .

[الشيخ عجيب يحول مهماته أمام الباب]

محمود - يا جماعه لازم نشوف لنا حل .. إحنا

حانفضل قاعدين كده .. لازم نستخبي فى حته .

سيد - مافيش فايده ، دى حاتخس تدعبس هنا وهنا

وحانتكشف لو استخيننا فى أى حته .. ومش حايونبنا

غير الكسفه .

قرقر - [ينظر الى الشوالات الفارغة] اسمعوا يا جماعه أنا

عندى فكره كويسه .

محمود - إيه هي ؟

قرقر - كل واحد منكم يدخل فى شوال واربط عليه

وأركنه جنب بقية الشوالات .. ومش معقول أبداً

حد حايفكر فى فتح الشوالات دى .

سيد - بقى معقول إننا نتحبس فى الشوالات ؟

قرقر - مش معقول ليه ؟! خمس دقائق لغاية ماتنزل

أم عبده .. وبعدين أسرب لكم الشيخ عجيب .. وتزوجوا

بعد كده .

سید - لکن بس .. حکایۃ الشولہ دی !
قرقر - مافیش حل غیر کدہ .
سید - انا کان عندی أنزل أحسن علی المواسیر !
محمود - ما خلاص حکایۃ المواسیر دی مافیاش فایده
کل الطرق مقفلہ .. الظاهر إن حکایۃ الشوالات دی مافیش
منها مفر .. هی الطريق الوحید لا تقاذا ما یمكن إنقاذه .
سید - یا ناس .. کل ده علشان تلاته أربعه جنيه ،
تلاته أربعه جنيه نسد بیهم بق الولیته ، وتخلینا بقیمتتا بدل
الهدله فی الشوالات .
محمود - طب ما نخط العفش ورا الباب زی ما کنا
حاطینہ ؟
قرقر - مافیش فایده دی بعنت تجیب النجار ومصممه
علی الاستیلاء علی الأوده .. ولو أدى الأمر أنها تخلع
الباب .
محمود - طب وانت حاتعمل إیه ؟
قرقر - ولا حاجه حا عمل نفسی بردت باللیل من
أودة الفراخ ولقیت باب الأوده مفتوح فدخلت وسکیتہ
علیته ونمت .
[تحضر عدیلہ ومعهما النجار الذی یبدأ فی کسر الباب]
قرقر - یا الله یا جماعه .

[يدخل كل منهما في شوال ويربط عليه ، ويضعهما بجوار بقية
الشوالات ، ثم يرتدى على الفراش ويفط في النوم]
أم عبده — [ندخل فترى قرقراً على الفراش] . . . يوه . . .
ودا إيه دا كان ؟!
عديله — دا قرقر ياستى .
أم عبده — ينيك يا قرقر . . إيه اللي جابك هنا ؟
دا انا دخت عليه ، ولسه نايم لغاية دلوقت . . قوم فز . .
قامت قيامتك وانتصب ميزانك . . متمطع قوى على السرير
تقولشى فى بيت ابوك .
قرقر — [يقف وبفرك عينيه] . . هوا إيه ده ؟ ! يعنى
أنا كفرت ؟ !
أم عبده — أخرج يا الله ، فضى الأوده لسيدنا الشيخ .
قرقر — طب والناس اللي ساكنين فيها ؟
أم عبده — دول نصايين .
قرقر — والعفش بتاعهم ؟
أم عبده — أنا أحجز عليه لغاية ما يدفعوا الفلوس ،
حازلوا عندى فى الشقه ، إذا مادفعوش . . حايبعه . .
أما اشوف يا انا يا ههما .
قرقر — تنزليه فى الشقه ؟ مش ممكن .

أم عبده — مش ممكن ليه يا عمر . . حايستعصى !؟
قرقر — لأ بس مش شايف انه يستاهل . . كله شوية
كرايب على كام شوال .

أم عبده — أحسن من عنيتهم .. اللي يبجي منه أحسن
منه . . أنا ما يتكلش حتى أبدأ .

قرقر — بس طولى بالك .. ماتبقيش كده ياست طبعك
حامي . . كل حاجه بالذوق كويسه .

أم عبده — ذوق؟ اسلامات يا ذوق .. هما فاكرين إيه .
فاكرينها تكيه . . فاكرينها أردغانه . . فاكرينها شفط . .
فاكرينها تهب . . أنا لازم أفرجهم . . لازم أدوخهم زي
مادوخوني . لازم أفضحهم في الحى كله وأفرج عليهم اللي
يسوى واللى ما يسواش .

قرقر — ياست ما فيش لزوم . دول ناس طيبين وطول
عمرهم ما حدش سمع لهم حس ولا خبر .

أم عبده — اخرس انت . . ما حدش عمالك محامي .
خش ياسيدنا الشيخ ، [الى عديله] و انت يا بت يا عديله
خشى حولى العفش ده مع قرقر ونزلوه تحت [قرقر وعديله
بمحلان الشوال الذى به سيد] .

عديله — هوا ماله تقيل كده ؟ حاطين فيه زلط ؟

قرقر - شيلي من سكات .. بلاش غلبه .. لازم
تفسحي من لسانك . حاطين زلط حاطين زفت احنا مالنا .
[قرقر وهو خارج بنظر فيجد الشيخ زين مازال جالساً فينظر
اليه في سـمـكـ وعيظ] .

قرقر - وانت يا أخينا .. مستنى إيه ؟

زين - مستنى الجماعه .

قرقر - جماعه ؟ جماعه مين ، قوم ، قوم ، ما فيش
لزوم .. الجماعه خلصوا خلاص .. الجماعه بقوا عفش ..
والعفش انشال .

زين - يعنى ايه ؟ عزلوا ؟

قرقر - بيعزلوا دلوقت ، ماشين قدامك أهم .

زين - طب واروح لهم فين ؟

قرقر - ما فيش فايده ، ما فيش داعى تروح لهم ابدأ .
مش حاتعرف تاخذ منهم لاق و لا باطل .. دول
ما حيلتهمش اللضا ، مش حايدوك ولا مليم .

زين - ما حيلتهمش اللضا ؟ هو أنا جاى أشحت ؟

هو أنا محتاج ؟ . وهو انا عايز منهم حاجه ، أنا جايب

لهم قرشين من البلد ، معايا عشرين جنيه عايز أدبهم لهم .

قرقر - [بترك الشوال يسقط من بده من فرط الدهول] يابن

القديمه !! معاك ايه ، عشرين جنيه ؟ ! الله يخرب بيتك بحق

جاه النبي . . وقاعد المده دى كلها ما بتقولش حاجه ١٩
طيب هات الفلوس ، هات ، إيدك .

زين — أجب الفلوس ؟ ليه أهبل ؟ .. عيط ؟ .. أديك
الفلوس ازاي ما يمكنش ، لازم أسلمهم لهم يدأ بيد . وبعد
فحص وبحث وتمحيص وتدقيق وإثبات الشخصية والذي منه .
قرر — ما فيش لزوم لحكاية الفحص والبحث
دلوقت . . ادبني الفلوس الله يسترک وبعدن ابقى اخص
وابحث زى ما انت عايز .

زين — إزاي ١٩

قرر — لأن الفحص والبحث مش ممكن دلوقت ..
لو بحث عنهم دلوقت حاتلاقيهم هما والرز والفاصوليا
والفول المدشوش واحد . هات الفلوس تكسب فيهم ثواب .
زين — أنا أديك الفلوس ؟ ليه ؟ اتبهلت ؟ اتجبطت في
نافوخي . عايز تضحك عليه . فاكرني غشيم . . يا ضلالي
يا نصاب . . يا محتال . . يا حرامي . . أديك الفلوس علشان
تضرب عليهم عواف . . فاكرني هفيه ، دا أنا أوديك
البحر وأجيبك عطشان .. دا أنا أوديك في داهيه .

قرر — وعلى ايه ما فيش داعي ، أنا مالي ، خليمهم هم اللي
يروحووا في داهيه . أنا عملت اللي على وهم سامعين وشاهدين .
شيلي يابت يا عديله شيلي ، الحكاياه مش باينه حاتنتهى على خير
أبدأ ، شيلي ، خليتنا نخلص شيلي . السلام عليكم .



الفصل الثاني

صالة الجلوس والأكل في شقة أم عبده . على اليمين باب يؤدي إلى السلم ، وعلى اليسار باب يؤدي إلى داخل الشقة ، وفي الواجهة نافذة مسمرة بقطعة من الخشب حتى لا يمكن فتحها ، وفي الركن الأيمن البعيد أناث سيد ومحمود الذي أزيل من غرفتهما وبعض الشوالات وبينها الشوالات اللذان وضعا بهما ، وفي الركن الأيسر البعيد أريكة عليها عود وأمامها قانون ، وفي المنتصف منضدة عليها ورق ، وبالحجرة فوتيلات وبعض مقاعد متفرقة ودولاب للصيني والزجاج والطعام الجفاف أشبه بنملية ، وفي الركن اليمين القريب منضدة صغيرة عليها جراموفون واسطوانات ، وفي الركن اليسار القريب راديو على منضدة صغيرة أخرى .



المشهد الأول



[أم عبده — مرق — بهيه — عديله]

أم عبده — بس .. خليفهم محططين كده لغاية ما يدفعا
الأربعة جنبه اللي عليهم .. إذا ماجوش بعد جمعه ، حايعهم
لبتاع الروبايكيا .. زى ما يجيوا .. إن شاء الله يجيوا تلاته
أبيض ، أحسن من حبابي عنيم ، الضلاله النصاين .

بهيه — ليه بس يانينه .. هم عملوا حاجه ؟

أم عبده — عملهم اسود ومطين على دماغهم ، مش
كفايه مدوخيني على الأجره بقالهم أربع شهر ، عايزا هم
يعملوا أكثر من كده إيه ، يسرقونا ، ينهونا ، يدبحونا
ويشربوا دمننا .

بهيه — يانينه الحكايه مش مستاهله دا كله ، يمكن
مزنوقين ، يمكن معذورين .

أم عبده — المعذور مايسكنش في بيوت الناس ..
ويدوخهم على الأجره .

بهيه — أمال يعني يعملوا ايه ، يناموا على الرصيف ؟

قررر - أيوه حقيقى . . يناموا فين ؟
أم عبده - انسدانت ، ماتحشرش في اللى مالكش
فيه ، خلاص اتبيننا . . مش حايعتَبوا الأوده يعنى
مش حايعتَبوها . . مفهوم . . رجليم مش حاتمد فيها .
قررر - مفهوم قوى . . هم بقدروا يمدوا إيدهم لما
حايمدوا رجليم .

عديله - ما يمدوش ليه ، دول يمدوا ايديهم ورجليم ،
أمال يتشعبطوا ازاي .
أم عبده - يتشعبطوا ؟

قررر - قصدها يتشعبطوا على الترامى ، ما تاخذيش
على كلامها يا ست ، هى وراها ايه غير الهلوسه ، روحى
اقل البيض للشيخ عجائب ، خلى الراجل يشوف شغله .
أم عبده - أيوه حقيقى ، مسنيه ايه ، أنا مش قولتلك
تحضرى له الفطار ، هو انت كل حاجه تقفى تطلقسى عليها
وتحشرى نفسك فيها . . فوق انجرى اقل البيض وحضرى
طبق العسل والقشطه ، يا الله قوام احنا ورانا حاجات كثير ،
أديكى شابفه ، البيت يضرب بقلب .
قررر - [عامتاً] أهو كده ، أمال إيه ، الحكايه لعب .

بیه — [تنظر الي العنق وتتهدي] بس انا صعبانين علی
الجماعه دول .

أم عبده — ما يصعبش علیکی غالی . . فوقی یا الله اتی
كان شوفی شغلك ، احنا ما وراناش فضا ، شوفی المقلوب
ابوکی قام والا لا ؟

بیه — قام ونام تانی .
أم عبده — قام لیه ؟ . . ونام تانی لیه ؟ ا إلهی
تعدله له .

بیه — قام علشان يشرب .
أم عبده — يشرب ایه ؟ ا
بیه — أنا عارفه بقی ، يشرب م القزازه اللی حاططها
جنب السریر .

أم عبده — طبعاً ، هوا وراه ایه غیر كده ، وراه ایه
غیر البصبصه والشرب ، لكن معلش مسیری أمشیه علی
العجین ما یلخبطوش ، مسیری أددش القزاز اللی هو
مخبیها لی تحت السریر .

[تبدو حركة من أحد الشوالات فيلحظها قرقر ويبدو عليه
الاضطراب ويتنحج بصوت عال] .

أم عبده — ایه أصله ده ؟ ایه اللی جراك ؟

قرقر - أصلي ، أصلي شرقت ، حكاية القزايين اللي
حاند شدش دي شرقتني .

أم عبده - وانت مالك ، إيش حشرك .
قرقر - أبدأ ما فيش حاجه [تمود الحرصكة وبمود الي
التننح] ما بلاش ياستي حكاية دشدشة القزايين ، لحسن
باين عليها مزعلاه خالص .

أم عبده - مزعله مين ؟
قرقر - مزعله سيدي ، سيدي نوح افندي .

أم عبده - وانت مالك انتة يابارد . . إيه دخلك . .
اشتكالك ! ؟

قرقر - أنا مالي . . أنا قلبي على القزايين الفاضيه . .
خساره تدشدش وتروح هدر ، نيعها احنا لبتاع الروبايكي
نستفيد بتمنها أحسن .

أم عبده - بتي كده ! ؟ القزايين الفاضيه بس هي اللي
مزعلاك ، طب فوت يالله شوف شغلك ، هات لي السبر تو
وكنكة القهوة والبن .

[هم بالجلوس فيبدو القلق على وجه قرقر]
قرقر - ما تنفضلي ياستي تعملها في المطبخ علشان
تنضف هنا ، بعدين التراب يطلع عليكى .

أم عبده - ما لكش دعوه . . فوت اعمل زى
ما بقول لك .

[تجلس على الكتيبه]

فرقر - ياست أنا حاشيل الشلت والبياضات .

أم عبده - أكنس الأرض قبله .

فرقر - أصل الأرض لسه عايزه غلبه كثير . .

[يسمع صوت نوح أفندى بتنادي بهيه]

نوح - بهيه . . بهيه .

بهيه - أيوه يا بابا [تخرج] .

فرقر - قومي ياستى شوفيه . . صبحى عليه ، يمكن

يكون عايز حاجه .

أم عبده - أصبح عليه ؟ الله لا يصبحه ولا يبرحه .

فرقر - يعنى حاتسيه كده لغاية ما يبص من بلكونه

ولا شبك ، تقع عنيه على واحده من الجيران .

أم عبده - [تفز من مكانها كمن لدغتها عقرب] تقع عنيه ؟

ياخى جه قلع عنيه ، ما يوعى يبص بها لا يمين ولا شمال ،

ما انا عارفاه ، راجل دنى ورمرام ، والتي لانا مسنكراله

بقيت الشبايك والبلكونات ، أما اشوف حايبص منين ،

هو خلا حد فى الحته ما يصلوش ، دا فاضخنى فى وسط الجيران

[تخرج أم عبده .. يتبعها قرقر حتى الباب]
 قرقر — الله يكون في عونك يا ست ، خدى بالك منه
 كويس ، امسكيه جامد . سنكرى الشبايك قوى .
 [قرقر يرد الباب وراها . . ويمود وهو بفرك يديه فرحاً] .
 قرقر — بس ، ولا كلبه ، يا سلام على حداقتك يا واد
 يا قرقر ، يا اللى ما فيش منك فى الاربععاشر مديره ،
 [يقرب من الشوالات ويوجه اليها الحديث] إيه رأيكم بقى ،
 مش برضه عرفت أزوجهم ، اهو لو ما كانش ربنا ألهمنى
 حكاية نوح افندى دى . ما كانتش عنكم حاشوف النور
 أبدأ ، كنت حاتخذوها تأيده جوه الشوالات . لكن ربنا
 ستر ، أصل نيتكم كويسه . دلوقت بقى ، فين سيد افندى ،
 وفين سى محمود . اظن ده سى محمود . [يحدث الشوال] كنت
 متأثر أوى على قرايز الويسكى وعمال ترفص كنت حاتودينا
 فى داهيه . انفضل [يفتح الشوال فيخرج منه رأس سيد افندى] الله
 هو انت سيد افندى ، أمال كنت بتقلب قوى ساعة
 ماجت سيرة الويسكى ليه ؟
 سيد — ويسكى إيه يا سى قرقر ، أنا كنت باهرش ،
 معرفش فيه إيه فى الشوال بيقرصنى .
 قرقر — طب مش وقته اطلع قوام . لما أسبب سى
 محمود راخر .

[بهم بالذهاب الى محمود ، وبهم سيد بالخروج عنه ما يسمع صوت
بهمه مقبله] .

بهمه — حاضر يا نينه ، حاضر ، أنا حاقظفها .

قرقر — يا نهار اسود . خش يا سيد افندي خش ،
خش لحسن ست بهمه جايه ، [يربط عليه] ما تتقلبش بقى
لحسن تودينا فى شربة ميه ، ابقى استحمل القرص .

[تدخل بهمه متقدمة الى قرقر الذي يقف بينها وبين الشوالات
وقد تناول مكفسة كانت مسندة على الحائط]

بهمه — [فى عجلة وهفة] اسمع يا قرقر . أنا عايزاك فى

حاجه ضرورى .

قرقر — [فى نفاق] حاجه ضرورى ؟ . طيب بس أما
أخلص الصاله دى ، عن إذتك شويه لحسن العفار يطلع
عليكى [ويأخذ فى الكنس] .

بهمه — يا أخى استنى شويه ، الدنيا ما طارتش على
الكنس .

قرقر — ما طارتش على الكنس ؟ ! لكن حاطير
على ابن الهرمه اللي فوق ، دلوقت حالا يرقع بالصوت ،
عايز الفطار ، وبعدين عايز الجدى الاحول والفرخه
الزعلانه ، والقله ، والكفته والكباب ، والسلم اللى يهرى
مصارينه ، كل دا دلوقت يطلبه ، وأنا لازم اخلص من الأوده

واللى فى الأوده . مش معقول أبدأ اسبها وامشى ..
دى تبق مصيبه .

بيهه — هوا إيه أصله ده . انت اتجننت ؟ اسمع الكلام
اللى حاقولك ده من سكات .

قرقر — سمعت . اتفضلى .

بيهه — الجماعه راحوا فين ؟

قرقر — أنهى جماعه ؟

بيهه — سيد افندى وسى محمود .

قرقر — وأنا إيش عرفنى .

بيهه — إنت مش كنت فى الأوده معاهم ؟

قرقر — لا ، لا يامت بيهه ما تلخبطيش فى الكلام

لحسن الست أم عبده تسمعك تودبنى فى داهيه .

بيهه — توديك فى داهيه إزاي . انت مش كنت

فى الأوده قدامها ؟

قرقر — كنت فى الأوده أيوه ، لكن معاهم لا .

بيهه — إزاي ؟ إذا كانوا هم كانوا فى الأوده ، تبق

ما كنتش معاهم إزاي ؟

قرقر — وإيش عرفك بقى انهم كانوا فى الأوده ؟

بيهه — وإيش عرفنى ؟ أصل . أصل ..

قرقر -- أصل إيه ؟

بیه - آمال یعنی حایاتوا فین إلا فی الأوده ، مام لازم یكونوا فی الأوده .

قرقر - یعنی استتاج کده ؟

بیه - آیوه .

قرقر - إذا کان کده تبقی غلطانه ما کانوش فی الأوده .

بیه - بقول لك کانوا فی الأوده یعنی کانوا فی

الأوده ، أنا متأكده خالص .

قرقر - متأكده منین بس ، إذا كنت أنا نایم فی

الأوده لوحدی طول اللیل .

بیه - کذاب . أنا شفتم بعینی ، شفتم فی الأوده

وانت ما کنتش فیها .

قرقر - یا نهار اسود . شفتم بعینیک ؟

بیه - آیوه شفتم ، وعایزه اطمین علیهم ، راحوا

فین ؟ جراهم إيه ؟

قرقر - راحوا فین ؟ . إیش عرفنی ا ا هم لازم ،

خرجوا یشطحوازی عوایدهم .

بیه - مش ممکن .

قرقر - ليه بس يا ست بهيه ؟ مش ممكن ليه ١٩ إيه
عدم إمكانيته؟

بهيه - لأن سي محمود كان راقد ، كان عيان خالص .

قرقر - محمود إيه ؟ . راقد .. عيان . لا . دي انت بقى
اللى ما عندكيش فسكرة عن الموضوع خالص .

بهيه - إزاي ؟

قرقر - لأن محمود صحيح اربعة وعشرين قيراط ،
صحته زى البب .

بهيه - بب إزاي ، إذا كنت أنا شايفاه بعيني دي ،
راقد وتعبان . ويقول آه .

قرقر - آه ؟ !

بهيه - أيوه .

قرقر - يمكن .. قادر ربنا يعينه وبعي أبوه ، لكن على
العموم اطمنى قوى ربنا خد بيده خلاص ، آخر لحظة
شفته فيها ما كانش يقول آه .

بهيه - إزاي بس ! دا كان عيان قوى ، ياترى راح
فين ؟ ! وحا يرقد فين ؟ اسمع يا قرقر ، أنا عايزاك تسبب
الأوده دلوقت وتخطف رجلك تسأل عليهم ، تشوفهم
راحوا فين ، وجم متين .

قرر - أسبب الأوده . ؟

بیه - آیوه .

قرر - ما یمكنش ، دا أنا قتل الأوده ، ماسیهاش أبدأ
ثم ... حکایة السؤال عنهم دی .. مش عایزه لا خطف
رجل ، ولا سیبان أوده .. اسمعی یاست بیه .. إتی یهمک
أمرهم قوی ؟

بیه - أوی وبس .. أوی خالص .

قرر - یعنی تخافی عليهم ، وتحبی مصلحتهم ؟

بیه - طبعاً .

قرر - والله إنك أميره و بنت حلال ، طیب حیث
كده .. أنا حا أقول لك على الحقیقه .. یمكن تقدری
تساعدینی .

بیه - بس قبل كل حاجه أنا عایزك تسأل عنهم ..

تشوفهم راحم فین وجم منین .

قرر - حاضر .. من عنیه .. اطمنی .. هم لا راحم

ولا جم .

بیه - یعنی مستخیین فوق ؟

قرر - لأ .. مستخیین تحت .. ومن جهة السؤال

حاسأل لك حالا عليهم [یتجه الى أحد السوالات ویرت علیه]

إزبك ياسيد افندی .

سید - [من داخل الشوال] زى الزفت البتاعه لسه نازله
فيه قرص .

قرقر - معلش .. تقدر تهرش شويه .. ما فيش حد
غريب هنا .. [برت على الشوال الآخر] وانت ازبك ياسى
محمود .. لسه بتقول آه ؟

محمود - [من داخل الشوال] آه .

قرقر - ليه بقى .. ما انا حطك فى الشوال سليم أربعه
وعشرين قيراط لا بيك ولا عليك .. إيه اللى بيخليك تقول
آه دلوقت ؟

محمود - الجوع .. جعان قوى .. حتة الجبنه الرومى
اللى كنت شايها من امبارح .. لقيت الفيران واكله
تلات ارباعها .

قرقر - والرابع الباقي ؟

محمود - نصه واكله الصراصير والرابع واكله النمل .
الظاهر كان عندهم عزومة حشرات .. آه .

قرقر - طب بس ما تزعقش كده .. لحسن الست
أم عبده تسمعك .. اصبر شويه أنا حا افتح لك دلوقت ..
أصل ست بهيه عرفت خلاص .. بقت متنا وعلينا .

بهيه - [قى ذمول] إيه ده ؟ إيه اللى عملته فيهم ، إزاي
ترميمهم الرميده دى ؟

قرقر - آل إيه اللي رماك على المر ، قلت له اللي أمر
منه .. قال إيه اللي رماك في الشوال ، قلت خوفي لأقع في إيد
أم عبده عرفتي بتي باست بهيه ، ما كانش فيه وسيله للهروب من
فتك الست والدتك غير الحكاياه دي ، وأظن دلوقت مافيش
داعى نضيع وقت في الأخذ والعطأ .. المهم إننا نفرج عنهم
ونخليهم بطيروا قبل ما تبجي ست ام عبده وتقفشهم .

بهيه - طب وبعدين حاير وحوافين ، وبناموا فين ؟
قرقر - باستي يحلها الخلال .. المهم دلوقت إن احنا
نطلق سراجهم .. نخرجهم بره الشوله .. نخليهم ياخدوا
نفسهم ، نخليهم يشموا النسمه .

بهيه - طب ومحمود ؟
قرقر - ماله محمود ؟

بهيه - مش يقول لك إنه جعان .. حانسيه كده
جعان ؟

محمود - [من داخل الشوال] أيوه جعان .. جعان قوى
واقع من الجوع .

قرقر - يا جدد أسكت انت الله لايسينك .. لحسن
أم عبده تسمعك .. إبقى شوف لك أى حاجه بره ، إنشا الله
حتى لقمه بجنبه .. المهم بس انكم تخرجوا .

[يفتح السؤال عند ما يسمع صوت نوح افندى قادمًا]

المشهد الثاني



[نوح — فرقر — بهيه]

نوح — [من الخارج] دى مابقتش عيشه .. دى بقت
جهنم الحمراء .. واد يا فرقر .. فرقر .

فرقر — لا .. الظاهر إن اليوم ده مش حايتم على خير
أبدأ .. مافيش فايده .. بايتكم حاتخدها تا بيده .. أصل لو
نوح افندى اترستا فى الأوده دى .. ما حدش حايعرف
يطلعها منها ولا بالطبل البلدى .. الحقيه ياسمت بهيه .. حوشيه
شويه لغاية ما اخرجهم .

[تم بهيه بالخروج عند ما يدخل نوح مرتديا الجلاب ، وقد أمسك
زجاجة ويسكي في يده وارتمى فرقة حذاء ، وأمسك بيده الفرقة الأخرى] .

نوح — ما بتردش ليه يا فرقر الكلب ؟

فرقر — [وبأس] نعم ياسيدى .. أفندم .

نوح — فين فرقة الشراب الشديكة أبو نقره واحده ؟

فرقر — أ مال إيه اللي فى إيدك دى ؟

نوح - دى بنقرتين .. واحده عند الصباع وواحده
فى الكعب ، لكن أنا فاكر إن التانيه كانت بنقره واحده
عند الصباع ، تبقى راحت فين ؟

قرقر - تبقى برضه هي اللي فى إيدك .. بس ربنا
أنعم عليها بنقره زياده ، وبكره كان تبقى بتلاته وأربعه .
نوح - طب بلاش الشيكه ، هات لى أبو حربيه .. أنا
آخر مره قلعتة كان بحربه واحده ، دلوقت حلاقه بحربتين
والا إيه ؟

قرقر - وافرض إنك لقيته بحربتين ، تزعل ليه ؟
أه زياده فى التسليح .. حد لاقى .
نوح - طيب زى بعضه .. حربيه حربتين .. هاته
والسلام .

بيه - تعالى يا بابا .. أنا أجيلك اللي انت عايزه ..
تعالى معايا .

نوح - لا .. مش جاى ، أنا مش عايز أشوف وش
الوليه امك دى مره تانيه أبدأ .. أنا جاسيلها البيت .. أنا
حافر جها .. أنا وهي والزمان طويل .

بيه - ليه بس يا بابا ؟ هي عملت حاجه .
نوح - عملت حاجه ؟ كل اللي عاملاه فيته ده ..

وما عملتس حاجه ؟ . عايزاها تعمل إيه أكثر من كده ..
هى مخلياني عارف اتنفس .. حاشره نفسها فى كل شؤونى ..
دامش جواز ، دا أسر ، لكن معلش هانت ، فوت
ياواد ياقرقر هات الشراب والبدله [يجلس على الأريكة]
قرقر [بنظر متردداً الى بهيه] - حضرتك حاتقلع هنا ؟
نوح - أيوه .. إيه المانع ... هوا أنا حاتقلع
فى الشارع ؟
بهيه - طب ماتفضل فى أودتك يا بابا وأنا أجيّب لك
اللى انت عايزه .

نوح - أودق ؟! هى بقت أوده ، دى بقت ززانه ،
انت عارفه عملت فيّيه إيه ؟
بهيه - عملت إيه ؟

نوح - أنا لسه بقول يافتاح يا عليم لقيتها لك من غير
مناسبة هاجمه زى الغول وفى إيدها الشكوش وشوية
مسامير وهات يادق فى باب البلكونه والشباك .. قال إيه
عشان أبطل البصبصه للجيران .. هوا أنا لسه فتحت
عيني ؟ . الوليه دى لازم اتجننت .. اتخبلت .. ومع كل هى
البصبصه حرمت . طيب أدينى خارج دلوقت .. أما أشوف
حاتقدر تمنعنى من البصبصه ازاي ؟

ببيه - طيب يا بابا قوم البس هناك وبعدين اخرج
زى مانت عايز .

نوح - [فى امرار] لأ .. أنا حلفت ما أنا داخل
الأوده لأجل خاطرها .. فوت يا واد يا قرقر هات لى
البدله والشراب أبو حربه ، وحمالة الشراب ، وهات علبة
السجائر من فوق المكتب .. بس اوعى تلتطش منها حاجه .
ببيه [تشبه الى قرقر أن يبقى مكانه] - خليك انت يا قرقر
شوف شغلك أما اروح أدور انا على الحاجات اللى هوّا
عايزها .

[نخرج بيه]
نوح [وهو يدندن على العود] - وبعدين يا واد يا قرقر ،
وأخرتها ؟

قرقر [وهو يكنس حوله متبداً الفبار لمضابته] - آخرتها
فى إيه ؟
نوح - فى إيه ؟ فى ستك أم عبده .. هو اربنا مش
حايثوب علينا منها .. ده مش عدل أبداً .. دانا أعرف
واحد قتل قتيل خد فيه عشرين سنة سجن ، واليومين
دول طلعم السجن ، بقى حر .. يعمل زى ماهو عايز ،
بيصبص للجيران زى ماهو عايز .. ويروح البيت وقت ماهو

عايز ، ويشرب ويسكى زى ماهو عايز ، ويغنى زى ماهو عايز ،
وأنا اللي ماقتلش ولا حاجه .. لغاية دلوقت فى السجن ، مش
عارف اتفلفص .. تقدر تقوللى بقى ليه أفضل أنا ويخرج هو؟
قرقر - لازم كان حسن السير والسلوك .

نوح - والله لو اعرف انى لو بقيت حسن السير
والسلوك ، ربنا يتوب علىّ منها .. لكنك صليت من بكره
لكن أنا عارف ما فيش فايده .. يبقى لانا بساط ولا حريه ؟
قرقر - معلش ياسى نوح .. استحمل ، أدحنا كلنا
مستحملين .

نوح - أنا كنت زمان بالاستحملها .. لكن دلوقت
ما بقتش تنطاق أبدأ .. فى حد فى الدنيا يسنكر الشبايك
كلها كده زى ماهى عامله ؟ هو دا بقى بيت يتسكن ،
والنضافه اللي هى طالعالى فيها دى .. أقوم من النوم افتح
عيني على طاخ .. طاخ .. يتها لى إن التنظيم بهد البيت
وبعدين ألاقها بتنفض الشبايك .. ما يجكش مسح السلام
إلا الساعة اتنين وأنا جاى .. علشان مية المسح كلها تنزل على
نفوخي ، هو أنا عمرى شفت البيت فى حاله طبيعته أبدأ ..
لازم السجاجيد فوق الكراسى ، والكراسى فوق الترايزات ،
والترايزات جنب الحيط والأرض مبلطه ، تزحلق بلد

بحالها ، ده بيت يتقعد فيه ده .. أنا أقدر أقعد قاعده هاديه .. اشرب لى فيها كاسين ولا أتتن لى تقسيمتين .

قرقر - هوا انت يعنى بتقعد ياسى نوح افتدى ؟

نوح - أقعد فين .. هو افيه حته يتقعد فيها ، دى حاجه تخلى الواحد يهيج ، وآخر المتهه .. الشيخ اللي جايبهولى فوق السطوح .. تقدر تقوللى جايباه ليه ؟

قرقر - عشان يطلع العمل .

نوح - عمل !؟ يعنى إيه العمل ؟

قرقر - أصل فيه ناس قالوا لها إن الحاله اللي انت فيها نتيجته عمل اتعمل لك .

نوح - حاله إيه اللي أنا فيها ؟

قرقر - ولا مؤاخذه .. البصبصه والعريده ، وفروغية العين ، والشرب والميهصه والهججان بره البيت ، وال ...

نوح - مفهوم .. مفهوم .. ماله ده كله ؟

قرقر - كله ده صايك .. علشان حد متغاض منها فعمل لك عمل علشان يطفشك منها .

نوح - وبعدين ؟

قرقر - ولا قبلين ، قالوا لها على الشيخ عجائب إنه

راجل مجرب واحجته ما نزلش الأرض .

نوح - يعني حايعمل إيه ؟

قرقر - حايطلّع العمل .. ويعمل شوية تعازيم

واحجبه .

نوح - والنتيجه ؟

قرقر - النتيجة إنك تتلم ، وتبطل الشرب والسكحه

والبصبصه وتقعده في البيت .. وتحب ست أم عبده

وما تبصش لغيرها .

نوح - [متزعجا] يامغيث .. يا حفيظ .. الراجل ابن

الثام اللي فوق ده حايعمل فيّيه كده ؟

قرقر - دا المفروض .

نوح - دا أنا أقتله ، ودي تبقى أنهى عيشه دى ..

أنا أقعد في البيت ولا اشربش ولا اهيصش ، وما اعماش

حاجه غير إن أنا أبص لأم عبده .. ياهوه .. الراجل

المجرم ده عايز يعمل فيّيه كده ، وتفتكر إنه يقدر يعمل

الحاجات دى يا قرقر ؟

قرقر - مين يعرف .. أهو إذا ما كانش ده يقدر غيره

حا يقدر .. هي معنى حاتسكت .. حاتسيك كده لغاية ماتطير

من إيدها .. أمهي حاتها وراك كده .. لغاية ماتسنسلك .

نوح - فال الله ولا فالك يا شيخ . . على العموم
الحمد لله ، اللي ربنا ألهمنى المشروع اللي أنا ماشى فيه دلوقت
هو الوحيد اللي حايبقذنا من المصيه دى .

قرقر - مشروع . . !؟ مشروع إيه ؟

نوح - قرب . . قرب هنا . . إدينى ودنك . .
[بقرب منه قرقر] مشروع جمعيه سريه .

قرقر - جمعيه سريه . . !؟ بتاعة إيه ؟ . . وعلشان
إيه ؟ . . واسمها إيه ؟

نوح - اسمها جمعية قتل الزوجات .

قرقر - ياساتر . . مره واحده كده ؟

نوح - أيوه . . مايفش طريقه لإنقاذ العالم من السيطره
النسائيه ولإعطاء الرجل حريته غير كده .

قرقر - ودى خلاص عملتها ؟

نوح - آمال ادا انا ماشى فيها جد قوى . . أنا لازم
أجيب خبرها .

قرقر - هى إيه دى ؟ . . الجمعيه ؟

نوح - لا . . أم عبده . . لازم أقضى عليها هى وأمثالها ،
قبل ما يضيعونا فى شربه ميه ، أنا فكرت فيها من زمان ، وكل
الشله اللي باقعد معاها وافقتنى على المشروع ، وقالوا لى دى

فكره هايه ، وكنت باادرس الموضوع شويه شويه
على مهلي ، لكن حكاية الشيخ عجائب واللي ناوي يعمل فيه
خوفتي أوى ، المسألة دلوقت لازم نمشي فيها بجد ، دى
مسألة حرب ، ياهم يلونا فى البيوت ، يا احنا نجيب داغهم ،
دا صراع على تقرير المصير ، أنا أقعد فى البيت ولا أبصش
لغير أم عبده .. ياهوه .. يا جاه النبي .

قرقر - على العموم ما فيش داعى للخوف كده ..
الحكاية مش مستعجلة أوى .. والجماعه دول اللي زى
الشيخ عجائب معظمهم نصابين ، يعنى هى أول مره تجيبهم أهى
بقالها سنين تترقى وتشبشب وتلبس فى أحجبه وتطلع فى عمل ،
علشان ربنا يتوب عليك وتهدى ، ما بتهديش ، هى تنتقل
من شيخ لشيخ ، وانت تنتقل من واحده لواحدة ، ما فيش
حاجه بتحوق فيك أبداً ، لغاية ما رسيت على الشيخ عجائب
وانت رسيت على زكية ولعه ، أما نشوف مين اللي
حايغلب ، الشيخ عجائب والا الست ولعه ؟

نوح - إيه يا وادده ؟ إنت اتجذنت ؟ وطى صوتك ،

إنت عايزها تسمعك تبجي تطلع على جنتنا البلى !!

قرقر - إنت لسه بتخاف منها بعد الجمعيه اللي عملتها ؟

دا انت رئيس جمعيه قتل الزوجات على سن ورمح ؟

نوح — قولتلك متزعقش ، دى جمعیه سریه ، لازم تفضل
مستخيه كده ، تعمل فى الخفاء . . إنك عمرک ما اشتراكش
فى جمعیه سریه أبدأ؟

قرر — أبدأ ، لا سریه ولا عليه .

نوح — على العموم تقدر تشترك .

قرر — لكن أنا مش متجوز؟

نوح — مش مهم ، الجمعیه حاتجوزك . وبعدين هى
نفسها تتولى أمر تخليصك من مراتك .

قرر — وعلى إيه . . لما اتجوز ، يبقى يحلها ربنا .

نوح — مانضيعش الفرصة من إيدك ، واسمع نصيحتى
اشترك من دلوقت أحسن لك ، دى أحسن طريقه لضمان
حريتك ولتأمين حياتك ، وللقضاء على أم عبده وأمثال
أم عبده .

[بتحرك أحد الشوالات ويصدر الآخر صوت آه]

قرر [فى نزع] — يانهار أسود وهو فيه حاجه

حاتنجينا من أم عبده؟ ولا ميت جمعیه سریه ، ولا انقلاب
كامل ، [نتمر الحركة] اصبر شويه ، ياويكا .

نوح — أصبر أكثر من اللى صبرته . مش ممكن ،
أنا لازم أقضى عليها خالص ، بس عايزين أعضاء ، عايزينها
تكبير ، لازم تشترك ، فاهم .

قرقر - حاضر حاشترك ، بس عن إذتك شويه ،
أنا عايز أنفض الكنبه اللي انت قاعد عليها ، تسمح تنفضل
في أودتك شويه .

نوح - إنت كان بتجيب سيرة التنفيض ، إخص ،
إخص عليك ، ياخية أملى فيك ، خلاص مش حاتنفع
أبدأ معانا .

قرقر - ليه بس ياسى نوح أفندى ؟

نوح - عايز تدخل الجمعيه وانت بتنفض ؟ عايز تبق
عضو ، وإيديك ملوئه بجريمة التنفيض ؟

قرقر - وفيها إيه يعنى ؟ مش جمعية قتل ؟

نوح - أيوه قتل ، لكن مش تنفيض ، قتل بطرق
شريفه نضيفه مش قتل بإثارة الغبار ، مش قتل بتحطيم
الأعصاب ، دى من أول الحاجات اللي بتنادى بها الجمعيه ،
المطالبه بحرية الوساخه ، وحق الكركبه والفركشه
واللخبطة واللخفنه ، تقوم تيجى حضرتك وتقولى قوم
عشان أنفض .. انقو عليك .

قرقر - الله يساحك ، طب بلاش التنفيض ، قوم
عشان تفضر .

نوح - مالياش نفس ، أنا حاخذ بقم القزازه كفايه

[يشرب] الله . . بالصحة والعافية . . بالهنا والشفاء .
قرقر — قوم يقي ياسي نوح أفندي الله لا يسيتك ،
قوم الله يستر عرضك .

نوح — مش حا قوم خلاص ، أنا عايز أدندن شويه
عندي كيف للغنا ، ناو لني العود ، ناو ل .

قرقر — عود؟ لا ، الظاهر إنها حاطبل على دماغنا
[بناوله العود] مادام مسك العود يبقى مش حا يطلع من
هنا أبداً .

نوح — تعرف أشتغل معايا على الرق؟
قرقر — رق؟ إنت شويه ، وقوم . . قوم الله
يجبر بخاطرك أنا لاليه في طبله ولا في رق . . انت عايز متي
تيجي تلاقيني ماسك الرق تقطع عيشي ، إنت يا سيدي بتقدر
عليها ، لكن أنا غلبان ، على قد حالي .

نوح [يبدأ في ضرب العود والغناء] — يا سيدي زعلان ،
ياروحي زعلان [قرقر يمد يده تحت الأريكة ويخرج منها لاقطة
بملقها أمام نوح مكتوب عليها : « ممنوع الغناء بأمرام عبده » فلا يكاد
يرأها حتى يصيبه الذعر ويصمت ثم ينهض ويقبها فيبدو عليها « ممنوع
البصبة بأمرام عبده » فينزعها ويقذف بها تحت الأريكة ثم يعاود الغناء]
نوح — يا سيدي زعلان . . ياروحي زعلان .

[يتحرك سيد ويتأوه بمحود]
[قرقر يزداد ارتباكاً ويقرب من الشوالات ويربت عليها في غفلة
من نوح أفندي]

قرقر [للتحوالات] --- حاضر .. اصبر شويه .. دلوقت
أجيب لك ساندوتش جنبه ، بس لما أخرج الكاينه دى حالا ،
ربنا يسهل .

نوح [ملتفتا الى قرقر] - إنت بتعمل إيه عندك ..
بتكلم مين ؟

قرقر - لا ما فيش حاجه .. دانا بس بدنن .
نوح - بتدنن ؟ إنت جنسك إيه .. حيوان ..
تدنن وانا با اغنى .. إنت ما عندكش إحساس .. إنت
جماد .. لما أنا أغنى يبقى لازم الدنيا كلها تسمع .. وإيه
للسوله الى عندك دى .. إيه دا كله ؟

قرقر - دا عفش الجماعه اللي كانوا ساكنين فوق
السطوح .

نوح - وإيه اللي جابه هنا ؟
قرقر - ست أم عبده نزلته .

نوح - علشان إيه ؟
قرقر - حاتيعه .

نوح - تيعه ؟ .. وأصحابه راحوا فين ؟
قرقر - طردتهم .

نوح - كده على طول .. وليه تطردهم ؟
قرقر - علشان تسكن الشيخ عجائب .

نوح — أما وليه دون .. تطرد الناس الطيبين الأمرا
علشان تقعد الراجل النصاب المحتال .. طب وحتابع
عفشهم ليه؟

قرقر — علشان تاخذ أجرة الأوده من تمنه .
نوح — إخص على السفاله والإجرام .. تبع عفش
الناس علشان تاخذ الأجره .. لا .. أنا مااسكتش على
كده أبداً .

قرقر [فرحا] — إيه! أطلعه تانى؟
نوح — لا .. لا .. ما فيش فايده .. لو طلعهنا
حاتنزله تانى .

قرقر — أمال إيه؟! نعمل إيه؟
نوح — نعقد جلسه غير عاديه .. جلسه مستعجله .
قرقر — جلسه ..! لإيه؟ .

نوح — للجمعيه .. ما فيش غير ..
قرقر [مقاطماً بحبيرة أمل] — دا كل اللي تقدر تعمله؟
نوح — وده شويه .. لازم نجمع الجمعيه .. لاتخاذ
قرار ضدها .

قرقر [يئأس] — طب ، اجمعها .
نوح — لكن ، لكن حاتجتمع إزاي إذا كان ما فيش

أعضاء ، عايزين أعضاء ، لازم تشترك .

قرر - حاضر .. حاشترك .

نوح - وتجبب كان حد يشترك .

قرر - حاضر .. حاجيب لك حد يشترك .. المعلم

عضمه الجزار لسه متخاق مع مراته وراقعاه علقه لما قطعت

نفسه .. أجيهورك يشترك ؟

نوح - أيوه ، ده بنفعنا كويس ، مش يعرف يدبج ؟

قرر - قوى .. دى شغلته .. بس .. عن إذتك

بقى دلوقت .. خمس دقائق .. حل عن الأوده شويه .

نوح - علشان إيه ؟

قرر - أصلى .. أصلى .. عايز أنكشها شويه ..

وفيه شوية زباله بره .. عايز أدلقها على الكنبه .. علشان

القعهه تحلى .

نوح - لا .. مافيش لزوم .. ما تعبش نفسك ..

أنا أقدر أستحملها كده .. ناولنى العود ناول .. واقعد

جنبي هنا لما أشنف ودانك .

قرر - أنا عارف .. مافيش فايده أبدأ .. اتفضل

ياسى نوح أفندى [يضاوله المود] وآدى قاعده [يجلس على

الأرض بجواره ، وهو يلتفت الى الشوالات] أنا عملت اللى عليه ..

وفوق اللى عليه .. لكن أعمل إيه .. لازم يشنف ودانى ،
اتفضل اشنف .

نوح [بأخذ في المزف والفتاء] — يا سيدي زعلان ..
ياروحى زعلان .. لان .. لان .. آه ياسيدي زعلان ..
ياعبنى زعلان .. ياروحى زع .. لان .. عيني زع ..
لان يا .. يا .. سيدي زعلان .. وكان زعلان .
قرقر [يصيح بخاء متفجراً بالبكاء] — آه .. يانى .. آه

المشهد الثالث



(أم عبده — نوح — قرقر)
[تدخل أم عبده مهرولة . ونوح أفندي منمك في غنامه]
أم عبده — إيه .. مالك ياواد .. انطق قول ؟
قرقر — آه .. يانى .. آه .
أم عبده — مالك .. بتعيط ليه ؟
قرقر — با اعيط على سى نوح أفندى .. بقاله نص
ساعه .. زى مانتي شايفه كده .. لايسكت .. ولا يقول
زعلان ليه .
أم عبده — طب بس انسد .. قوم شوف شغلك ..

وانت التاني ما كفاكش غنا .. جايب الواد مقعدك جنبك
ومعطله عن شغلته ؟

نوح — يعني وراه إيه .. المفاوضات ؟
أم عبده — اتتهينا .. قوم بقي من فضلك كفايه غنا .
نوح — ليه .. الغنا حرم ؟
أم عبده — ما حرمش ولا حاجه .. بس مش وقته ..
قوم بقي علشان تلبس وتروح تشوف شغلك .
نوح — وانت مالك .. عملوكي وصيه علي .. أما
دى مصايب .. ياستي أنا مش قلتك ميت مره مالكيش
دعوه بي .. هو انتي لكي عندي حاجه ؟
أم عبده — بقي اسمع أما أقول لك .. أنا العفاريث
بتتنطط في وشي .. وإذا ..

[تصدر لجأه صبيحة من محمود وهو داخل الشوال]

محمود — آه .

أم عبده — [تلفت حولها في ذعر] إيه ده ؟! أتم سامعين ؟
قرقر — يا نهار اسود ، جالك الموت ياتارك الصلاة .
أم عبده — إيه ده ؟

قرقر — ده .. ده [تلفت حواليه في حيرة] دول ، دول ، دول
لازم العفاريث .

أم عبده - أنهو عفاريت؟
قرقر - العفاريت ... اللي كانوا يتنططوا في وش
حضرتك .. الظاهر .. إن واحد منهم ، طب وقع
في الشوال .

محمود - آه .
قرقر - يا نهار اسود .

أم عبده - الحقوني ، أنا جتتي حاتلبش ، إلحقوني
بالشيخ عجائب .. أنا بقالي ليلتين حاسه إن فيه حاجه في
الشقه .. انهو لي الشيخ عجائب قوام .. ما فيش حد
حايطلعهم غيره .

نوح - هم ايه دول اللي حايطلعهم؟
أم عبده - العفاريت اللي مالين البيت .

نوح - عفاريت ايه يا وليه ، انت مش حاتبطلي بقى
شغل الهفه دى ، مش حاتعقلى أبدأ؟

أم عبده - اسكت انت .. ما تتداخلش في اللي
مالسكش فيه .. اطلع يا قرقر نادى لى الشيخ عجائب ..
الحقنى ييه .

قرقر - أيوه ، علشان تكمل ، ما هو مفيش غير هوا
 اللي ناقصنا ، علشان ينبسطوا ، أنا مالى ، أنا خاسس على
 حاجه ، أنا واقف على رجلى ، الدور على المقرفين جوا
 الشوات .

أم عبده - هم مين ؟

قرقر - العفاريت .

أم عبده - يا هوه ، يا مغيث ، ما تفسرش بتي لحسن
 جتى بتلبش .. اجرى الحقنى بيه .. مد شويه .

[بخرج قرقر .. وترتمى أم عبده وهى تلهت .. وفى اللحظة نفسها

تدخل بييه]

الشهد الرابع



[نوح - بييه - أم عبده]

بييه - [فى دهنة] ايه ؟ فى ايه ؟ ، مالك يانينه ؟

أم عبده - هس ، ماتز عقيش .

بييه - ليه ؟ جرا ايه ؟

أم عبده - قولتك ما تزعقش كده ، لحسن بعدين
يتفزعوا ، خليم مكنونين زى ما عم .

بيهه - هم مين دول؟

نوح - اللي فى اللشوله .. أصل الدنيا ضاقت بيهم ..
مالاقوش حته يطبوا فيها غير اللشوله .

بيهه - [فى نزع] انتوا عرفتم؟

أم عبده - وانتي كان كنت عارفه؟

بيهه - أيوه يانينه عرفت ، وصعبوا على قوى ، والنبي
دول غلابه .

نوح - عم إيه دول الغلابه ؟ عفاريت غلابه ؟
حلوه دى ، أول مره اسمع على عفاريت غلابه .

بيهه - عفاريت ؟ . [تنهد فى راحة] أيوه برضه فيه
عفاريت غلابه .

محمود - [من الداخل] آه .

أم عبده - يامصيبتي ، يا وقعتي .. متفسروش بقى ..

كفاهيه ، أنا خلاص مابقاش فيه نفس ، فين هوا ده الشيخ
هاب يلحقتى قبل ما اروح فطيس .

بيهه - هو الشيخ عجائب حا يطلعهم؟

أم عبده - أيوه فرقر طلع ينده له .

بهبه - [في نزع] طلع ينده له ؟ .. وبعدين .. وبعدين
لما يطلعهم حقيقي، يروحوا فين ؟

نوح - يطلعوا على جتنا .. يشاركونا في عيشتنا ..
علشان تنبسط أمك ويهدا باها .. أمال .. العفاريبت بتتنطط
في وشها ، ويطبوا في الشوالات ، وبعدين تطلعهم على جتنا ،
هي وراها ايه غير تطلع على جتنا التراب والعفاريبت .

أم عبده - باراجل اسكت بقي وانسد ، ما تقعدش
تجيب سيرتهم وتبيجهم .

نوح - أنا برضه اللي بهيجهم ؟ .. أنا اللي بعث أجيب
لهم الشيخ عجائب علشان يطلعهم من اللشوله ؟ .. مالك وما لهم
إذا كانوا قاعدين في اللشوله مستريحين تطلعهم ليه ؟

بهبه - أيوه ياتينه حقيقي .. تطلعهم ليه ؟ ! ما تخليهم
قاعدين مستريحين !

أم عبده - اتتوا اتجنفتوا ، أخليهم كده قاعدين معنا ؟
باركين على نفسنا ؟

نوح - مش باركين على نفسنا ولا حاجه ، الناس
مكثونين جوا الشوالات ، والشوالات مش بتاعتنا يبقى
حايخس علينا ايه ؟

أم عبده - يعني حايفضلوا كده قاعدين ؟

بهيه - أيوه يفضلوا .. لغاية ما يزهدقوا ويمشوا
من نفسهم ؟

أم عبده - وإذا ما زهدقوش ؟
بهيه - نعتبرهم ضيوف ، يعني حايكلفونا ايه غير لقمه
بجبنه ، والا شوية خضار .

أم عبده - وكان حيا كلوا .. ؟

محمود - [من داخل التوال] آه .

أم عبده - يا مصيبي ، الحقوني ، يا ناس ، أنا مش
قادره ، يا واد يا قرقر ؟

[بدخل قرقر ومعه الشيخ عجائب حاملا كيس في يده أشبه بالخروج]

المشهد الخامس



[نوح - يا أم عبده - قرقر - عجائب]

قرقر - آدى الشيخ عجائب .. اتفضلى .. اتفضل
يا سيدنا الشيخ اتفضل .

عجائب - يا ساتر .

أم عبده - اتفضل يا سيدنا الشيخ .. اتفضل .

عجائب - بسم الله الرحمن الرحيم .

أم عبده - إلحقنا ياسيدنا الشيخ .. إلحقنا .
 عجائب - يا أرحم الراحمين ارحمنا .. يا لطيف الطف
 بنا .. يا لطيف الطف بنا .. فيه إيه يا ست هانم؟ فيه إيه؟
 نوح - عفاريت ياسيدنا الشيخ .. يعني حايكون فيه
 إيه غير كده .. إنت لك اختصاص في إيه غير العفاريت؟
 عجائب - هم فين؟؟ هم فين؟
 قرقر - جوه هنا في اللشولة .. مع العفش المحجوز
 عليه .. أصل الست أم عبده حجزت على العفش بالعفاريت
 اللي فيه .. لكن دلوقت استغنت عن العفاريت .. يعني ممكن
 إنك تطلعهم؟
 نوح - بس تاخد هم معاك .. مش تطلعهم من اللشولة
 على جتننا .. مفهوم؟
 عجائب - مفهوم ياسيدنا الافندى مفهوم .
 نوح - إذا كنت عايزهم فوق معاك .. مافيش مانع
 خد هم يونسوك .
 عجائب - لا .. لا .. دول صنف بطل ماينفعيش ،
 أنا حااطلهم وأودهم في داهيه .
 بهيه - [مترجمة] في داهيه ازاي .. ياسيدنا الشيخ !!
 حرام عليك .

عجائب - ما يمكنكش .. أنا لازم أفنك بيهم .. لازم
أفنيهم ، أيدهم .

بيه - تفنيهم ؟ حرام .. حرام عليك [بكي]
أم عبده - هوا إيه أصله ده .. إيه اللي جراك
يا بت ؟

بيه - مش سامعه يا نينه يقول إيه ؟ .. يقول إنه
حافنيهم .. يعني حاي موتهم .

قرقر - ياستى بيه .. بس لما يطلعهم بيتي يحلها ربنا ..
هوا طلوع العفاريات بالساهل ، دول لما يتبتوا فى الشوال
ما يطلعوش أبدأ .. دول يطلعوا حبابي عنين اللي حايطلعهم .
دول يطلعوا على جتته البلا قبل ما يطلعهم .. أسألني أنا
ياست بيه ، دول لما يقرفصوا فى الشوال ، ما يطلعوش
ولا بالطلبل البلدى ، يبقوا وحشين قوى ، وخطرين ..
بعضوا ويشنكلوا ، ويعملوا حاجات وحشه قوى .

عجائب - اللهم احفظنا .

قرقر - أسألوني أنا عنهم ، أنا أعرفهم كويس قوى ،
عفاريات اللشوله دول .

عجائب - معلش ، ربنا يقدرنا عليهم ، اتفضلوا انتوا
بقى من غير مطرود .. فضوا لنا الأوده .. خلونا نشوف

شغلنا . . بس ابعث لنا وابور سيرتو وطاسه وحله فاضيه .

نوح - إنت حاطلهم ، والا حاططخ لهم .

عجائب - دا شغلنا ياسيدنا لفندی .

قرقر - على العموم هم جعائين قوی .

عجائب - إيش عرفك ؟

قرقر - باين كده من صوتهم .. یعنی لو طلبت لهم كام

سندوتش .. حاييقوا ممنونين خالص .

عجائب - سندوتش ؟! الظاهر إنك عمرک ما اشتغلت

مع عناريت .. سيبهم لی انت بس .. أنا حاطلهم بالطريقه

بتاعتي .

قرقر - انت حر .

عجائب - ياالله اتفضلوا .

[تخرج أم عبده ووراها بيه]

عجائب - وابتعوا لنا كان شوية دره عويجه . . أ د

حفته كده .

قرقر - عويجه ؟

عجائب - أيوه عويجه .

قرقر - وليه العويجه ؟ یعنی لازم تصعبها .. ما تخليها

دره عاده .. والا قح .. يمكن يعملوه بلبه .
 عجائب - انت حاتعلني شغلتي ، دي صنعتي يامني قرقر
 وانا اعرف الاصول كويس .
 قرقر - عدم المؤاخذه .. عويجه .. عويجه .. أنا
 مالي ، هو انا اللي حاكاه .. إنشا الله تطلب قرطم .
 عجائب - [ملتفتا الي نوح التي أمسك بالعود وأخذ في تصليحه]
 وسيدنا لفندي مش حاتفضل ؟
 نوح - أتفضل فين ؟
 عجائب - شويه كده ، لغاية ما نطلع الكام عفريت .
 نوح - واتفضل ليه ؟
 عجائب - بس علشان الشغلانه دي متعبه شويه ..
 ويمكن أعصابك ماتستحملهاش .
 نوح - ماتخافش أنا أعصابي تستحمل أبوها .
 عجائب - وكان عايزين هدوء تام .
 نوح - وآدى الهدوء التام [يلقى بالعود جابا] هه ..
 ولا كاهه .. انفضل شوف شغلك .
 قرقر - ولزومه إيه ياسي نوح افندي ... ما تسيبه
 لوحده في الأوده .. يمكن يكونوا العفاريت ما يبينوش
 على حد غريب .

نوح - يعني إيه . . عفاريت حریم ؟

قرقر - جاز .

نوح - يبقى مش حااطلع أبداً . . أنا قتيل العفاريت ،

أموت في العفاريت .

عجایب - معلش . . تقدر تخليك زى ما انت ؟

[تدخل هديله وهي تحمل السبرتو والطاسه والحله وكوز به الدرہ المويجه]

عديله - اتفضل ياسيدنا الشيخ .

عجایب - وحياة أبوكى ولعى لى السبرتو .

عديله - عنيه ياسيدنا الشيخ .

عجایب - تسلم عنيكى .

[عديله تولع السبرتو]

عجایب - حطلى لى عليه الطاسه ، وحطى فيها حفنة دره

وقلبيه لغاية ما يتحمص .

[عديله تنفذ المطلوب]

[يفتح الخرج ويخرج منه بعض أوراق وكتاب أصفر وأحجبه وبخور]

[يضع بعض البخور فوق الدرہ ثم يضع الحجايبين فى الحله ويكتب

فى ورقة يضع جل ويضعها فيها]

الشيخ عجایب - عايزين أتر من أى حد .

عديله - يعني إيه ؟

عجائب - يعنى أى حته من الهدوم بتاعت أى حد
من البيت .

نوح [بقده بفردة الشراب] - خد الشراب ابو نقرتين ،
ما بقاش يلزمنى .

عجائب [بضع فردة الشراب فى الخله] .
نوح - كل ده جياكلوه العفاريت ؟ دا أنت متوصى
بيهم قوى .

قرقر - متوصى بيهم إزاي ادى فردة الشراب دى
حاطكون القاضيه عليهم . حاطوتهم خنقاً بالغازات السامه .
عديله - هم مين دول ؟
قرقر - العفاريت يا ست عديله .

عديله - عفاريت ، يا مغيث ، يا منجى . أشتاتاً
أشتوت ، وهو أنا أقدر على طلوع العفاريت قدامى ، عن
إذنك يا سيدنا الشيخ ، أنا جتتى ما تستحملش .

عجائب - ما تخافيش يا بنيه اطمنى خالص ، ما دام أنا
واقف جنبك ما تحمليش هم .

عديله - البركه فيك يا سيدنا الشيخ ، بس أنا ركبي
بترعش .

عجائب - اقرى آية الكرسي خمس مرات .

عديله — حاضر ، بس إنت فاكر الحاجه اللي طلبتها منك ؟

عجائب — فاكر قوى ، وإن شاء الله حاديكي حجاب تلبسيه ، وأقول لك على وصفه تنفعلك خالص .

قرقر — هو إيه دا يا ست يا عديله ؟

عديله — اسكت إنت دى حاجات ما تعرفهاش .

قرقر — إتي كان بتعملى حاجات عند سيدنا الشيخ . والله عال ربنا يجعلنا من بركاتك يا سيدنا الشيخ ، مش حاجا بتبدي الشغل بقى . والا عايزلك جدى أحول ؟

عجائب — لأ ما فيش لزوم ، الحكايه مش مستاهله . بس عايزك تقرب من الشوالات وتحط الحله على كفك وتمسك ودنك الشمال بايدك اليمين .

قرقر — حاضر ، من عينيه ، أما شوف أخرتها .

[يضع الحله التي على المنضدة في كف قرقر ثم يلقب فيها الطاسه الذره والبخور ويضع عليها النطاء . ويشمر أكله ويخرج من الخرج كيباً صغيراً مدلى من خيط يأخذ في لفه بمركه دابره حول الحله وهو يتم بكلمات غير مفهومه] .

قرقر — [في ملل] — وأخرتها . أنا ذراعي خلاص

تمل .

عجائب — [يقرأ] أينك يا زوبعه ، أينك يا لوبعه ..

أينك يا صاحب الروس الأربعة . [بدنه بكوعه] اسكت .
ما تخسرش الشغل .

قرقر - أصل الحق مش عليك ، الحق على العفاريت
اللى ساكتين لك لغاية دلوقت .

عجائب - يعنى عايزهم يعملوا إيه ؟
قرقر - يخلوا عندهم نظر ، يشكوك مقلب والاي يلفهوك
مقص ، والاي يعنى حاي فضلوا سايبني كده لغاية ما دراعي
ينقطع . أنا مالي ، أهي حاترسى على دماغهم .

[بتحرك شوال محمود في فلقلة بطيئة حتى يقترب من أقدام عجائب
ثم يدمعه في قدميه دفعة مفاجئة تلقى به على الارض] .

عجائب - آه ، آه يا دماغى ، الحقونى . وسطى انقطع .
عديله - سلامتك يا سيدنا الشيخ ، إيه اللى جرى ؟

[لا يكاد ينهض متباعداً في خوف حتى يتلقاه سيد فيدمعه في قدميه
دفعة توفعه مرة أخرى . فينهض متعاملاً ثم يمدو متدفعاً خارج الحجره
بأقوى سرعة] .

[عديله تنطلق مولولة من الحجره . نوح اتندي يتناول رشفة من
الزجاجه ثم يتناول المود] .

قرقر - إيه يا سيدنا الشيخ ، حدي يجرى كده من
العفاريت !؟

عجائب - [وهو يمدو في الخارج] هم دول عفاريت ،
دول بلطجييه .

نوح — أنا مع العفاريت ، فلتحى العفاريت ، لو منهم
اتنين فى جمعية قتل الزوجات . كنت سويت بيهم الهوايل .
يا رب اتنين بس . زى دول . . وأنا امشى بيهم أم عبده
على العجين ماتلخبطوش .

[أم عبده تدخل متدفة على صوت الضجة] .

أم عبده — إيه ؟ . حصل إيه ؟ . هم طلغوا ؟
قررر — إيه هم دول ؟

أم عبده — اللي ما يتسموش .
قررر — لا ، ده هو اللي طلغ .

أم عبده — هو مين ؟
قررر — اللي يتسمى ، الشيخ عجائب . كبير محتالى القطر .

أم عبده — طلغ ليه ؟
قررر — عاد إلى قواعده ، فى السطوح .

أم عبده — يعنى إيه ؟ مش فاهمه ؟
نوح — [ضاحكا فى سخرية] ودى عايزه فهم ، عاد إلى

قواعده .. يعنى انسحب . عقب هزيمة منكره ، ارتد بعد
خسائر جمه . برضه مانتيش فاهمه ، بالعربى زاغ بعد ما
نقحوه علقه جابت داغ .

أم عبده — هم مين دول ؟

قرقر — اللي ما يتسموش .
أم عبده — ضربوه؟ يوه ، يا مغيث ، ياساتر يارب
والعمل إيه؟ إذا كان هو ما اقدرش عليهم مين حا يقدر
عليهم؟ وإن ياراجل ، قاعد ساكت كده؟
نوح — أنا مبسوط كده ، أنا مع العفاريث ، نموت
وتحيا العفاريث [بمك المود وينني] يا غائباً عن عيوني ،
وساكناً في شوالى .

أم عبده — هوا انت فيك فايده .. وبعدين يا قرقر!؟
إيه العمل!؟

قرقر — إيه العمل؟ [مفكراً] إيه العمل .. أقول لك
ياستى خليها على الله .

أم عبده — أخليها على الله؟! دا اللي قدرت عليه؟
قرقر — أيوه خليها على الله هو فى حد بيدها غيره
خليها على الله ، وعلى .

أم عبده — عليك انت؟
قرقر — أيوه على أنا .. أنا حا اعرف إزاي
أطلعهم لك .

أم عبده — انت حا تطلعهم!؟ ما بقاش اللي انت ياسى
قرقر .

قرقر — ياستى يوضع سره فى أضعف خلقه .. جربى
انتى حايخس عليكى حاجه ؟

أم عبده — طب بس انبط .. تعالى معايا نطلع
نشوف الراجل جراه إيه .. يمكن تقدر ننزله تانى .

قرقر — مافيش فايدة ياست .. دى العلقه اللى خدها ،
مش حاتخليه يرجع هنا أبداً ، دى نوك أوت .
أم عبده — يادى النصيبه ، وبعدين ؟

قرقر — قلتك جربى .. مش عاجبك .. أعمل
لك إيه ؟ جربى ياستى انت حايخس عليكى حاجه ؟

[يزوم محمود من داخل الشوال]

أم عبده — آه .. آه يانى .. أهم ابتدوا .
قرقر — قلتك خلينى اجرب .. مانتش راضيه .

أم عبده — طب جرب .. جرب .. زى ما انت عايز .
قرقر — أبوه .. كده الكلام .. انفضلى انت بقى من
غير مطرود خلينى أشوف شعلى .

أم عبده [وهى نهم بالخروج] — ابعت لك شوية دره
عويجه ؟

قرقر — عويجه إيه ياست .. أنا حاطع عفارىت
مش كتاكت .

أم عبده — أمال أبعث لك إيه ؟

قرقر — تبعنى إيه ؟ إيه .. ؟

[محمود بزوم]

قرقر — أيوه افتكرت ، ابعنى حتة جينه حلوم .. على طبق فول بالزبده .. على السبع بيضات اللى كنت حابعتهم للشيوخ عجائب المهزوم ، وما فيش مانع تبعنى حتة القشطه وشوية غسل النحل اللى كان حابستهمم .

أم عبده — ليه دا كله ؟

قرقر — مش حاطل عفاريت ، يمكن يطلعوا جعانين ابقى أخليمم ياكلونى ؟ والا أسيبهم فى البيت يخربوه ويلهفوا اللى فيه ؟ مش برضه الاستحراص أحسن ؟ !
أم عبده — برضك أحسن ، حالا حابعت لك اللى انت عايزه .. هى جت على كام بيضه .. أهو بجملته .

[نخرج أم عبده]

قرقر — وانت يانوح افندى .. مش تتفضل شويه ، علشان نشوف شغلنا .

نوح — شغلك ؟ انت كان ناوى تطلع عفاريت ؟ .

قرقر — دانا حاطل أبوهم ، دول ما يعصونيش أبداً ،
إشاره واحده تطلعهم .

نوح — طيب ما تيا لله تورينا الشطاره كده .
 قرقر — بس لازم أكون لوحدي .
 نوح — بقی كده .. انت اتعلمت شغل النصب ،
 أنا مش حاسيب الأوده .. لازم أشوفك وانت بتطلعهم .
 قرقر — ليه بس ياسي نوح افندی .. ليه تلخبط لنا
 الشغل .
 نوح — مافيش فايده .. لازم أشوفهم يعني لازم
 أشوفهم .
 قرقر — حد في الدنيا .. يشوف العفاريت ؟
 نوح — كيني كده .. أحبهم ، أنا حاسس ان انا حلاقي
 فيهم حاجه حلوه .
 قرقر — لامن التاجيه دي .. اطمئن جداً ، مافيش فيهم
 حاجه حلوه أبداً .. دول دكرين ، زى الخنشات ، الله
 لا يوربك .
 نوح — برضك حاشوفهم .
 قرقر — يادى الواقعه السوده .. ياسيدي قوم الله
 لايسينك ماتعطلش شغلنا ، قوم لحسن بعدين يعملوا فيك
 المي عملوه في الشيخ عجائب .

نوح - ولو .. برضه حاقد .

قرقر [بعد أن تعد صبره] - لا ، الظاهر الحكاية ما فيهاش
فايده أبدأ [لنفسه] ما فيش طريقه غير إني أقول له الحقيقه
ويا طابت يا اثنين عور [لنوح] بقى اسمع ياسى نوح افندى ..
أنا مش حاخبي عليك .. أنا حاقول لك على كل حاجه ،
باختصار القول .. الحكايه وما فيها ، إن اللي فى الشوالات
دول مش عفاريت .

نوح - أمال يقوا إليه ؟

قرقر - بنى آدمين ؟

نوح - بنى آدمين ؟ اللي هبدوا الراجل العلقه دى
كانوا بنى آدمين ؟ ياسلام عليهم .. أحبهم .. لايمنى عليهم ،
علشان أبوسهم من عنينهم .. هم فين طلعم لى [بقذف بالعود
ويتمش مقترباً من الشوالات]

قرقر - طب بس اصبر ما تزعقش كده ، علشان
أفهمك بقية الشغلانہ .

نوح - مش عايز أفهم .. أنا عايز أسلم عليهم وأهنيهم
وأحضنهم [يهجم على سؤال آخر غير الذي به محمود وسيد ويحتضنه]
أهنيك .. أهنيك من كل قلبي ، ياسلام ، أد إليه انت فشيبت

غليلي ، اما مقص اللي نتشتهوله . . مش بتاع بني آدمين ،
مقص عفاريتي حقيقي . . انت خليتني أتمني انك تكون
بني آدم علشان أضحك للجمعيه . . لسه كنت بقول لقرقر ،
لو منكم اتنين في جمعيه قتل الزوجات كنت سويت بيكوا
الحوابل ، إيدك لما أهنيك . مبروك [يفك الشوال ويمد يده
يجد به عدس بجبهه فتبدو عليه اخيه] إيه ده ؟ إيه ده ياواد
ياقرقر ؟ ده بجبهه ؟

قرقر — جبهه ؟! وجابها منين الجبهه دي ؟ ده ما كانش
لابس جبهه أبداً يمكن لبسها جوه . . على العموم معلش .
نوح — معلش ازاي ؟ بقول لك بجبهه ؟ يعني لا يعرف
يشنكل ولا يضرب مقصات .

قرقر — ليه بس . . تفتكر يعني إن الجبهه حاتحوشه ،
على العموم لو حاشته نبقى نقلعها له .

نوح — هوأ إيه اللي نقلعها له . . ونلبسها له . . ده
عدس بجبهه .

قرقر — عدس إيه ؟! وريبي كده [يمد يده] ياسيدي
خضتني انت غلطت في الشوال . . أنا راخر بقول ماله قاعد
ساكت كده . . لا يهرش ولا يبصرخ ، أصلهم اتنين . . واحد

بهرش علشان حاجه بتاكله والتانى بيصرخ من الجوع .

[محمود بهرخ]

قرقر - حالا .. دقيقة واحده ، لغاية مايجبوا
الأكل ، أكله على كيفك عمرك مادقت زيتها .. كانت من
نصيب الشيخ عجائب .. أهى دى اللى يقولوا عليها تكون
فى بلك وتقسم لغيرك .

نوح - يا الله يا أخى طلعمهم بسرعه علشان نعتد
الاجتماع .

قرقر - اجتماع إيه ؟

نوح - الجمعيه .. هم مش حايئضموا ؟

قرقر - أبوه حايئضموا .. بس مش كده خبط لرق ،
مايصحش تاخدهم كده على مشمهم .

نوح - يعنى إيه مش خبط لرق؟! الحكايه مستعجله ،
ولازم نشوف شغلنا ، ونعتد اجتماع عاجل سريع ..
علشان نبت فى أمر أم عبده وتتخذ ضدها اجراء حاسم ،
والايعنى عاجبك الشبابيك اللى مسنكراها دى؟!

قرقر - لا .. لا ، عاجبانى ازاي .. بس انت عندك
فكره عن شخصية العضوين دول .. يعنى تعرف هم
يقوا مين؟!

نوح - مش عايز اعرف .. اللي أعرفه عنهم كفايه
جداً ، كفايه انهم رقعوا عجائب الكلب الهدرين اللي خدم .
كفايه مهارتهم في فن الشنكله ، والمقصات .. كفايه ...
قرقر - مفهوم .. مفهوم .. بس أنا عايز أقول لك ..
إن ظهورهم هنا مستحيل .

نوح - ليه ؟

قرقر - لأن البيت ده محظور عليهم .. ده يعتبر منطقه
محرمة عليهم .

نوح - علشان إيه ؟

قرقر - لأن دمهم مباح فيها .

نوح - مين أباحه ؟

قرقر - عدوك اللدود .. الست أم عبده .

نوح - وليه ؟ مالها وما لهم ؟ تطارد هم ليه ؟ وتبيح دمهم
ليه ؟ هي متجوزاهم ؟

قرقر - متجوزاهم ازاي ياسيدي .. بقول لك أم عبده

مرات حضرتك ، تقول لي متجوزاهم ؟

نوح - أصلك مخلوتني ، لأنني مش فاكر إنها بتبيح دم
حد غير جوزها ، مش فاكر إن الخصومه المستحكه دي

تنشأ بينها وبين حد إلا إذا كانت بينهم صلة جواز ، طيب
إذا ما كانتش متجاوزاهم تبقى مالها وما لهم ، لها عندهم إيه ؟
قرقر - أجرة الأوده .

نوح - آه .. بقى قولتلى .. يعنى همّ دول الجماعه اللى
كانوا ساكنين فوق ، واللى استولت على عفشهم ؟

قرقر - أيوه ، أم همّ ، استولت عليهم ضمن العفش .

نوح - وإيه اللى زنقهم الزنقه السوده دى ؟

قرقر - طبت عليهم ماعرفوش يروحوا فين وكانوا
متعودين ينزلوا من على المواسير ، لكن حضرتك كنت
واقف فى البلكونه اللى تطل على المواسير تخافوا منك
وملاقوش حته يستخبوا فيها غير الشوات .

نوح - قلت لى ، طيب يا الله ، أطلق سراحهم حالا .
قرقر - بس اصبر شويه ، لغاية ما البت عديله تجيب
الأكل ، وبعدين نقفل الباب ونطلعهم ياكلوا لقمه ، والا
ياخدوا الأكل معاهم ويزوغوا .

نوح - والاجتماع ؟

قرقر - بقوا تتفقوا عليه بعدين .

[تدخل عديله وهى تحمل الصينية وعليها الفطار]

عديله - الأكل أهه .

قرقر — حطيه على الترايزه .
 عديله — أ مال فين الشيخ عجيب ؟
 قرقر — تعيشى انتى .
 عديله — يعنى إيه ؟ جزا له حاجه ؟
 قرقر — العفاريه جابوا له الكافيه . طيروه على فوق .
 عديله — أ مال الأكل دا لمين ؟
 قرقر — للعفاريه .
 عديله — العفاريه يياكلوا عسل وقشطه ؟
 قرقر — ما ياكلوش ليه . . عفاريه ذواتى . . مش
 واخذين على التشف .
 عديله — بقى كده ؟
 نوح — كده والا مش كده ، إنتى حاتفتحى له محضر
 سبى الأكل واطلعى بره خليه يشوف شغله ، هو احاطلعك
 والا احاطلع العفاريه .
 عديله — هو اللى احاطلع العفاريه ؟ ياخى عفاريه
 لما ينططوه .

[نخرج عديله ويعلق قرقر الباب خلفها]

نوح — يا الله ياعم . . يا الله قوام ، إفرج عنهم حالا ،

خليهم يشموا نسيم الحريه ، وخليتي أشد على أيديهم وأهنيهم
بعضوية الجمعيه .

قرقر - حاضر .. حافكهم أهه .. بس خد بالك من
الباب كويس .

نوح - ماتخافش ، أنا حاسنده بضرى ، مايش حد
حايقدر يخش أبدأ ، أنا باعتبار نفسى مسئول عن حياتهم ..
دول أعضاء جمعيتى ، دول سندی ، يا الله بقى طلعمهم .

المشهد السادس



[نوح - فرقر - سيد - محمود]

[يسند نوح الباب الموصل الى بقية الغرف بظهره]

[يسرع فرقر فيك الشوال الذي به محمود فيقفز الى صينية الاكل

و يأخذ في التهامه]

محمود - لو صبرت على دقيقه واحده ، كنت مت من

الجوع .. أما حتة صينيه ياسلام سلم ، أنا مش عارف آكل

إيه وأسيب إيه ، أنا قتل العسل النحل ده .

[يتجه فرقر الى شوال سيد وينسكه فيخرج سيد وهو بهرش]

سيد - يا سلام ياهوه ، أنا أول حاجه حانا ادى بيها

هى المطالبه بالحربه الخامسه ، ربنا مايجرمش حد منها .

نوح - إيه هى دى الحربه الخامسه ؟

سيد - حرية الهرش يا أستاذ ، ربنا مايجرمك منها

أبدآ . . إنت مجربتش لما تكون حاجه بتقرصك ونفسك

تهرش ومانتاش قادر ؟

نوح - لا والله ماجر بتهاش .

سيد - يعنى مافيش حاجه قرصتك أبدآ ؟

نوح - لا ، بس عمرى ماقدرتش اهرش ، أنا جايب
عصايه مخصوص للهرش ، دى يمكن الحريه الوحيدده اللى
با تمتع بيها فى البيت حرية الهرش ، أما باقى الحريات فممنوعه
لاحرية كلام ، ولاحرية غنا ، ولاحرية بصبه ، ولاحرية
وساخه ، ولاحرية لخبطه . . الله لا يوريك . . على العموم
دا كله حانحققه إن شاء الله بالجمعية بتاعتنا ، بس دلوقتى تعالى
كل لك لقمه على ما قسم .

[بتجه سيد الى الصينيه وبأخذ فى الأكل]

نوح - ما تأخذوناش يا جماعه فى الأكل الطيارى اللى
ع الواقف ده ، لكن نعمل إيه فى سى قرقر ، مادام عملكو
عفاريت .

[يعتمد من أمام الباب قليلا]

قرقر - إوعى الباب ، إوعى ، لحسن القضا المستعجل
يطب ويكشف الحكايه ، ونروح كلنا فى شربه مبه .

محمود - القضا المستعجل ؟ يا بابى ، أنا حازور .

سيد - أحسن حاجه نعمل ساندويتشات وناخذها
فى جيوبنا .

نوح - ما تخافوش ، أنا سادد الباب كويس ما حدش

حایستجری یخش ، کوا علی مهلم ، علشان بعد کده نقدر
نعقد الاجتماع علی راحتنا .

قرقر — اجتماع ایه ؟ مش وقته دلوقت ، یا الله یا جماعه
اعملوا کل واحد ساندوتش ، وزوغوا دلوقت ، ما حدش
عارف الظروف بعد کده .

نوح — والجمعیه ؟

سید — [وهو بخورغینه] نتفق علیها بعدین .

نوح — بعدین ازای ؟ المسأله مستعجله خالص .

محمود — طیب ممکن نتفق دلوقت علی حته نتقابل
فیها . أصل هنا منطقة خطر . . خطر جدآ .

قرقر — آیوه خطر علینا کلنا ، دی لو طبت علینا مش
حاسینا الا قتلی .

نوح — طیب نتقابل فین ؟

قرقر — اتقابلوا النهارده بعد الضهر فی القهوة اللى علی
ناصیه الشارع .

نوح — بعد الضهر کثیر ، احنا عایزین نشوف شغلنا .
محمود — طیب نخلیها الضهر والا الصبح زی ما انت
عایز ، بس اظن دلوقت نخرج قبل ما حد یقفشنا !
قرقر — آیوه . . یا الله وزوغوا بسرعه ، وانا حاخبی

الشواتل الفاضية، وأنعكش الأوده.. قال يعني حصلت
بيننا خناقه جامده، وانا انتصرت عليكم.
[لايكادان يهمان بالخروج حتى يفتح الباب المؤدى الى السلم وتندفع
منه زكيه ولمه].

المشهد السابع



نوح — فرقر — سيد



محمود — زكيه

نوح — [سارخاً و فرع] زكيه؟ ايه اللي جابك هنا
دلوقت يا زكيه؟

محمود — الله!! زكيه!!

زكيه — أيوه زكيه، مالكم بتبصولي كده زى اما يكون
التقيتوا عفريت؟

فرقر — والله العفريت أهون، أنا لسه دلوقت مطلع
عفريتين بشوية عسل.. لكن انت اطلعك بيايه.. ايه
اللي جابك ياست زكيه؟

زكيه — اسكت انت انسد يا بوز الإخص .
قرقر — حاضر ، انسديت ، حاسكت خالص ، وانا
بقي عندي حاجه .. كل اللي عندي خلاص قلته .. لغاية
ماطلعت العفريتین دول ، لكن انت بقي ما اظنش فيه فايده
منك ، ما كنتش عامل حسابي عليكى أبدأ ، أنا أحسن حاجه
اقعد كده واتفرج على اللي حايجرى ، اتفضلى ياست كبريته .
زكيه — ولعه يا روح امك .

قرقر — ولعه ، كبريته ، أهو كله محصل بعضه ، أهي
حاجه تلسع وخلاص .

زكيه — قلت لك ولعه يعنى ولعه .. يعنى مشعوطه ..
بت تلعب بالبيضة والحجر .

قرقر — أنا مالى يا ستى إلعبى باللى تلعبى بيه ، أهم كلهم
قدامك ، بيض على حجاره ، العبي زى ما انتى عايزه .. بس
خدى بالك بقى ياست ولعه .. إن فيه ورا الباب ده ..
عاصفه .. اسمها أم عبده .. تاخذ فى وشها ميت ولعه .

زكيه — وانا مالى يا عمر ، بتخوفنى والا ايه ؟ أنا
ما كلش م الكلام ده .

قرقر — أنا مالى تاكلى والا ما تكليش ، أنا حبيت بس
اعمل اللي عليه ، ودلوقت عن اذنكم ، آكل لقمه ، على
الأقل لما يجرى لى حاجه أبقي ميت شبعان ، حضرتهم ياست
ولعه .. الأستاذ نوح ، والأستاذ محمود والأستاذ سيد .

زكيه — عارفاهم يا روح مستك .

قرر - یعنی اطالع منها خالص .. حاضر .. حاضر ..
اتفضلوا .

محمود - الظاهر ان اليوم ده مش حايفوت على
خير أبدأ .. أنا بافكر آخذ الرغيف بتاعى وادخل الشوال
تانى ، هى حقيقى التعمده مش مريحه ، لكن آهى مامونه ،
بعيد عن الخطر .. والشوال اللي تعرفه أحسن م اللي
ما تعرفوش .

[بهم محمود بالدخول فى الشوال]

زكيه - رايح فين ياسى محمود افندى ، اطلع لى بره
يا خوبيا ، أنا ليه عندك حساب .

نوح - ما تزعقيش كده ياست زكيه الله لا يسيئك
وطى صوتك شويه ، قولى لى بس ايه اللي جابك هنا ؟

زكيه - [تكشف عن ساقيها] رجليه يا حبيبي ، وحشين!
سيد - هم من جهة الحلاوه حلوين ، بس يعنى جابوك
هنا ليه ؟

زكيه - جابوني ليه ؟ علشان أصنى حسابى معاكم ،
علشان أشوف لى طريقه ، علشان أرسى لى على بر .

محمود - طيب انت مش جايه لنوح افندى ؟ عن
اذنك احنا .

زكيه — اقعده هنا ، أنا جايه لكم انتوا لاتنين ، لازم
 تشوفوا لى خلاص ، انتوا فاكرينها ايه ١؟ سايبه ، فوضى ١؟
 نوح — طيب يا زكيه يا ختي ، الخلاص ده ممكن نشوفه
 فى أى حته تانيه .. الحكايه ما اظنهاش مستعجله أوى كده
 وانتي عارفه إن خالتك أم عبده لو دريت ...
 زكيه — حاتعمل ايه يا ادلعدي ، أنا عايزاها تدرى ،
 لازم أجيها على بلاطه .. ما فيش فايده غير كده ، هو كل
 الطير اللى يتاكل لحمه .. كل ما جيلكوا من هنا تجوفى من هنا ..
 الحمد لله اللى قفشتكم هنا مع بعض ، علشان نرسى لنا على حل .
 سيد — حل فى ايه بس ياست زكيه ، هوا دا وقته ؟
 زكيه — اسكت انت واتلم بلسانك ما تداخلش فى اللى
 مالكش فيه [توجه الحديث الى نوح] هه .. قلت ايه ؟
 نوح — فى ايه بس يا زكيه ؟
 زكيه — ماتناش عارف فى ايه ، فى اللى فى بطنى يا عومر .
 نوح — اللى فى بطنك ١؟ ماله ١؟
 زكيه — عايزه له أب يا حبيبي .. عايزه له والد
 يا سيدنا لفندى .
 محمود — عايزه له إيه ١؟
 زكيه — أب ، أب ، مش فاعم يعنى إيه أب ، زى أبوك ،
 وأبو أبوك .

محمود .. أيوه .. أيوه فاعم .. بس وطي صوتك .

نوح — ومستعجله قوى ، على أبو لسلامته ، ليه ؟!

زكيه — مستعجله ليه ؟!

محمود — أيوه حقيقى ، يعنى مش كان بيتقى أحسن
لو تسيبيه لغاية ما ينزل ويكبر ويميز ، ويختار الأب
اللى يعجبه ؟!

قرقر — [وهو بمضغ الطعام] أى والله فكره ، أنا
شخصياً ، لو خيروفنى ما كنتش اخترت أبويه دا أبدأ ، كان
شحات ابن شحات ، وكان شكله وحش قوى ومورى أم
الويل . لكن أعمل إيه ، طلعت لقبته الله رحمه أبويه ،
وما قدرتش أقول لهم غيروه ، لكن والله لو كان بايدى
كنت مؤكد نقيت واحد تانى .

نوح — مضبوط . لك حق ، أهمى دى حريه جديده
م الحريات اللى حاطالب بيها الجمعيه . حريه اختيار الآباء .

زكيه — بتقولوا إيه ؟ حريه اختيار الآباء ؟ يا أخى بو
لما يشتحك منك له . آل يختار الأب اللى هوا عايزه آل ،
خش فى عبي يا خويا خش ، استكردنى يا خويا استكرد ،
ما اتم أصلكم فاكرينى هفيه ، لا ، أنا ما باكش من الكلام
ده . لازم أشوف له أب حالا .

محمود — ليه بس يا زكيه يا اختى ؟ ليه العند ده ؟ دا مش

وقتہ اُبدأ ، خلینا بعدین ندبر المسالہ سوا علی رواقہ .
 زکیہ — ما کانش بتعز یا حبیبی ، غالی والطلب رخیص
 یا روحی ، آل علی رواقہ آل ، یاربت کان ممکن یا سی
 حودہ .

نوح — ہوا ایہ اصلہ دہ ؟ !
 زکیہ — ما انتش عارف اصلہ ایہ ؟ ! حانعیہ تانی
 أصل أنا عایزہ أب للواد اللی جی بعد کام شهر ، عرفت بقی
 أصلہ ایہ ؟ . أصل أنا مش عایزہ ینزل یلاقی نفسه یا ضنایا ،
 من غیر أب ، یعنی ابن حرام ، فہمت یاروحی ، والیا أفہمک
 کان ؟ ! یعنی بالعربی واحد منکم لازم یتجو زنی حالا .

سید — حالا ؟ !
 زکیہ — آیوہ حالا ، حالا ، یعنی یطلع معایا من هنا
 علی المأذون ، رجلی ، علی رجلہ ، قلمت ایہ بقی ؟

نوح — یا ستی زکیہ ، الحکایہ ما تجیش کدہ .
 زکیہ — خلاص اتہینا ، کلہ واحدہ ، أنا مش حادوخ
 نفسی ورا کم بعد کدہ ، لازم اطلع من هنا بعریس . فاهمین
 والا لا ؟ !

نوح — ایہ ہوا دا ؟ ہی الحکایہ ، عافیہ ؟
 زکیہ — عافیہ ؟ . بقی کدہ ؟ ! طیب أنا حا اوریک

العافيه تبقى إزاي [ترع بالصوت] يوه .
 قرقر [قنراً من مكانه في ترع] — يا نهار اسود ، أنا
 في عرضك يا ست زكيه يا اختي ، أنا مفهم الست أم عبده
 إن العفرتين اللي حا طلعهن لاتنين دكره ، ما كانش عندي
 فكره أبدأ أنك حا تشر في هنا كنت عملت مقدمه وقلت
 لها إن معام نتايه ، اعمل معروف وطي صوتك لحسن تطب
 علينا تجيب أجلنا ، يا الله يا جماعه ، خلصونا ، شوفوا لنا
 حل قوام .

نوح — حل إزاي بقی؟

زكيه — ما نتاش عارف حل إزاي . حا نعيده ثاني ،
 واحد منكم يتجوزني .

قرقر — أيوه ، واحد منكم يتجوزها . ما فيش غير كده .
 نوح — أنا ما اقدرش ، ما اقدرش أبدأ . دی أم
 عبده ، كانت تعلق لی المشنقه في وسط ميدان السيده ،
 دی كانت تاكفی ، اتجوزها إنت یا سی محمود ، إنت فاضی ،
 وعلى كيفك .

محمود — أنا ؟ أنا اتجوزها ؟ ده برضه معقول ؟
 اتجوزها وأنا مش لاقی آكل ، اتجوزها وأنا لسه تلبید ،
 وأروح لهم في البلد بدل ما يكون في إیدی شهاده يكون

في إيدى زكيه ولعه ! وباريت زكيه ولعه وبس ، إلا وعلى
كتفها كان ولد !! ما شاء الله ، دول كانوا يخنفوني ، لا
يا عم ، أنا ما لياش في الجوازه دى أبدأ ، إنت راجل
مقتدر مبسوط ، وكان قدامك في حساب الشرع ، تلاته
[اى زكيه] خلاص ياست زكيه ، نوح أفندى حاي تجوزك ،
اتجوزها يا نوح أفندى .

نوح — ما يمكنش ، ما أقدرش ، حرام عليكم يا جماعه .
زكيه — [فى ملأ] يا الله بقى خلصونى ، أنا مش فاضيه لكم .
قرقر — أحسن حاجه ، نعمل قرعه .

زكيه — اعملوا اللى اتوا عايزينه ، بس خلصونى قوام ،
شوفوا لى جوز حالا ، حالا دلوقت ، فاهمين والا لا .

[بسمع صوت أم عبده من الخارج] .

أم عبده — خلاص يا قرقر ؟

[يحدث هرج ومرج وبهم محمود وسعيد بالفرار ، تنقف زكيه
فى طرفهما] .

زكيه — خليك عندك منك له لحسن ارفع بالصوت .

قرقر — [مجيباً أم عبده] اصبرى على ياست شويه ،

لحسن دول معصلجين قوى ، [اى محمود ونوح وسيد] يا الله
يا جماعه شوفوا لنا حل بسرعه ، حد منكم يقول لها إنه
حاي تجوزها ، وخلصونا ننتهى .

زكيه - يقول لى إيه يا عمر؟! هو أنا باكل من الكلام
ده .. يخرج من هنا على المأذون إيدته فى إيدى .. هى
الحكاية سايبه والا إيه؟

نوح [برغمى على الأريكة فى بأس] - لا .. الظاهر إن
أجلى قرب .. يا خسارة الجمعيه .. يا خسارة المشروع ..
يا خسارتك يا نوح افندى .

محمود [بمسك الشوال عاويلا ادخال نفسه فيه] أنا يا عم
حادخل جوه الشوال تانى ، ومش حاطلع منه أبدآ .

قرقر - بقى ده اسمه كلام ؟! يعنى عايزين أم عبده تيجى
تموتنى أنا؟! يعنى هى المسألة مالهش حل ؟! ما فيش حد
عايز يضحى ؟

سيد [بعد تفكير] - أقول لكم . أنا حاضحى . حاضحى
لكن مش علشان خاطر كم أو خاطر أم عبده ، أنا
حاضحى علشان خاطر مخلوقه واحده .. عارف إنها
حاتألم لو واحد منكم اتجوز زكيه .. حاضحى علشان خاطر
واحدة حاتتصدم لما تلاقى أبوها اتجوز على أمها فى آخر
العمر ، وحاتتصدم أكثر لو تعرف ان البنى آدم اللى فاكره
مثل أعلى اتجوز الست زكيه ولعه ، وبقي أب لابن مجهول
الأب .. أنا حاتجوزك يا ست زكيه .. وأمرى لله لأن
ما فيش حد حاسس بيه ولا حايزعل عليه .

زكيه - [في ذموم] إئت بتكلم جد ؟ ! والاعايز
تلفنى .. خد بالك كويس أنا ماينضحكش على أبدأ .
سيد - أنا ما عرفش ألف .. كل اللى اتنى عايزاه
حاعملهمو لك .. بالله بينا يا جماعه .

[بهمون بالخروج عندما يسمع صوت الشيخ عجيب من وراء باب السلام]
عجيب - و له يا قرقر .. ما طلع تليش الفطار ليه ؟ ! إئت
عايزنى أموت مالجوع .. مش كفايه اللى جرائى .
قرقر - يادى الوقعه السوده .. نعمل إيه دلوقت ؟ !
حانخرجوا منين [الى عجيب] طيب ياسيدنا الشيخ اطلع
دلوقت وأنا أجيب لك الصينيه .

عجيب [من الخارج] - مش طالع إلا لما تديهالى دلوقت
قرقر - أعمل إيه فى ابن الأروبه ده !! هاتوا يا جماعه
الأكل اللى معاكم .. [بمحاول جمع الأكل واخراجه من الأرنفة
واعادته الى الصينيه عندما يسمع صوت أم عبده من وراء الباب الآخر]
أم عبده - واد يا قرقر .. إئت حاتضيع اليوم عندك
والا إيه ؟ .

نوح - خلاص ما فيش فايده رحنا فى داهيه .. الحصار
تم من جميع الجهات . وقعنا واللى كان كان . جالك الموت
ياتارك الصلاه أشهد أن لا إله إلا الله .

[يقفز قرقر من مكانه وينزع أشطية الأرائك فيضمها فوق محمود
 وسيد وزكيه . . . ويعطي لكل من محمود وسيد رق . . . وزكيه طبله]
 قرقر — اسمعوا يا جماعة دي آخر محاوله . . . دي آخر
 حاجه نقدر ننفذ بيها بعمرنا . . . يا تخيل عليهم يا نروح في
 داهيه . . . أنا حافتح لكم الباب وانتوا تخرجوا على بره
 جرى وكل واحد منكم يدق باللي في إيده قوی ويفقر . . .
 وانت يا نوح أفندي امسك العود بتاعك ، وتنتن لهم . . .
 فاهمين ؟

[تفتح أم عبده الباب فتذهل مما تراه]
 أم عبده [صارخة] — يا حفيظ . . . يا مغيث . . . دول
 إيه دول يا واد يا قرقر ! ؟

[يبدأ الدق ويندفع الطابور وهو يترنح الى الخارج]
 نوح — [وهو يعزف على العود] :

تَرَلِّى . . . تَرَلِّى تَرَلِّى . . . تَرَلِّى

محمود [منشدًا] — أنا الولي . . . أنا الولي .

سيد [منشدًا] — وأنا ابن عمه الشيخ على .

زكيه [منشدًا] — وأنا اللي بزف الصالحين .

[يفتح قرقر الباب أمام الموكب . . . بينما م يرددون الأنشودة مرارًا]

[عجائب لا يكاد يرى الموكب حتى يصرخ فرعاً ويفر هارباً]

[يسدل الستار]



الفصل الثالث

[المنظر : بعد سنة . والوقت قبيل العشاء في ليلة صيف . صالة في الشقة العليا لمنزل أم عمده التي استأجرها سيد ومحمود . في الواجهة باب يؤدي الى شرفة بها بعض نصارى زرع . وفي اليمين بابان أحدهما يؤدي الى دورة المياه والثاني الى السلم ، وفي اليسار باباً يفضي الى غرفة النوم ، وشباك يطل على منور وقد وضعت عليه صينية قفل . في الركن اليميني البعيد أريكة استامبولي . وفي الركن اليسار البعيد بعض السلالات والشوالات . في الوسط منضدة كبيرة حولها مقاعد خبزان . في الركن اليميني القريب بوفيه وفي الركن اليسار القريب المنضدة القديمة وعليها كتب وأوراق والمرآة المشروخة . وبجوارها غاية أشبه بسنارة الصيد في آخر الدوارة التي بها مشبك غسيل . . . يدعو سيد جالسا أمام المنضدة وقد أتم كتابة رسالة وبدأ في تلاوتها لنفسه] .



المشهد الأول



سيد — محمود
سيد — [يقراً]:

أكتب إليك ياساحرة وأنت مني على قيد خطوات ،
أكاد لو أنصت أسمع هبة أنفاسك وخفقة قلبك .. أكتب
إليك لأنني أشعر عند الكتابة بما يشبه متعة اللقاء ، وأحس
أنني أنقل إليك ذوب نفسي وخلصة روحي ، وأكاد أتوهم
وأنت تقرئين ما أكتب أني طاو في الصفحات قابع بين
السطور ، وأنني أمتع العين بسحر عينيك وأدفيء الروح ببحر
أنفاسك .

إني أحسك ياساحرة في كل ما أحس .. أحس بك
في كل زهرة ندية وروضة بهية ، وطير شاد ونجم هاد ،
وعطر زكي ولحن شجي .

أنت معي دائماً .. في كل صحوة وغفوة .. أنت معي
غائبة أو حاضرة ، واصلة أو هاجرة .. أنت باقية في روحي
وفي ذهني وفي قلبي .. بقاء الروح والذهن والقلب ،

الخلص محمود

[بطوى الرسالة ثم بشبكها بمشك غسيل الربوط في السنارة
وتحني منه التفاتة الى شكله في المرآة فتخرج منه تهيدة مريرة ساخرة
ويحدث نفسه]

سيد [لنفسه في المرآة] - وأخرتها؟ وإيش بعد داكله؟
إيه آخره الهوى المتسكر ، والحب المقنع ده .. انت ..
بخلقتك دي ، وبكيانك ده .. مفيش فايده منك مش حاتجك
مش حاسه بيك ، ولا حاتس بيك أبداً .. خلقتك كده !!
تعمل إيه؟ طب ما أنا عارف انها مش حاتجني ، أنا يائس جداً
من حبها ، أنا ما بعلمش كده علشان تحبني .. أنا بعمل كده
علشان ما اخذهاش ، أنا عايز امنحها الأمل اللي أنا فقدته ،
وأعتقد أن أنا نجحت في كده .. أنا عملت كل حاجه
علشانها .. أنا كرست جهودي وحياتي كلها علشان أسعدھا
وأحقق لها أملها .. أنا قبلت أضحي بنفسى وأتجاوز زكيه ،
علشان ما أصد مهاش في محمود ، ولولا ربنا ستر ، والحكاية
طلعت للاحمل ولا حاجه .. كان زمانى جوز ست زكيه ولعه ،
وأبو ابن ربنا يعلم مين أبوه .. قبلت داكله علشان خايف
عليها لتألم ، وفضلت ورا الحيوان محمود ألمه من البارات
والكباريات وأذاكر له وأسهر بيه الليالى لغاية ما خلطته
ينجح ويأخذ الليسانس ، وفضلت أجرى ليل مع نهار
وانظ من ديوان لديوان .. وأجيب في واسطه ورا واسطه

لغاية ما ربنا سهلها له وبقى موظف محترم وقعدت أدبق
واقصد وأحرم نفسى لغاية ما بقلنا شقته محترمه نظيفه
عليها القيمة بعدما كنا مش قادرين ندفع أجرة الأوده اللى
فوق السطوح وخرجتنا منها الوليه على ملا وشنا محبوسين
فى الشوالات ، وطول المده دى كلها عمال أهدى فيه
وأحاول أن أخليه يجيبها واكتب لها فى جوابات باسمه ،
وأناجيا بلسانه .. أناجيا بلسانه هو ، وبقلي أنا .. دال المنفذ
الوحيد .. اللى بنفس بيه عن مشاعرى ، وبخرج فيه حبي ،
وبتلقى منها الردود بتاعتها ، اللذيذة الحلوه الهايمة .. حقيقي ،
مكتوبة له .. لكن بحس منها بعزاء كبير ، بحس ان ولو
أنى مش مقصود بيها .. لكن بلاقى فيها الرد على جواباتى ،
وعلى هيامى ، وعلى حبي .. أنا مش حاسس أبدأ لما بتعد
أحاسب نفسى إن أنا خسران كثير .. أنا حاسس إن الشعور
بتاعى مردود ، مش ضايع فى الهواء .. هى حقيقي ماتحبيش
الشكله الظاهر ده [يشير الى نفسه فى المرآة] ، ولها حق ..
لكن متيألى انها بتحب الحاجه المستخيه .. بتحب القلب
والشعور ، والروح ، ودا كله أبقى وأدوم وأحق ،
[يطلق تهيبه مريرة ساخرة] أهو كلام بنعزى بيه نفسنا ، آمال
حانقول إيه لو ما كانش كده ، كان الواحد زمانه ماتم الياأس .

[ينهض من مكانه ومعه الحطاب والسنارة والديباجة، ويتناول الناي من فوق البوابة ثم يطفىء النور ويتجه الى الشرفة . يقف بياها . . ويعزف برهة على الناي ، ثم يتقدم من حافتها على أطراف أصابعه ويقذف بالرسلاتة مسكاً بيده طرف السنارة]

[في هذه اللحظة يفتح الباب المؤدي الى السلم بفتح من الخارج ويدخل محمود يحمل لفائف بها سندويشات ومأكولات وزجاجات بيرة ويفتح النور ويضعها على الترابيزة ويرفع عقيرته بالفناء]

محمود — ما كانش كده طبعك يا غزال ، والنبي

أنا مقدر على دى الحال .

[سيد يفزع خشية أن تفضح بهية الأمر ويحاول اسكاته بإشارات من يده ، ولكن محمود لا يشعر به ويستمر في الغناء ، فيترك السنارة مستندة على سور البلكون ويهرول الى الداخل]

سيد — هس . . الله يفضحك . . زى ماحتفضحننا ،

هو دا وقت غنا؟

محمود [ياجأ ويفزع] — إيه ده ؟! انت طلعت منين

نشفت دى .

سيد — هس ، وطى صوتك لحسن تسمعك . . تبقى فضيحه ، وتضيع كل تعبنا هدر . إطفىء النور لغاية ما تاخذ الجواب ، والا يعنى لا منك ولا كفاية شرك .

[محمود يطفىء النور ثم يتسأل سيد الى الشرفة ويمد يده ويسحب السنارة]

محمود [هاماً من داخل الحجر] — ها . . غمزت ؟

سید [بشیر برأسه بالا جابه نم يعود متسللا الى داخل الحجره] —
كنت حاتودينا في شربة ميه ، مالك جاى عيارك فالت
قوى ، وداخل فارد قلو عك .. إيه حكايك ؟
محمود [بفى، الحجره] — حكايى أنا ؟ والا حكايك
انت ؟ إيه اللى قعدك انت لغاية دلوقت .. انت مش قلت
إنك مسافر تجيب قرشين و مش راجع غير بكره بعد الظهر .
سید — دا اللى كان مفروض .

محمود — وبعدين ؟

سید — ما حصلش قسمه .. الحكايه حصل فيها الخطه
واضطريت ألغى السفر .

محمود [فانزاج] — تلفى السفر ؟ يعنى مش حاتسافر ؟
سید — مالك بتصرخ كده !! انت مش لسه قابض ،
ولاطيرت الماهيه زى عوايدك ، على العموم بكره ربنا
يفرجها ويرزقه من حيث لا يحتسب .

محمود — قوى .. أنا معاك خالص ، من جهة بيرزق
من حيث لا يحتسب فيبرزق أوى .. بس بقى يرزقه بإيه ؟
عمرك ماتعرف .. بمصايب .. ببلاوى .

سید — بلاوى إيه اللى رزقك بيها ؟

محمود — فيه أكثر من كده بلاوى .

سيد — ماتقوللى بس إيه هي البلاوى دى ؟
محمود — وجودك الليله دى .
سيد — وجودى أنا ؟
محمود — أيوه . . كان لازم تسافر . . أنا كنت عامل
حسابى على إنك تسافر الليله دى .
سيد — ولما ماسافرتش حصل إيه ؟ قعدت على قلبك
كتمت أنفاسك ؟
محمود — حاجه زى كده .
سيد — يعنى إيه ؟

محمود — يعنى بالعربى أنا عازم زكيه هنا الليله دى . .
عملت حساب إنك مسافر ، وقلت بدل ما اروح أسهر بره
أهو أجيب شوية الشرب والأكل ونقعد نمز مهنا ، جيت
إنت بسلامتك خلّيت بي ، وقعدت فى البيت وخسرت لى
كل الشغلانہ ، تبقى دى بلاوى من حيث لا أحسب ،
والا لا ؟ إيه العمل ؟ مش تقوم تسافر أحسن ؟

سيد — إنت بتقول إيه ؟ إنت اتجنّدت ؟ زكيه جيا لك
هنا فى الشقه عثمان تسهروا سوى ؟ دى آخر أنواع الفضايح
اللى عايز تعملها ؟ عايز الجيران يقولوا علينا إيه ؟ إنت مش
حاستريح الا لما تودينا فى داهيه . وبسلامتها جايه إمتى ؟

محمود - [ينظر الى الساعة] أهو كان نص ساعه .
 سيد - [و فزع] نص ساعه ؟ انت مجنون ؟ انت مش
 عارف بعد نص ساعه مين حايجيك هنا .
 محمود - مين ؟
 سيد - مش فاكر قلتك إيه النهارده الصبح ؟
 محمود - لأ .. مش فاكر .
 سيد - مش فاكر الجواب اللي قريتو لك ساعة ما صححت
 من النوم ؟
 محمود - أبدأ أبدأ .. أنا لما باصحي من النوم باقعد ييجي
 نص ساعه في حالة غيبوبة تامه .. أنا مش فاكر الجواب ،
 أنا مش فاكر إن أنا شففتك النهارده الصبح خالص .
 سيد - يا نهارك اسود .
 محمود - اسود ليه بس .. ما تقول مين اللي حايجي
 وتريني .
 سيد - بهيه ؟ افنكرت والالسه ناسي .
 محمود - بهيه ؟ وإيه اللي حايجيها هنا ؟
 سيد - يا محمود يا اخويا .. أعمل فيك إيه ، أكثر من
 إني أقرا لك الجواب بتاعها .. وأكد عليك إنك تستناها
 عشان حاتطلع تقابلك ، وأترجاك إنك تبقى لطيف معاها ،

وإنك توريتها إنك بتحبها ، وتخليك رقيق وما تقلش أدبك
ولا تمد إيدك ، وتقول لها إنك عايز تتجوزها ، وإنك
حاطخطها من أبوها .

محمود — إيه إنت قلت لي الكلام ده ؟
سيد — أيوه قلتهولك .. أنا قعدت نص ساعه ألقنك
الدرس وأحفضك حاتقول لها إيه .

محمود — بس .. هي النص ساعه دي اللي اكون في
حالة غيبوبة فيها ، وقلتك إيه ؟

سيد — قلت لي حاضر .. حاضر .

محمود — حاضر إيه ؟

سيد — حاضر حاطخطها .

محمود — لا .. دانا لازم كنت في ذهول تام .

سيد — يعني إيه ؟ مش حاطخطها ؟

محمود — أنا أخطب ! . فال الله ولا فالك .. بقی أنا
سايك تكتب عنی جوابات حب زی ماانت عايز ومدیک
توکیل تصفر وتغنی باسمی وقت ما تحب .. لكن لغاية
الخطوبة .. وفرمل .. ستوب .

سيد — إيه ده ! إنت مجنون ؟ أقعد أنتب التعب ده
كله .. وبعدين تقول لي كده .. أقعد أربي فيك ، وأنجحك

وأوظفك علشان خاطرها ، والآخر تبجي تخلا بيّه كده ،
مش ممكن ، مايمكنش أبداً .

محمود — إيه هو اده اللي مش ممكن ؟! أنا ما اخطبش
ولا اتجوزش أبداً . الشهاده بتاعتك خدها ، مش لازمانى ،
والوظيفه كان ، أنا ما أبعش حريتى أبداً ، ولا بالدكتوراه .
لا ياخال ، دا حتى حرام عليك .

سيد — يا محمود ياخويا ، يا حبيبى ، الله لايسيتك ، خلىنا
تتكلم على رواقه ...

[يدق الجرس ... بفرع الاثنان ويرتبكان]

محمود — ودى تبقي مين فيهم اللي جايبه بدرى ؟ إسمع
ياخال : إذا كانت بهيه ، أرجوك تقول لها إن أنا مش هنا .
سيد — مش ممكن ، لازم تقابلها بأى طريقه ، مش
ضرورى تخطبها ، قل لها كلمتين لطاف وخلص . وبعدين
يبقى يحلها ربنا ، أرجوك علشان خاطرى .

محمود — موافق .. بشرط .

سيد — إيه هوّه ؟

محمود — إنها تنزل بسرعه .

سيد — حاضر .

محمود — طب واذا كانت زكيه ؟

سيد — حاشيلها لك على راسي .. اللي انت عايزه أعمله
أسافر لك لمدة شهر ، بس اوعى تزعل بيه .
محمود — خلاص انفقنا .

[يدق الجرس ثانية فيذهب سيد ليفتح الباب فيفاجأ بنوح افندي ..
يدخل مندفعاً وهو يحمل حقيبة]
سيد — [في ذهول] الله !! نوح افندي؟ !

المشهد الثاني



[سيد — محمود — نوح]
نوح [وهو يضع الحقيبة على المنضدة] — أسعد الله التماسي
كيف الحال؟
سيد — الحمد لله .

محمود — الذي لا يحمد على مكروه سواه .
نوح [وهو يخرج أوراق ومنتشورات] — الليلة دي عندنا
شغل كثير .. خلاص ابتدينا الجد .. اقعدوا .
[سيد ومحمود يتبادلان نظرات الحيرة والتردد ويسترقان النظر الى
الباب في خوف]
نوح [وهو يلبس نظارته وبأخذ في ترتيب الأوراق] —

الطلبات نازله علينا زى النظره .. المنشور الأول عمل
مفعوله .. الظاهر إن الحال من بعضه .. ما فيش حد أبدأ
راضى عن حاله .. [برع بصره فيجد الاثنين مازالا يتبادلات
نظرات الحيرة والارتباك] الله .. إتم واقفين ليه ؟ ! ماتعدوا
إحنا ما عندناش وقت .. لازم نفحص كل الطلبات دى ..
ولازم نراجع قانون الجمعيه .. ونبتدى فى تشكيل مجلس
الإدارة .. وتكوين الشعب .. دى كلها عايزه جهد كبير ..
جلسة النهارده حاتكون جلسه تاريخيه كبرى .. إن شاء الله
حاتغير وجه التاريخ .. وحاتكون أول خطوه فى سبيل
إعطاء الراجل كل حقوقه وحرياته وإنقاذه من براثن المرأه
وتحريره من قيودها .. اقعدها .



سيد - لكن .. [يقننح] .

نوح - لكن إيه ؟ فيه حاجه ؟ .

سيد - لا .. ولا حاجه .. بس قصدى أقول إن ..

أنا شايف إن الوقت وخرى شويه .. والدنيا ليلت .

نوح - ليلت ؟ .. آمال عايزنا نعقد اجتماع فى عز

الضهر .. إيه ده يا أستاذ ده ؟ دى جمعيه سريره .. أنت

عمرك ما اشتركت فى جمعيات سريره ؟ ! الجمعيات دى

ما تجتممش إلا فى ستر الليل .. تحت جنح الظلام .. ده

عز وقت اجتماعها .. اقعدها بلاش تضيع وقت .. بالله
خلينا نشوف شغلنا .

سيد [بنظر الى الباب في قلق] — بس .. مايمكش نقدر
ناجل

نوح [في غضب] — ناجل إيه ؟ ا هي لعب ، دى
مصالح أزواج ، دى حياة أو موت ، المسألة خطيره جداً
يا أستاذ ، إذا ما كناش نلحق نفسنا حانروح فى شربة ميه ،
الوليه أم عبده ، خلاص فحرت ، بعد ما خلت الشيخ عجائب
يستوطن فى الأوده اللى فوق ، وجوزته البنت عديله ،
واستولت عليه ، وطول النهار يشبشب ويسحر ويعمل
أحجبه ، ويطلع فى عمائل ، خلاص فضى لنا ، ما بقالوش
شغله غيرنا ، هو وراه إيه ، آكل شارب نايم ، وأشيته رضا
مع البت عديله ، يبقى وراه إيه غير خدمة أم عبده وأذيقنا
لا ، لا ، الحكايه ما تستحملش التأجيل أبداً ، اقعدها ،
محمود — اقعده بقى ياخال ، ما فيش فايده ، الليله باينه
من أولها .

[يجلس محمود وسيد ويضع نوح أمامهما بعض الأوراق]
نوح — دلوقت نقدر نعقد الجلسه . . أنا حا تولى
الرئاسه . . وانت ياسيد أفندى تتولى السكرتاريه . . وانت

يا سى محمود .. عضو مجلس الاداره المنتدب .. [مفكراً]
لكن بالطريقه دى مش حايبقى فيه أعضاء .. لازم يكون
فيه ولو عضو واحد .

[يندق الجرس فيقفز سيد من مكانه فرعاً ويجري نحو الباب ويقف
وراءه برهة متردداً]

نوح [يحاول جمع أوراثة .. ناظراً الى الباب حذر ومتسائلاً في
صوت خفيض :] — إمتوا مستنيين حد ؟ !

محمود — لا .. أبدأ .. ما فيش حد .. أبدأ ! .

[يندق الجرس ثانية . . فيفتحه سيد ببطء ، ومد عنقه من خلال
الفتحة ليرى الطارق .. يسمع صوت الشيخ عجائب من خارج الباب]
عجائب — السلام عليكم ياسى سيد أفندى . . عدم
المؤاخذه .. وحياة والدك أقدر ألاق عندك قطنه بصبغة
يود أحطها على البطاحه اللي في دماغى .

[سيد يفتح الباب ويدخله]

سيد — الله .. الله .. إيه اللي جراك كفى الله الشر ؟

[يرتقى الشيخ عجائب على الأريكة وقد بدت احدى عينيه سوداء
أتر كدمة ووضع يده بالمنديل على جرح في رأسه]

المشهد الثالث



[سيد - محمود - نوح - عجائب]

نوح - الله .. إيه الحكاياه يا شيخ عجائب ؟
 محمود - الظاهر إن عين صابته .. حسدناك والله
 يا شيخ عجائب .. لسه كنا بنقول عليك آكل شارب نايم ..
 وأشيتك رضا مع عديله .

عجائب - الله يخرب بيتها بحق جاه النبي .. إلحقتي
 ياسى سيد أنا فى عرضك لحسن خلاص .. دى ساح ..
 إذا ما كانش بصبغة يود .. تبقى بتلقيمة بن ، بس أوقف الدم
 سيد - حاضر .. حالا .. بس خليك كابسه بالمنديل .

[سيد يخرج من البوفيه زجاجة صبغة يود وقطعة قطن ثم يضمد جرح
 الشيخ عجائب]

نوح - إيه اللى جراك يا راجل .. إيه اللى عمل
 فيك كده ؟

عجائب - عديله ياسى نوح أفندى .. خدتنى غدر ..
 دشدشتنى خالص .

نوح - ليه بس ١٩ عملت لها إيه ؟ .

عجائب - ولا حاجه والله .. النهارده الصبح الوليه
زهرة بتاعة الفول الثابت فاتت علينا سابت لنا نص قدح
فول .. وقالت لى إن بقالها خمس سنين من غير خلفه وان
جوزها ناوى يتجوز عليها إذا ما كانتش تخلف .. وطلبت
منى وصفه للحمل .. الوليه صعبت عليه قولتها فوتى عليه
آخر النهار أكون عملتك اللازم وقعدت أحضر لها فى
حجاب كويس محبش ما يخيش أبداً .. وقرب المغريه
خبط الباب ودخلت زهره .. رح مديها الحجاب ..
الوليه خدته وقلبتة فى أيديها وقول زى ماتكون استقلته ..
قالت هو ادا يا سيدنا الشيخ اللي حايجب الجبل .. قولتها
ياستى إلبسيه دلوقت وإذا مانفعلش نعمل واحد تانى ..
برضه لقيتها موسوسه ، حبيت أطمئنها .. قولتها يا ستى
ماتخافيش إطمنى .. أنا مش حاسيك أبداً إلا لما تجبلى ..

غلطت فى كده ١٩

نوح - أبداً .

عجائب - أنا يدوبك خلصت كلام .. وألاقك الباب
اتفتح وحاجه كده هجمت عليه .. زى أما يكون صاروخ ..
أنابى كلامى كان فى دخلة عديله .. وسمعتة وهى ورا الباب

الظاهر الفار لعب في عبا خلاها شعلت .. وهجمت عليه ..
عاديك .. ما خلقتش فيه نفس .. ولا قدرت أفهمها ولا
أشرح لها ولا آخذ منها حق ولا باطل .

نوح — ما تخافش ، بكره حاتاخذ منها الحق والباطل ،
اكتب يا سيد أفندي بسرعه ، العضو الرابع ، الشيخ عجائب
محمد عجائب ، قوم يا شيخ عجائب قوم ، خد محلك على
التراييزه ، قوم ، دانن ربنا ييجبك ، العلقه اللي إنن اترقعها
دى ، حاتكون نقطة نحول في حياتك . حاتكون سبب
في تخليد ذكرك في سجل الخلود ، دى اللي حاتدخلك التاريخ
من أوسع أبوابه . بدال ما كنت حتنه هلفوت نصاب دجال
محتال ماشى في ركاب شيخة مجرمات الشرق الأوسط ،
دلوقت حاتبقى عضو مؤسس في أكبر جمعيه سريه عرفها
التاريخ . أكبر جمعيه حاتقضى على الطغيان والظلم والاستبداد .
قوم يا شيخ عجائب قوم .. إنن أمك داعيه لك ، صدق
من قال ، رب ضارة نافع . أو كما قال ، تيجى مع العمى
طابات ،

عجائب — [وى دمشه] إيه أصله ده ، أقوم أروح فين؟
محمود — قوم ، قوم ، إنن وقعت والالهوارماك ،
آل من عديله لنوح يا قلبى لا تحزن ، قوم يا حلو ، قوم

خش التاريخ من أوسع أبوابه ، قوم لحسن المسأله مستعجله
قوى .

عجائب — بس مش تفهموني إيه الحكايه ؟
سيد — دلوقت تفهم ، بس قوم خد حالك .
نوح — يا الله يا جماعه بقی علشان نبتدی الجلسه ،
الوقت كالسيف ، أو كأم عبده ، إن لم تقطعه قطعك .
عجائب — قطيعه ، تقطع أم عبده ، و تقطع الزمن
الى رمانا في بيتها .

نوح — قضاك كدا يا شيخ عجائب ، أمال أنا أقول
إيه ، اللي بقالي عشرين سنه ، أم عبده مع الاشغال ، لكن
معلش ، هانت .

فيا قلب صبراً ان جزعت فر بما
هوى الزمن على رأس ام عبده بالصرم
مكسور البيت شويه يا أستاذ سيد؟ معلش ، مدام
مكسور على دماغ ام عبده . يبقى الكسر حلال ، يا الله
بيننا يا جماعه ، فتحت الجلسه .

سيد [بنظر الى الساعة في قلق] — احنا حا نطول يا نوح
أفندي ؟

نوح — إحنا والنساهيل ، نبتدی دلوقت نقرا قانون

الجمعية ، أنا بقالى شهر با اوضع فيه ، وأعتقد إن أنا ما سبتش
حاجه أبدأ ما وقيتهاش حتها ، خد يا سيد أفندى باعتبارك
سكرتير عام الجمعية ، اقرا القانون .

سيد — [يتناول الأوراق ويأخذ في القراءة] خطك وحش
أوى يا نوح أفندى .

نوح — الله يبشرك بالخير ، دائماً العظام ورؤساء
الجمعيات السريه يبقى خطهم وحش كده ، لكن على العموم
شويه شويه حتاخذ عليه ، اقرا .

سيد [يقرأ] قانون الجمعية السريه لقتل الزوجات .

مادة ١ — تنشأ جمعية سريه لتحرير الأزواج من طغيان
الزوجات .. يكون مركزها العام مكان ما بمدينة القاهرة
على أن تنشأ لها في المستقبل شعباً مختلفه في جميع أنحاء القطر .
مادة ٢ — الغرض من إنشائها :

(١) وقف استبداد الزوجات .

(٢) المطالبة بالحرية السبع للأزواج وهى :

(١) حرية البصبصه وشبرقة العينين ، شبرقة بريته مبدئياً .

محمود — أنا معترض .

نوح — علشان ؟

محمود — علشان مسأله البراهه دى ، أنا ما احبهاش أبدأ .

نوح - يا أخى قولنا ، مبدئياً ، يعنى تبتدى بريته ،
وبعدين يسهلها ربنا ، والامسأله هبش كده ؟ .

محمود - إذا كان كده معلش ، موافق .

نوح - استمر يا سيد أفندى .

سيد - (ب) حرية الفوضى المنزليه ، وتحريم جميع
أنواع النظافه من كس ومسح وتنفيض فى حضور
الأزواج ولا سيما أيام الجمع والعطلات الرسميه .

محمود - [يصفى طرباً] ، حلوه الفتره دى ، قلها تانى
ياخال وحياة والدك ، أصل أنا أحب الفوضى قوى .

نوح - اقراها له تانى يا سيد أفندى .

سيد - هو إيه أصله ده ؟ إحنا ماورناش وقت .

نوح - طيب كمل .

سيد - (ج) حرية الغياب عن البيت لدواعى العمل ،
مع عدم الاستفسار قطعياً عما هى دواعى العمل هذه ، حتى
لا يرهق الزوج فى التفكير .

(د) حرية الكذب . مع عدم التدقيق فى الاستجواب
حتى لا يكشف الكذب .

(هـ) حرية الاحتفاظ بسرية آثار أحمر الشفاه فى
المناديل ، والزوايح العطرية والشعرات الملتصقه بالجackets

وعدم الإباحة بمصادرها خشية الحرج .
(و) حرية التصرف في نقوده الخاصة مع تحريم وضع
يد الزوجه في جيب الزوج لهدها . أو لسلبها كلها أو بعضها .
أو لحسابه عليها .

(ز) حرية انتقاء الخدم ، مع منع طرد الخادومات
الجميلات منعاً باتاً ، ومنحهن حق الالتجاء إلى مجلس الدولة
في حالة الطرد ، والعودة إلى المنزل بحكم مجلس الدولة .

مادة ٣ -

نوح - استنى شويه لما ناخذ الراى ، إيه رأيك فى
الحریات السبع دى ؟

الشيخ عجائب - ناقصين واحده .

محمود - إيه هى دى ؟

عجائب - حرية التحميل .

نوح - حرية ايه ؟

عجائب - حرية التحميل .

نوح - كلام ايه ده يا شيخ عجائب . . ده كلام عيب ،
ماقدرش ننص عليه فى صلب القانون .

عجائب - عيب ؟ واللى فات دا كله مش عيب ؟

سيد - أصل يا شيخ عجائب .. حرية التحميل .. حاجه

مفروغ منها .. كل واحد له الحق فيها .. من غير ما ننص
عليها .. فيه حد مالوش حق في تحميل زوجته ؟
عجائب - زوجته ؟. زوجته ايه ياسى سيد ؟ أنا قصدى
زوجات الغير .

نوح - يانهارك اسود ، عايز تنص على كده فى القانون ؟
عجائب - أيوه .

نوح - أيوه ازاي بقى ؟
عجائب - أيوه .. يعنى أيوه .. هي دى فيها حاجه ؟ .
حرية التحميل بواسطة الأحجة والشبشة والسحر والذى
منه .. ياتنصوا عليها فى القانون ، يامستقيل .. السلام عليكم
[وينهن] .

نوح - طيب اقعد بس .
عجائب - اقعد ازاي .. مش كفايه اللي جراالى ..
انتو عايزينى أقع فيه تانى .. هوا اللي جراالى دا مش من
تحت راس إن الحريه دى مش مكفوله .. أمال ايه بقى
فايدة الجمعيه .. سلام عليكم [وينهن] ؟
نوح - طيب اقعد .. حاننص لك عليها .. اكتبها
عندك دى ياسيد افندى واكتب بين قوسين (خاصة
بالشيخ عجائب) .
محمود - واشمعى بقى الشيخ عجائب .. هوا فيه
خيار وفاقوس ؟

نوح - يا أخى دى حاجة تدخل فى نطاق عمله.. يعنى بيا كل
 منها عيش .. وانت لازمالك ليه .. حاتعمل أحجبه انت كان ؟
 محمود - مين يعرف .. حد عارف الظروف ، خليها
 سايبه كده من غير تحديد .

نوح - حاضر .. خليها كده عامه ما فيش داعى
 للتخصيص ، اقر المادة اللي بعدها .

سيد - مادة ٣ : شروط العضوية ...

[يندق الجرس فيقفز سيد الى الباب ، ويبدو الخوف على الجميع ،
 يفتح سيد بحدو ولكن الباب يدفع ويدخل منه قرقر لاهناً] .

المشهد الرابع



سيد - محمود - نوح



عجايب - قرقر

قرقر - [مندفعاً فى الحديث قبل أن يرى الموجودين] الحق
 يا سيد افندى ... عرفت ايه اللي حصل .. مش دلوقت

[يلح نوح اندى تصيبه دهشة وروع ويقف الكلام على شفتيه]
الله .. هو سيدى نوح افندى هنا ؟

نوح — ايه الحكايه يا واد يا قرقر .. مالك ؟

قرقر — لا .. ما فيش حاجه .. دا انا بس .. أصلى ..

سيد — أصلك ايه ؟ فيه ايه ؟ حصل حاجه ؟

قرقر — [يغمز سيد بطرف عينه ويقرب منه هامساً] حصل

كارته .. الست أم عبده قفشت الجواب اللي كان مدلدل من

البلكونه لأن ست بهيه ما كانتش موجوده وهى اللي كانت

قاعده فى البلكونه .. واستقرته .. وعرفت اللي فيه .. وعامله

هيجان وحاتو ديكو فى داهيه .. شو فولكوا طريقه بسرعه .

سيد — [مذهولاً] طريقه ؟ طريقه ايه بقى ؟ دى

اتنيلت خالص .

نوح — بتوشوشوا بتقولوا ايه ؟ قرب هنا يا واد

يا قرقر .. قرب ؟ ايه الحكايه ؟

قرقر — [يقرب مرتبكا] ما فيش حاجه .. ده موضوع

كان كلفنى يه سيد افندى .

نوح — طب اقعد .

قرقر — اقعد ازاي ؟

نوح — اقعد .

قرقر — أنا ورايا شغل .

نوح - قلت لك اقعد يعني اقعد .
قرقر - والسـت أم عبده ؟
نوح - ولا تهـمك . . انت مصيرك بقى فى إيدى
حسب قانون الجمعـيه . . المادـة (٢) الفـقره (ز) . . للأزواج
حرية انتقاء الخدم . . اقعد . . اكتب اسمه عندك يا سيد
افندى . . أهو دلوقت بقى بمجلس إداره محترم . . احنا
ممكن كان نعمله سكرتير عام مساعد . . ده ينفعك أوى
يا سيد افندى . . يقدر يساعدك ، فى كنس الجمعـيه . . فى
رشفها ، برضه الأمر ما يخلـاش .

سيد - [بكتب] عبد الجليل الجرجاوى وشهرته قرقر
سكرتير عام مساعد لشؤون الكنـس والرـش .
قرقر - ما بلاش حكاية الكنـس والرـش . . خـليها
عائمه . . يمكن تحتاجولى فى حاجه ثانيه .

نوح - برضه أحسن ، اشطـبها ياسى سيد ، كـل قرابه .
سيد - المادـة ٣ : شـروط العـضوية :
(١) أن يكون إنساناً عاقلاً محترماً .

محمود - [مائحاً] ايه هوا ده ؟ عاقل إيه ومحترم
إيه ؟ الظاهر انكم مش عايزين حد ينضم للجمعـيه أبداً . .
دى شـروط معجزه . . دى هى دى الشـروط اللى يجب
إنها ما تتوفرش فى العـضو .

نوح - إزای بقی؟

محمود - لأنه إذا كان عاقل .. مش حایتجوز .

سید - وإذا كان محترم؟

محمود - مش حایخش الجمعیه .

نوح - طیب شیل الشرط ده .. اقرا الی بعده .

سید - (۲) اتین .

نوح - خلیها (۱) واحده علی طول .

سید - طب (۱) واحد .. أن یکون زوجاً تعیساً .

قرقر - الله؟! وإذا ما کانش متجوز زی حالاتی .

نوح - الجمعیه تجوزه .

قرقر - طیب وإذا ما بقاش تعیساً؟

نوح - الجمعیه تتولی إتعاسه .

قرقر - ما اتعسش؟

نوح - تطلقه وتجوزه واحده تانیه تعسه .

قرقر - برضه ما اتعسش . (۱)

نوح - یبقی طا بور خامس .. یجب فصله .

قرقر - وإذا ..

سید - احنا مش حانخلص والا إیه؟! بس بقی یاسی

قرقر خلینا نکمل .

قرر - يعني ما استفهمش ؟

سيد - ابقى استفهم بمدين .. خلينا نخلص دلوقت ،

[ناظراً الى الباب في قلق .. نم الى نوح في استعطاف] أظن كفايه
كده النهارده ؟

نوح - كفايه ازاي .. انتوا إيه ؟ مش حاسين بخطورة
الحاله .. احنا لازم نشغل ليل نهار .. الحاله وحشه جداً ،
احنا اذا ما كناش نتخذ نفسنا .. حازروح في داهيه .

[دقات متواصلة من الجرس .. طرقات متوالية على الباب .. ويسمع

صوت أم عبده من الخارج]

أم عبده - افتح يا ضللى منك له ، والنبي لأوديكوا
النيابه يا خباصين باهلاسين .

نوح [قافراً من مكانه وهو يله الأوراق في الحقيبة] - يانهار
اسود دى أم عبده .. الختوني .. لازم فيه وشايه بالجمعيه ،
خلاص ، روحنا في داهيه .

[يهرول بحقيبه وأوراقه مندوماً الى باب الحجره وخلفه الشيخ

عجايب]

قرر - جمعيه إيه وبتاع إيه ؟ إيه العمل دلوقت ..

حاتقولوا لها إيه على الجواب اللى بعته سى محمودم البلكونه؟

محمود - أنا ياخويه مابعتش حاجه .. حد الله بيني

وبينهم ، حد في الدنيا يحب بنت أم عبده !! يحب بنت
 طور بيد ؟ بنت بركان !! ياسا تر يارب .. أنا حازوغ ياخال
 واصطفال انت معاها .. أنا طول عمرى لا بااحب حد
 ولا حد يبجنى ...



[يتجه الى باب المطبخ]
 قرقر - وأنا إيه اللي يخليني أقابلها .. هو أنا مستغنى
 عن نفسى .. خذنى معاك ياسى محمود .. أنا مش حملها .
 [يفتحق وراء محمود]

[يزداد الطرق والدق فيتجه سيد الى الباب مرتجحاً ويفتجه في تردد
 فتدفعه أم عبده وتندفع تائفة الى الداخل وفي بعدها الجواب]

المشهد الخامس



[سيد - أم عبده]

أم عبده - هو أفين هوّاده ، الضلالى الخباص اللي
 ما يفتشيش .. هوّا فاكرها إيه ، سايبه ؟ وكاله من غير
 بواب ؟ مال من غير صاحب .. عايز يتلف البنت ويخبب
 أملها ويخسر أخلاقها ، لا يا حبيبي .. لا يا عومر .. إحنا مش

من أهل ذلك .. احنا ناس أحرار ، مش بتوع مسخره .
سيد - هدى نفسك بس ياست أم عبده .. هو
لاسمح الله حد قال عليكوا حاجه ؟
أم عبده - يقدر .. دا انا كنت قصفت رقبته ، وأطلع
البلا على جتته .

سيد - طيب أمال مزعله نفسك ليه ؟
أم عبده - مزعله نفسى ليه ؟ ! على اللى حصل ، هوا
اللى حصل شويه .. عايزنى أرقع بالزغاريط .. عايزنى آتجزم
وارقص .. هى دى عامله تتعمل هوا مافيش خشا مافيش حيا
دا احنا ناس أشراف .

سيد - هوا فيه حد قال إنكم مش أشراف ؟! دا اتم
أسياد الناس .. دا اتم سمعتكم زى الجنيه الذهب .
أم عبده - ولما اتوا عارفين كده .. يبقى لزومه
إيه ده [تشير بالخطاب] لزومه إيه المسخره وقلة الأدب .

سيد - ياست أم عبده ، هوا فيه مسخره وقلة أدب !
أم عبده - لا .. فيه حكم ، فيه وعظ ، حوش ياخويه
الآيات اللى بنتنطق منه حوش ، حوش الأدب اللى بيخر
حوش ، آل فيه إيه ؟ .. فيه انت معى دائماً ، فى كل نومه
وقومه ، ياخى إن شا الله يتام مايقوم ، معاه ازاي الضلالى

اللى ما يختشيش على عرضه .. بنت زى دى لسه عنها ما افتتحتش
يقول عليها انها معاه فى كل نومه .. إزاي !! دا أنا أوديه
النيابه ، دانا أبيتته فى السجن .

سيد - ليه بس ياست أم عبده .. الراجل قصده
برى و نيته طيبه .

أم عبده - طيبه ؟ ياخى ما طاب له عيش ، آل طيبه
آل ، بعد ما يقول لها انت نايمه معاهه دايمآ .. بيقى برضه
طيبه ، أمال كان ناقص يقول لها إيه ؟

سيد - ياست دا قصده توريه .. يعنى فى ذهنه دايمآ ،
وهو نايم وهو صاحى .

أم عبده - لا يا حبيبي .. لا يا نضرى .. احنا مش من
بتوع التوريه ، احنا ناس جد .. ناس أصله .

سيد - احنا عارفين ياست أم عبده .. احنا عارفين
قيمتكم كويس خالص ، و محمود قصده شريف .. محمود
ييجب بهيه ، و عايز يتجوزها .

[تسمع نحنة محمود من وراء باب المطبخ]

أم عبده [تلين بعض الشيء] - واللى عايز يتجوز الناس
ياسى سيد يقوم يتجوزهم بالسنانير و الحبال و مشابك الغسيل
من الشبايك و البلكونات .. برضه دا يصح ، هى ماهاش

أب .. مالهش أم ، افرض حد من الجيران كان شافه ،
 يقولوا ايه .. يقولوا البنت دايره على حل شعرها ، يقولوا
 مالهش حد يلها .. انت عارف الناس لسانتها وحشه ازاي
 ياسى سيد ، وماحدث بيقدر ولايعرف .
 سيد - معلش يا خالتي أم عبده .. حقتك عليه ..
 امسحها فيه أنا ، محمود برضه معذور أصله بيحب بهيه قوى
 ويموت فيها .. يتمنى التراب اللي بتدوس عليه ، والنسمه
 اللي بتمر بيها .. هي حياته ، هي روحه .
 أم عبده - حيلك .. حيلك ياسى سيد ، احنا مش بتوع
 حاجات زى دى .. احنا مانعرفش الحب .. احنا ناس جد .
 سيد - وهو آده هزاريا ستى أم عبده ، أمال يبقى ايه الجده؟
 أم عبده - الجده عندنا يعنى جواز .. إذا كان عايزها ،
 يجي يتقدم ومعاه الشبكه والذى منه .. ماذا والا ...
 سيد - وجب ياست أم عبده .. دا برضه اللي حايعمله .
 [نسمع نمنحة احتجاج من محمود وراء الباب]
 أم عبده - أهو كده الكلام .. الحكايه مش سايبه .
 سيد - لا سايبه ازاي .. احنا ناس نعرف ونقدر .
 أم عبده - أنا مستنيا كوا .. متأخروش .
 سيد - نتأخر ازاي .. الليله دى نقرا الفاتحه .. وبكره
 نجيب الشبكه .

أم عبده - أمال هوا فين سي محمود ؟
سيد - سي محمود .. أبوه .. بس وصل كده لغاية
مشوار بسيط وزمانه جاي .. اتفضلي انت .. وانا أول
ما يبجي حانزل لكم على طول .. مع السلامه .
أم عبده - خيلتك بعافيه .. مستنياكم .
سيد - الله يعافيكى .

[لا تكاد تقرب من الباب حتى يذق الجرس بشدة ، فيرتبك سيد
ارتباكاً شديداً ويسرع نحو الباب ولا يكاد يفتحه حتى يجد عديله قد
اندفعت الى الداخل وهى تلهث]

عديله - ستى .. الحقى يا ستى .. البوليس كابس على
البيت ويقولوا عايزين يفتشوا شقتنا والشقه دى كان .
أم عبده - [تضرب على صدرها] بوليس !؟ يا ندامه ..
حد عمل حاجه .. هم فين هم .. أما شوف ايه الحكايه ؟
عديله - أهم طالعين فى رجلى يا ستى .

[لا تكاد تتم حديثها حتى يدخل الضابط مباحث ومعه اثنين من المحبرين]
سيد - [مذهولاً] ايه ؟ فيه ايه ؟
الضابط - خليكوا زى ما انتو كده .. ما فيش حد
يتحرك .. فيه واحد هنا اسمه نوح افندى ؟

أم عبده - [نى ذعر] ماله نوح افندى ؟! جراه ايه ؟
فيه ايه ؟!

الضابط - هوا فين ؟

سيد — هوا فين ؟
 الضابط — أيوه هو فين ؟
 سيد — ايش عرفني .
 الضابط — مش دى شقته ؟
 عديله — لا يا حضرة اليه .. شقته تحت .. ودى
 الست بتاعته .
 الضابط — حضرتك ؟
 أم عبده — أيوه أنا .. ماله نوح افندى ؟ مش تقوللى
 يا حضرة الضابط وتريجنى .
 الضابط — متهم بعمل جمعيه سريره لقلب نظام الحكم .
 أم عبده — قلب ايه ؟
 الضابط — نظام الحكم .
 أم عبده — ياخى إن شا الله تنقلب دماغه ويتوجع
 قلبه .. هوا ده يعرف يقلب نظام حكم .. ودا مين بقى
 بسلامته اللي قال لك عليه الحكايه دى ؟
 الضابط — يا ست احنا عندنا اثباتات .. احنا مش
 بنهزر .. تعالوا اكده شويه خلونا نفقش .
 سيد — وتفقشوا هنا ليه ؟ إذا كان نوح افندى
 مش ساكن هنا ؟

الضابط - لأن المعلومات التي عندنا ان الاجتماعات بتاعته مع أعضاء الجمعيه يعقدوها هنا .

أم عبده - بقي كده ١٩ نوح افندى يعمل جمعيه واجتماعات !! طيب اتفضلوا فتشوا . إن شاء الله حاييجي نقبكم على شونه .. هوا نوح افندى فاضى غير للبصبصه والغنا . خشوا فتشوا . الشقه أمى قدامكم .

سيد - [مرتبكا] لكن ..

الضابط - [للمخبرين] يا الله ابتدوا ..

[يأخذ المخبران في تفتيش الصالة ويتجه هو الي باب المجره]

الضابط - [مشيراً الي الباب] وهنا فيه ايه ؟

سيد - [مرتبكا] هنا فيه .. فيه .. لا ما فيش حاجه ،

ما فيش حاجه أبداً .

الضابط - متأكد ؟

سيد - جداً .

أم عبده - يا خويا خش شوف وريح نفسك ..

آل نوح أفندى آل .. دا تلقيه زمانه سطيحة من السكر ..

هوآ يفوق لنفسه لما حايفوق للجمعيات .

[الضابط يدفع الباب فيفاجأ بنوح افندى واقفا خلفه ممسكاً بالحقيبة

والأوراق فيتراجع في دهشة]

الضابط - الله ؟ ! ايه ده ؟

أم عبده - [تقرب على صدرها] نوح أفندي .. يا نهار
مهبب ومبيل .. انت بتعمل ايه هنا يا راجل !
الضابط - هوا دا نوح أفندي .. هه .. بقى كده !!
ما فيش حاجه أبدأ ؟ زمانه سطيحه من السكر !! اطلع
يا نوح أفندي .. اطلع .

[يدخل نوح أفندي فيبدو وراءه الشيخ عجائب وهو معصوب الرأس]
الضابط - ودا ايه كان ؟

عديله - [تشق من فرط الدهشة] الشيخ عجائب ، بيملك
انت كان بتعمل إيه هنا ؟

الضابط - خش .. خش .. وانت تبقى إيه يا شيخ
عجائب .. عضو مجلس إداره منتدب ؟

عجائب - أبدأ والله ... أنا عضو عادى ... عضو
مستجد ، بقالى خمس دقائق بس ، ولو لا العلقه اللي اترقتها
دلوقت ، ما كنتش دخلتها أبدأ .. الله يخرّب بيتك يا زهره
بحق جاه النبي ، إنت اللي كنت السبب .

أم عبده - يا ناس ، يا هوه ، أنا فى حلم والاعلم ..
نوح أفندي والشيخ عجائب يعملوا جميعه ، لقلب نظام الحكم ؟
حقه بطلوا ده واسمعوا ده .

عديله — يا ما تحت السواهي دواهي .. الواحد يشوفهم
يقول عليهم غلابه وعلى نياتهم .

الضابط — [لأحد المخبرين] خذ منه الشنطه حطها على
الترابيزه ، وطلع اللي فيها .

[يهم المخبر بأخذ الأوراق والخفية ولكن نوح بنسبت بهما]

الضابط — إديها له .

نوح — ما يمكنش .

الضابط — [في دهشة] ما يمكنش ليه ؟

نوح — ما يمكنش يطلع اللي فيها قدام الحریم دول

[ويشير إلى أم عبده وعديله] .

الضابط — ليه بقي ؟ فيها قباحه ؟

نوح — وهم الستات يكرهوا القباحه ؟

الضابط — أمال فيها إيه ؟

نوح — بعدين أقول لك ، بس أرجوك تأمر ياخراج

صنف الحریم اللي هنا علشان نعرف نتفاهم على رواقه .

أم عبده — أنا أخرج ؟ يا اخي ان شا الله تخرج على

ضهرك يا بعيد .. وايش عجب .. أنا اللي أخرج بس ، أنا

لوحدى من دونهم كلهم اللي تخاف مني ، أنا اللي مستحملك

طول العمر ، ومستحمله همك وبلاويك .

الضابط - طب ياست اتفضلي برّه شويه ، أما نشوف
آخرتها معاه .

أم عبده - أتفضل برّه .. له عدوته ؟ ضيا به علي
عينه ؟ والنبي ما اخرج إلا اما اشوف إيه الحكايه .. أنا
عارفاه ، وعارفه وحايده ، المسأله لازم فيها سر .

الضابط - ياستى خيلنا نشوف شغلنا .

أم عبده - دا بيتي .. ما اخرجش ولا اتحر كشي .

الضابط - طب ياسى نوح افندي ، إديله الشنطه .

نوح - [متشبتاً بها بشدة] أبدأ .. هوا أنا مجنون أوربها
اللي فيها إيه .. أنا قتيل الشنطه .

الضابط - طيب خليها معاك [لهخبرين] كلوا تفتيش ،
خش انت فنش في بقية الأود [يشير الى باب المطبخ] ودا إيه ؟
سيد - المطبخ ودورة الميه .

الضابط - وفيهم إيه ؟

سيد - عضو مجلس الاداره المنتدب .. والسكرتير
العام المساعد .. لشئون الككنس والرش .

[يفتح الباب .. ويخرج قرقر منفلا]

قرقر - ما قولنا اشطبوها دي .. سكرتير عام مساعد

بس .. ما فيش لزوم للفضايح دي .

أم عبده — يابن الصرمه القديمه .. إنت كان بتشتغل
في الجمعيات السريه ؟! دي لازم جمعيه وقيع خالص .. سيبيهم
يا حضرة الضابط سيبيهم بلاش تضيع وقت .. دول جماعه
مخاييل .. أنا عارفاهم كويس .. مافيش فيهم عاقل غير
سى محمود أفندى .. لو كان هنا كنا قدرنا نعرف منه
الحكايه وما فيها .

[محمود يخرج متنحنجا]

محمود — السلام عليكم .

أم عبده — يا نهار اسود .. إنت كان معاهم !! لا ..
أنا خلاص .. برج من عقلى حايطير .. لازم أعرف إيه
الحكايه ؟! إيه السر ؟!

الضابط — وده إيه كان ؟

نوح — عضو مجلس الإدارة المنتدب .

أم عبده — منتدب ؟! يا أخى إلهى يندبوا عليك ..
يا راجل يا شايب يا عايب .. مش حاتورينى إيه اللي فى
السنطه دى ؟!

نوح — مايمكئش . أنا مجنون أودى نفسى فى داهيه !

الضابط — إنت لسه حاتودى نفسك فى داهيه ..

دا انت حاتروح اللومان .

نوح — معلش لومان لومان .. برضه اهون من اللي
حايجرالى لوشافت اللي فى الشنطه .

أم عبده — آه يانارى .. لو أتم على اللي فيها .. لاوريك
نجوم الظهر .

نوح — شفت .. مش قلت لك .
الضابط — على العموم اتفضلوا قدامى كلامكم .. كده
بجالكم بمالككم .. اتفضلوا على المحافظه .

نوح — يا الله بينا .

محمود — يا الله بينا إزاي ؟ هوه إيه أصله ده ؟ ..
إنت عايز تودينا فى توكر .. لازم نقول لهم على الحقيقه .

نوح — حقيقه ؟ .. إنت مجنون ؟ .. دى هى دى اللي
حاتودينا فى توكر .. اسكتوا اتم من فضلكم أنا الرئيس
وأنا مسؤول عن كل حاجه .. يا الله بينا .. اتمسى بالخير
يا أم عبده .

أم عبده — الله لا يمسيك ولا يصبحك بالخير زى
ما انت بحيرنى ومفرج على الناس .

[يتجهون نحو الباب وبهم أحد المخبرين بفتح الباب عندما يثق
الجرس بقاءه]

سيد [منزعجا] — وده يبقى مين ده كان ؟

محمود — واحده من الفردتين .. هم اللي فاضلين ..
ما بقاش حد تاني بره أبدأ .

[يفتح الباب تتبدو زكيه وله]

محمود — مش قلت لك .. آدى فرده .. يبقى

فاضل التانيه ✱

زكيه [في ذهول] — يا نصيبتى ؟ .. إيه الحكايه ؟ ..

إيه أصله ده ؟ .. جرى إيه كفى الله الشر .. إحنا جاين

نتعشى ونسهر وننيسط والاجاين نفتح محضر .

أم عبده — بتي كده .. قولتولى .. يا خباصين

يا هلاسين يا اولاد الصرم .. هي دى الجمعيه السريه بتاعتم .

بقي كلكم ملومين علشان تقعدوا تسكروا وتهصوا ..

وتعملوها أردغانه .. خشى يا ختى خشى .. خشى سمي عليهم ..

قبل ما يروحوا التخشيه .. هوّا دا قلب نظام الحكم ..

يا ختى إلهى تنوجع قلوبكم .. من أولكم لآخركم .. بقي كلكم

ملومين علشان خاطر البت المفعوصه دى .. اللي زى

عصا عيص التقاريه .

زكيه — تقاريه مين يا جيتتى .. ماشهش والا إيه ؟

دانا ولعه والأجر على الله .

أم عبده — ولعه لما تقيد فى نافوخك ونافو خهم ..

اتلى يا بت لحسن والنبي ..

زكيه - والنبي إيه يا ادلعدي ؟! .. حاتعملي فيه إيه ..
حاتقطعي الراتب اللي بتجربه عليه . . حاتحوشي عنى
الخيرات اللي مغرقنى فيها بسلامته نوح أفندى . . آل اللي
يفرقه العويل يسفه .

أم عبده - سامع ياسى نوح . . سامع .
الضابط - كويس قوى . . كويس خالص . . بلاش
نشوف شغلنا ونقف نتفرج على ماتش الرده اللي بينكم .
بس خلاص . . انتهينا . . فوتو قدامى كلكم .

أم عبده - يفوتوا قدامك إنت ؟! .. دول يفوتوا
قدامى أنا . . إنت لسه برضك فاكر إنهم عاملين جمعيه سريره
وحا يقبلوا نظام الحكم ؟! بقى بعد اللي إنت شايفه ده
عايز برضه تاخدكم معاك ؟! دا إنت لازم على نباتك . .
سيهم لى إنت . . أنا أشوف خلاصى معاهم . . اتفضل إنت
وأنا حاشوف شغلى .

نوح - إوعى يا حضرة الضابط . . إوعى تسبيننا . .
لوسيتنا أنا حابلق عنك . حايقى إهمال فى تأدية وظيفتك . .
أدينى بقول لك أهه .

عديله - طيب فوت إنت قدامى يا شيخ قطران .
عجائب - أبدأ . . أنا مع نوح أفندى . . إلحقنى

يا حضرة الضابط .

الضابط — هو إيه أصله ده . . إتم إيه حكايتم ؟ .

[بدق الجرس]

محمود — وادى الفرده التانيه . . أهى خلاص كلمت .
أظن بعد كده مش حايبقى فيه خوف أبداً . . وآدى قعده
[يجلس منرباً على الكنبه بعد أن بأخذ زجاجة بيره ويفتحها]
تاخذلك شفته يا خال ؟

سيد — [وهو بتجه ليفتح الباب] يا أخى احنا فى إيه
والا فى إيه . أما نشوف اللي حايجر النا .

محمود — يعنى حايجر النا إيه أكثر من كده ؟ آل
ضربوا الأعرور على عينه آل خسرا نه خسرا نه .

[يفتح سيد الباب — فتبدو به بهيه] .

بهيه [فى ذهول وهي تهم بالتراجع] — الله ؟ إيه جابكم
كلكم هنا ؟

سيد — [مرتبكا] لا مؤاخذه يا ست بهيه ، أصل فيه
شوية سوء تفاهم ، أنا متأسف قوى ، انفضلى استريحى .

[تقف بهيه فى الباب حائرة وجلة]

بهيه [وهي تنظر الى الخبرين] — ودول بيعملوا إيه هنا ؟
وإيه اللي شايله بابا ؟

سيد — ما فيش حاجه . ما فيش حاجه أبداً [بتقدم

نحو نوح أفندي وبأخذ منه الشنطة [هات ياسى نوح أفندي
الشنطة بتاعى وانفضلوا انتوا على تحت . يا حضرة الضابط ،
أنا اللي مسؤول عن كل حاجه ، نوح أفندي كان جاى
بيطالبنى بالأجره . فعرضت عليه إنه يشترك معايا فى
جميعه عاملها ، اسمها جمعية قتل الزوجات .

الضابط — قتل إيه ١؟

سيد — الزوجات ، الزوجات ، إنت مش متجوز ١؟
الضابط — متجوز .

سيد -- يبقى المشروع لازم يهكم قوى .

الضابط — [ضاحكا] بس لسه متجوز جديد .

سيد — يبقى كمان شهر واحد حاجتاج لنا ، وانفضل
شوف الأوراق علشان تصدق ، أهه اقرأ .

[بقرأ الضابط ثم يقهقه] .

الضابط — دى الجمعية بتاعتكم ؟ وعلشان كده خايف

تورى الأوراق للست بتاعتك يا نوح أفندي ١؟

نوح — أنا ما لياش دعوه بالجمعية ، أنا رفضت خالص

أشترك فيها . أنا راجل با أحب مرأتى موت ، موت .

أم عبده — إيه ؟ بقى كده ١؟

الضابط — طيب عن اذنكم يا جماعه ، أنا متأسف أوى

لسوء التفاهم التي حصل، الظاهر إن المعلومات التي جت لنا كانت
مبنية على مجرد شكوك كاذبه متأسف جداً ، سلاموا عليكم .

[يخرج الضابط والخبرين ويحاول نوح الخروج في أذيالهم]

أم عبده [توفقه] — بس ، رايح فين ؟

نوح — مش خلاص خلصنا؟ الحكايه طلعت فشوش؟

أم عبده — فشوش عندهم هم ، لكن مش عندي أنا ،

إنت فاكر أنا ينطلي علي الكلام ده ، أنا لسه لي حساب

معاك . الست ولعه هانم إيه اللي جابها هنا . . جايه لمين ؟

نوح — أنا عارف ، هو أنا صاحب الشقه .

أم عبده — والشرب والمزه دي مين اللي جايهم ؟

نوح — أنا مالي يا ست .

أم عبده — مالك؟ ! جاك مله على جنابك ، دا أنا

حاسو دعيشتك . ما بقاش كان غير تجيب لي النسوان الهلافيت

لغاية البيت ، أنا أبقى قاعده تحت مستنيك على نار ، وانت

قاعد تسكر وتهيص وتفرش مع الست ولعه [تمسك بتلابيبه

وتهم بضره] .

نوح — يا ست والله العظيم أنا ما اعرف إنها جايه .

أم عبده — أهال يعني جايه لمين؟ [تشدد الخناق عليه]

محمود — جايه لي أنا يا ست أم عبده ، سببي الراجل

بقي ، ده مظلوم .

أم عبده — [تستدير الى محمود] جايه لك انت ؟ ! وكان
بتقرر بلسانك يا خباص يا ضلالى . [انت اللى عامل بتحب و عمال
تحدف جوابات الغرام من الشبابيك والبلكونات .] انت اللى
عمال تضحك على عقول البنات . [انت يا نصاب يا فلاقى ،
والنبي لاوديك فى داهيه . شايفه يا ست بهيه شايفه السافل
الدون المجرم . اللى عامل بضحك على عقلك .. شايفه
الرجاله .

سيد — [فى غضب شديد] إيه ده يا مسمى محمود الكلام
الفارغ اللى بتقوله ده ، ما تصدقش يا ست أم عبده ،
ما تسمعيش كلامه يا ست بهيه ، دا بيحك قوى .. دا يعموت
فيك . دا ما بينامش الليل من التفكير فيك ، دا حايخطبك
حالا دلوقت .

زكيه — [صارخه] يخطبها ؟ ! الخاين ، اللى ما عندوش
ضمير . وأنا أمرته ؟

محمود — بقى اسمع يا خال ، لحد هنا وبس ، كفايه
اللخبطه اللى حصلت دى كلها ، أنا قلت لك أنا لا بأحب
ولا باخطب .

سيد — ما تصدقش يا ست بهيه ، دا بيكذب .

بهيه — [تطرق برأسها] لا ما بيكذبش ، اللي بيكذب
 إنت .. أنا عارفه مين اللي بيحبني ، وعارفه مين اللي يكتب
 لي الجوابات . أنا عارفه مين اللي يقعد طول الليل يصفر
 الألحان الحزينه الجميله . أنا عارفه مين اللي قلبه جميل ومشاعره
 رقيقه ونفسه طيبه ، عارفه كل حاجه . وحاسه بالجرح اللي
 سببته لك أول مره شفتك ، وعرفت بعدها إن أنا اخطأت
 الشخص اللي بحبه ، وابتدا شعوري يتجه اتجاهه الصحيح ،
 وحاولت كام مره أقول لك إن أنا عارفه ، لكن كنت
 ما بتدنيش فرصه ، كنت بتهرب ، كنت خايف ، وأظن
 دلوقت أحسن فرصه أقول لك فيها الحقيقه قدامهم كلهم .
 وأقول لك كان أنا مستعده إنى اتجوزك .

سيد — [مذهولا] مش معقول ، أنا مش مصدق ؟
 أنا ، أنا ، إنتي ، إنتي ؟

أم عبده — ماشاء الله ، ولك عين تقولى كده قدامنا ؟
 سيد — يا خالتي أم عبده ، أنا مش قادر أقول إيه ..
 أنا ما كنتش فاكتر إن ربنا حايبكرمنى للدرجه دى .. أنا
 ما كنتش متصور أبدأ إن صبرى الطويل ده ينتهى بتحقق
 الحلم اللي كنت يائس منه ... أنا طالب القرب منك في
 بنتك .. أنا طالب القرب منك يا نوح افتدى .

نوح - وجمعية قتل الزوجات ؟

سيد - فلنسقط جمعية قتل الزوجات .. ولتحي
الزوجات .

نوح - واذا عملت فيك زى امها ما بتعمل فيه ؟

بيه - ما افكرش ، ما فيش أسهل من مرضاة الزوج ،
الحكاية ماتستوجبش جهد كبير أبداً .. كل الحكايات إن
الزوجه تكيف مزاجها على مزاج جوزها .. إذا كان
ما يحبش الخروج تبقى تحاول هي إنها تحب البيت ، وإذا كان
يكره التنظيف ، يبقى مش لازم تنظف قدامه .. ده بيته اللي
يستريح فيه .. وأظن أقل ما فيها إنها تها له فيه الحاجه اللي
ترضيه حتى ولو كانت غلط ، ومش ضرورى تضيق عليه ،
وتسنىكر عليه الشبايك .. لازم تديله شوية حربه ، وشوية
هوا ، يخلوه يحس بقيمتها .. ما فيش داعى تشتغل له بوليس
سرى ، المهم إنها هي تكون كويسه . ومسيره إذا كان يبص
كده والاكده أنه يقارن بينها وبين غيرها ، ويحس بفضلها
ويعرف إن هي الأحسن ، وإنه مالوش غيرها ، ما فيش
داعى للشبشه والسحر والكلام الفارغ .. كل ده نصب
واحتيال .

عجائب — أيوه ، والله يا بنتي لك حق ، أنا عمري ما فلتحت في
حاجه عملتها أبداً .. إلا حاجه واحده ، اللي هي كانت طالباها
منى بنت الصرم .. عديله .

محمود — كانت طالبه إيه ؟

عجائب — كانت عايزه أعمل لها حجاب علشان تتجوز .
عملت لها الحجاب ، وبعد جمعيتين اتجوزتني ، ووقعت أنا في
شر أعمالى .

عديله — بيق كده ، طيب بس لما تطلع فوق .. وأنا
أسود لك العين التانيه .

محمود — ودلوقت خلاص وافقتم ؟

نوح — أنا ما عنديش مانع .

أم عبده — أما نتفق في الأول على المهر والشبكه .

نوح — طيب ، بعدين يحلها ربنا .

أم عبده — أبداً .. دلوقت لازم ننهي كل حاجه .

سيد — أيوه برضه أحسن .. أنا مستعد لكل حاجه .

أم عبده — أنا عايزه خمسين جنيه شبكه .

محمود — خمسين إيه ؟

أم عبده — خمسين جنيه .

محمود - طيب خيلنا بقى لما بيعتولنا فلوس م البلد .
أم عبده - بلد؟ بلد إيه يا عمر .. أنا عايزه الفلوس
دلوقت حالا .

نوح - حالا إزاي بس ياست أم عبده .. هي الحكايه
إيه؟ قفش!

أم عبده - أيوه قفش .. أنا لازم أربطهم .
سيد - بس ، وبعدين .. ياجماعه .

[يدق الجرس]

محمود - ودا بيتق مين دا كان؟

[يفتح قفصر فيجد بالباب الشيخ زين]

الشيخ زين - ياساتر .. السلام عليكم .. هي دى شقة
سيد افندى الفنط ..

قرقر [رحماً] - شيخ زين !! أهلا وسهلا .. جيت
في وقتك يا شيخ زين .. اتفضل .. اتفضل [بدخه ويجلسه
على أحد المقاعد باحترام وترحيب شديد] أهلا .. وسهلا ..
أهلا .. اتفضل .

[يجلس الرجل صامتاً والجميع ينظرون اليه في دهشة ويتسلل
قرقر الى المطبخ ثم يحضر مقشة غليظة وبقف وراه .. ثم يهوي بها
على رأسه] فيخر مغشياً عليه .

سید [صارخا] — ایہ دہ ؟ ! ایہ الی عملتہ دہ ؟ انت
اتجننت ؟

قرقر [بفرك يدبه] — بس فرجت [بدخل بدہ فی حیب
الرجل ثم ینخرج المحفظۃ ملیئۃ بالنقود] عایزین کام [بعد] عشرہ ..
عشرین .. ثلاثین .. أربعین . خمسين .. يدوبك یکلم
[یعطی النقود لأم عبده]

أم عبده — ایہ الی عملتہ دہ ؟

قرقر — خدی بس دی فلوسہم .. جابہالم م البلد .
نوح — طیب و ماسبتوش لیه لما یدبہالم ؟
قرقر — اسیبہ ؟ هو انا اتجننت .. جایتعد یقول ..
بعد فحص و بحث و تمحیص و إثبات شخصیه ، و موت
یا حمار لما یجیک العلیق .

زکیہ [نهم بالخروج] — طیب اخرج أنا بقی .

محمود — تخرجی ازای ادول هم الی ینخرجوا .. یا الله
یا جماعه اتفضلوا کلکم من غیر مطرود .. یا الله یا الله .

أم عبده — یا الله بینا ، فوت قدامی یا سخام البرک ؟

سید — اتفضل یا نوح افندی .

قرقر [بتقدم هو] — ولا مؤاخذه سخام البرک .

دا يبقی انا .. نوح افندی ببقی هباب الطین .
أم عبده — اتفضل یاسی هباب الطین .
نوح — مافیش فایده .. اللسان الزفر .. حایفضل
طول عمره زفر .
محمود — فلنستقط الزوجات ولتحي زکيه ولعه .

[یسدل الستار]

ختم

للمؤلف

تحت الطبع

تمثيلات قصيرة
ساكنة الحنايا
فديتك يا ليلي
أساطير الأولين
موته لله

تطلب كتب المؤلف من :

مكتبة النهضة المصرية، ودار الفكر العربي، والخانجي بالقاهرة.

• النهضة السودانية بالخرطوم .

• المثني ببغداد .

• دار المعارف ببيروت .

• اليقظة العربية بدمشق .


• الكتاب بالدار البيضاء .

• مكتبة الثقافة بمكة المكرمة .

شركة فن الطبع عمارة


شارع الامارات رقم 1 شبرا مصر

تبريد 84192 ص ٧٧٥٤٤ ٤ مطبوع



62. 1.

81







DATE DUE

JAFET LIB. * 18 OCT 2004

~~25 APR 1998~~

Circulation Dept.

~~JAFET LIB.~~

~~27 SEP 1990~~

JAFET LIB.
SUB JAFET LIB.
CLEARANCE 304

JAFET LIB.

1-9 JAN 1994

JAFET LIB.

16 NOV 2000

Circulation Dept.

السباعي، يوسف

جمعية قتل الزوجات

AMERICAN UNIVERSITY OF BEIRUT LIBRARIES



01059013

